

Литература Дагъистан

16+

Гьалмагъдеш

ЛИТЕРАТУРНО-ХУДОЖЕСТВЕННЫЙ И ОБЩЕСТВЕННО-ПОЛИТИЧЕСКИЙ ЖУРНАЛ



6/2016

Г.И. Абу-Бакарлис

НОЯБРЬ - ДЕКАБРЬ



Гьалмагъдеш

ЛИТЕРАТУРНО-ХУДОЖЕСТВЕННЫЙ
И ОБЩЕСТВЕННО-ПОЛИТИЧЕСКИЙ ЖУРНАЛ

Учредитель: Министерство печати и информации РД

РУКОВОДИТЕЛЬЛА КЪУЛЛУКЪУНИ ДУЗАХЪУСИ
Мурад ГЯХИМАДОВ

ЖАВАБЛА СЕКРЕТАРЬ
Т. ЗУРГЪАЛОВА

РЕДАКЦИЯЛА КОЛЛЕГИЯ
XI. Къурбанов (журналла редактор)
Къ. Мигърабов
М. Хиямидов
Т.Сягидов

ЖАМИГИЯТЛА СОВЕТ
А. Гябдулманапова
М. Хияжиев
И. Ибрагъимов
Ш. Мяхияммадов
Х. Хиябикова
Х. Юсупов
И. Мяхияммадов

6

2016

ноябрь - декабрь

Кел бази гъачам
дурабулхъан

Выходит один раз в два месяца

1952 ибил дуслизиб
аклахъубси саби

Журнал основан в 1952 году

Государственное бюджетное учреждение
Республики Дагестан “Редакция республиканских литературных
журналов “Соколенок” и “Литературный Дагестан”.

ЖУРНАЛЛИЗИР ЛЕР:

ГІЯХІМАДХАН АБУ-БАКАРЛИС - 85 ДУС

ГІяХІмадхан Абу -Бакар. «Иш гъакІлизиб ярга сабину дила...».....3

П Р О З А

Къасум-Бег МИГЪРАБОВ. Шахли дигубти къар.....17

П О Э З И Я

Тавсултан СЯГИДОВ. Бахула чуду.....32

П Р О З А

Ибрагъим ИБРАГЪИМОВ. ЦІализиб ва хІилизиб.....38

Хадижат ХІЯБИБОВА. Дигай – гІяжаибси цІакъ саби..... 48

П О Э З И Я

МяхІяммад ХІЯЖИЕВ. Сагали делкІунти.....59

Имин МЯХІЯММАДОВ. Назмурти.....63

П Р О З А

МяхІяммад КЪАРАТОВ. Масхарала хабурти.....69

ОЧЕРК

МяхІяммад ГІЯБДУЛМУТІАЛИМОВ. БегІта кабердиб дякъкад.....72

Регистрационный номер ПИ №ТУ05-00369 от 23. 12. 2016 г.
Выданный управлением Роскомнадзора по республике Дагестан.

Типография: Издательский дом “Дагестан”.
Адрес типографии: 367018, РД, г. Махачкала, пр. Насрутдинова, 61

ГЪАЛМАГЪДЕШ № 6 2016 г.

На даргинском языке

Выход в свет 29.12. 2016 г. Тираж 299 экз.

Заказ №1202 Цена свободная.

Редакция и издатель: Государственное бюджетное учреждение Республики Дагестан “Редакция республиканских литературных журналов “Соколенок” и “Литературный Дагестан”.
Адрес редакции и издателя: 367000, РД, г. Махачкала, ул. Даниялова, д. 55.

Электронный адрес редакции:
litdag@mail.ru

Гяһмадхан Абу - Бакарлис 85 дус



Аркьулигу гьалмагь...
Музадулхьулра.
Някъбира дуриулра
Нушани лехли.
Урехи-урезхи агара нушаб
Цала ца хулбази
Хердикес дахьли.
Далуйти дучули
ахенрав илис.
Сагадан гьалмагьра
Гьаниркахьулра.
Дусми ардашуцад
Ишди гьямрули
Нушара цацали...
Шалгеруулра.
Чила саби ярга?
Хелав? Италав?
Гьалмагьлис гелавад
Чидил аркьяна?
Инжитмайрудая
Таимшидикчули,
Иш гьаклизиб ярга...
Сабину дила!

«ИШ ГЬАКЛИЗИБ ЯРГА... САБИНУ ДИЛА!»

Ишди белкани – даргала пагьмучевси поэт, писатель, драматург Кьасум-Бег Мигьрабовли даргибти гьанналис гьалар чинаралра дурахедухьунти Дагьиста халкьла писатель Гяһмадхан Абу-Бакарли белкани сари. Ил пагьмукар адам нушачи итил дуньялизивад дугьайзурхелигьуна, ил нушала ургав сагали вагьариубхелигьуна асар бирули сай. Ил багьандан Абу-Бакарли белкани бучантас гьаладихьес пикрибарилра.

ИНАКОМЫСЛИЕ

Это было в 1964 году. Впервые я попал за границу, хотя какая для нас за граница – Болгария. Меня включили в партийно-правительственную делегацию Дагестана в Смолянский округ Болгарии, Дагестан устанавливал дружественные связи с этим округом после того, как были прерваны нерушимые братские связи Дагестана с Албанией. Мы строили коммунизм, а Болгария еще только социализм, и на вопрос, «Когда будет в Болгарии коммунизм?» отвечали: «Когда последний болгарский перец будет в Москве»

Увидел я страну Болгарию, тогда еще не очень изуродованную нашим диктатом, еще только навязывали мы этой аграрной стране тяжелую промышленность. Болгары жили сто раз лучше нас, и однажды возвращаясь с поездки в г. Мадан и на Триградские скалы заметил я партийному важному нашему руководителю:

– Мне социализм, что строят здесь, нравится больше, чем коммунизм, что строим мы.

– Я ничего не слышал, ты мне ничего не говорил! – грозно отпрыгнул руководитель.

После этого меня десять лет не выпускали за границу, оказался инакомыслящим.

КАГЪАР ВА АДАМ

Дубурланна хъулиб хутла чирагъ абалкунхели сабри биклар илини сунела юртла гямзурбала гявамдеш чебаибси, илкъяйда нушала гямру, яшав къулайдиклуцад, гяладяхI дашуцад урхейзурти нуксандешунира дагъардирули сари, илди адамтала бугабиубси херлис гяладилзули сари. Илди гямрулизир челукъути масъултачил адамла урки баришбиэс бирули ахIен. ХIера имцIаливан илхIели саби адамли къалам касили, гIяхIил пикриухъи, кагъар лукIусира.

Нушала партияла, Совет хIукуматла гIяхIцад хIукмуртани нуша жидирулра цалра кагъар хIеруди агарли кахIелахъес, илис заманаличиб жаваб лугахъес. Кагъар хIясибли аги къулайбиахъести далдуцуни дурадеркIахъес кумекбарахъес. Нушачи жура-журала дахъал кагъурти дашули дирар – цабехI гъайбикIули бирар жамигIятла гIямрулис диргаладулхъути аги-къяйда далтIули, цабехIли чула разидеш балахъули бирар шилизиб дакIубухъунси сагаси, гIяхIси ибсиличила. Гъайгъай, адам сунелайчила ва сунечила хIейкIули, жамигIятличила пикриулхъни ва шантас гIяхIдеш биахъес къайгъилизи викни илала рухIлати дагърила чихъдеш дакIубиъни саби. Илдигъунти кагъурти имцIалира сари. Гъайгъай, вегIилис челукъусиличила бурути кагъуртира камли ахIен. Илдазибра цацабехI чучи халкъ дугъабилзути хIякимтала дурусагардешличила, къаркъдешличила бирар имцIаливан буриси. «Ленин къяйда дузес, Ленин къяйда хIердиэс», – ибси пикри иргъахъуси саби гъар хIяким адамличил малхIямсили, илдала мурад бартаахъес къайгъичевсили, сунечи хъарти къуллукъуназив жавабкардеш дакIудирусили виэс гIягIниси биъни. Дурусагардеш, къаркъдеш чичилра далгунти ахIен, я нушала гIямрулизир далги диэс хIедирар, сенахIенну илди чакусандешла жявлил датIунти лишанти сари.

Сецад хIейгеси биалра, лебал гъачамлис чула уми кахIедатурли кагъурти лукIути адамтира, имцIаливан илди дархъагартили урдулхъан. ЦацабехIли хатир кахIелахъес или, яра сунес чеббирцIу или дархътира къунбира гъудурдарили лукIути секIал сари, цацахIели биалли гIяйиб агарси адамличи бугъган чебихъес ибси къасличил делкIунтира дирар. Илди лишанти гъарли-марси адамличи хасдиэсти ахIен, илди вяшатIалали сегъуналра гIяхIдешра хIеху, сай пужийнила дураб. Бархъдеш бурес, сай вархъли виъни кабизахъес адамлис гIямрулизир шуртIри лер, сенахIенну илди нушала законтани гIердуцибти сари.

Нушачи дашути кагъурти гIяхIцадла къадар газетала бяхIяназир кадыхъили дирар, кахIедяхъили калунтира чула мягIни хIясибли жавабкардеш дихути районтала хIякимтачи дурхъули дирехIе. ИмцIати ибти кагъуртала мурад гIямрулизиб бартарахъули саби. Амма нушачи районтала цацабехI руководителти белгиси ахтардира, чараагарти далдуцунира дурахIедеркIили, барибсира бирусира чехIедаахъили, чедихIяртIти жавабти делкIи къантIкабирули саби. нушачи чуйнара дугъабизурли саби ХIяшилте-

махъила адамти шилизиб хІутІла шала агара или. Нушачи дакІили кІел жаваб лер, цализиб белкІи саби, валлагъи, ил махъилизир лерти хІябал хозяйствоцун сари, илди гІердуцес хІедирехІе или, кІиибил жаваблизи белкІи саби, валлагъи, ишар урчІемал хозяйство лер, биалра ил махъи хутІличил гІеббуцес имканти агара ва ил цархІил мерличи гечбарес хІяжатбиркур или. ХІяшилтелизир биалли, белгибиубли къяйда, вецІну кІира хозяйство лер. Илдицад адамти хутІла шалализибад мяхІрумбарни нушани бархъсилизи халбирули ахІенра. Адамтас къуллукъбарни бегІ гъалабси чебла саби, илаб хутІла шалара биэс гІягІниси саби, кинора бихес гІягІнили саби илаб хІербирули адамти лебалцадхІи. Камдирули ахІен Уркарахъиб почта вайтІа бузули биъниличила адамтала зигаръалара. ШягІбаннамахъилизи почта бихни дебали вайси агиличиб саби. хІякимганира илгъуна агиличила балули саби, амма машинаби дузули ахІен или сабаб баргили, къантІкабирули саби, адамтас почтали дирути лерилра къуллукъуни гІердуцес чула чебла биалра. КІишала шилизиб школа бирес бехІбихъила гІяхІцад замана бикили саби, ил жявлил хъараахъес гІягІнисири, гІелабихули лебал. Ил бетаънилис жаваблизиб Дахадаевла РОНО-ла заведующийли нушачи лукІули сай, валлагъи, шила хозяйствола Министерстволочи дугъадизирая или. Гъарилли сунечи хъарбарибси мерличир жигарчердешра къайгънира дакІудиралри гІяхІсири, чула гІяйиб цархІилтачи чехІебушили. «Узес дигусили, – бикІар, – далдуцуни пикридиру, гІелумизес дигуси биалли сабабти даргес умцІар».

ИмцІатигъунти кагъуртазибси мягІна ца саби – нукъсандешуначил, гІямрулизир челукъути масъултачил баришагардеш, илди кІундацахъес ибси къайгъи, пикруми, къасани. Илдазиб лебил халкъла цаси хІяракат – нуша-алавти гІямру гъатІира шалатили, жагатили детаахъес саби.

Кагъар белкІунси адам, бегІ гъалав, жавабличи хІерли вирар, рахли лайикъси жаваб касалли, сай гІевурцули виъни балули, ил гъатІиралра гъирачевирар, жамигІятла гІямрулизир жигарла бутІакъяндеш дирнилизивад гІелумхІелзан, аги къулайбирниличи уркІилизи умут кабурхар. Амма кагъарличира илала вегІличира хІяжатагардеш дакІударни хъІябхъяли хъу бяхъяхънигъуна саби, илизибад селра гІяхІси ахІелкІан, адамла уркІи бячни бетарар.

Бахъал саби нушала дубурла шимазиб къасчебти адамти, жамигІятла гІямрулизир жигарла бутІакъяндеш диранти. Илди нушала газетала къакъбяхъуни бетаурли саби. илдигъунти жигарчебти шимала корреспондентуни саби Маллаева ПатІимат, Каймаразов Айдимир, ГІямаров ТІалхІят, МяхІяммадов Муртуз, МяхІяммадов ХІясан, Къурбанов Сулайбан ва цархІилти. Гъайгъай, дигахъира илдани чула къамла гъатІира бугабарили. Илдала жигарла бутІакъяндешлизибад дигахъуси саби халкъличилси газетала чебетаибси бархбас.

Ил бархбасли шимала халкъла гІямруличи ва гъавличи гІяхІла шайчиб халаси асар биру. Хъумартес асухебирар гъарил кагъарла гІелав адам левси виъниличила, ил бузерила адам виъниличила, илис гІямру гъатІира гІяхІдухъахъес дигули виъниличила.

(Иш белкІ Совет хІукумат лебалли «Ленинна байрахъ» газетализи ГІ. Абу-Бакарли белкІунси передовая саби. БелкІунси замана дурусли бурес хІедирулра. Гъанна ил сайра, передоваялизиб гъанбушибтазибад цацабехІра мицІирли агара. Амма секъяйдали дархъти ва бузерила адамли къабулдарести пикруми сарил илини дурибти. Ил викІули къяйда дузути диахІелри ишбархІи нуша, нушала гІямру гъаннван жапати дирути ахІенри.)



Ибрагъим ИБРАГЪИМОВ

«ПАГЪМУ УНЗАЛИЗИ КЪУТИХЕБИКИАР...»

(Масхара-мар)

Агъ, вахъ валикили вирар къалли къушум-ургав масхара бурес балуси, гъайлис кисализикахелхъуси масхарачи. Илдигъунти бахъал къарши биркули бирар нуша-алав, хІятта цацахелели пикрилизи кахелейсули дихелра. Сунела бунагъ-хатла урдуц, Дагъиста халкъла писатель ГІяхІмадхан Абу-Бакарра масхурти-ихтилатуназив давлачевси ва сахаватси вири. Ил хасдеш илала даршани жузазибра чебаэс леб. «Гумайлаб дубурланти» бикІуси урус мезличил дурабухъунси жуз биалли, масхуртала арагелб хІебла вавналагъуна хала саби.

Иш анцІбукъ масхара сабил, мар сабил, ахІерти юлдашуну, гъала хили бурес дигули ахІенра. Ил ихтияр хІушазиб балтулра.

1978 ибил дус. ГІяхІмадхан Абу-Бакарла творчество бегІла вавалибяхъибси манзил саби. Ил итхІели нушачивцун ахІи, дурала улкназивра машгъурси писательри. Писательла у яра жуз гъанбушибхІели, ришхантличил гъинчІбирхъути хІебири, ХІу пайдаагар пишнази вархилри или, някъ хІяртхІебири. ХІурматра ибхІели, писатель някъбачив вихІуси манзилри, рахли ил шагъарлизивад шилизи лявкънила хабар аргъалри, районнизи шими-махъурбазибад хІурматбарес халкъ гъалабаши. Дам-дядра дяхъили, берк-бержра дарх касили.

ГІяхІмадхан Абу-Бакар республикала «Ленинна байрахъ» газетала бекІ редактор сайри: ил скІал балули, хІери гІергъи, университетлизирти дурсри тамандиубхІели, нуша, студентуни, цацахелели иличи гІяхІлад дашира. Лебри нуша-ургаб лукІес хъулбикІутира, цаибти назмурти-хабуртачил чум-чумра кІапІи «цІумдухъунти», аммаки чузиб тІабиГІятли бедибси пагъму эмхІела къуръайзибцадра агарти.

ГІяхІмадхан нушаб разили гъуниви, кумекбири, масхурти-хабуртачил анцІхІебулкъахъи.

Набчил варх учІули ца юлдаш вири, ХанГІяхІмад бикІуси. Я учІули сай эс халаси белчІуди агарси, я хІевчІули сай эс левгІев гІелахІеркуси. Ца пергер урши сайри. Илала урхІмешуагарси тІабиГІят бири. Масала, хІу ишбархІи дурсрачи хІядурхІейубсигъунари ибси профессорла суайс жаваб чІянкІли гІергъила бархІи чарбири. Тамашала сабабра бурги. Яра дураркІун хІеб сари, ХанГІяхІмад, гІяба се бирулри хІед или буралри, илини илмадан жаваб бурес асубири: «ГІяба къалли бархІехъра чеббатес вирар»...

– Наб ГЯхІмадхайчи укьес дигулра. ХІу варх хІякьяду? – хьарбаиб илини ца бархІи.

– Къуллукъ-мага лебли биэс?

– Леб, леб. Писательлизи дила хьардиути лер.

БархІехълис, хІянчизарти хъали-хъайгІи арбякъи, редакция мицІир-бацІли шип-бяргІилри. ЧІянкІли ГЯхІмадхан Абу-Бакарла кабинетла унза гьарглири. Ила ца гІяламатла муси дирихъ чебихъунсиван кабизур. Столла гІелав, «Прима» папрусра пІагъбирули, халтІикІуси писатель хІилхІи чейулри.

– Даширая, даширая, эгер урухкІули хІедиадалли папрусла гавлизирад, – иб илини, унабурхІличир нуша чедаили. – Повестьла дирихъ сипатбируси мерличи ваилра, папрусла гавлизибра дирихъ сипатбарес вируси сай.

ГЯхІмадхай илхІяйзир хІянчи дархъдатур. Някъбира цІацІадарили, сунечи дяхІчили утначи кадиахъира. Кам-гъамти яхши-хушлис гІергъи кІел рурсиличи гІяшикъиубси ца уршиличила масхара буриб. ГІур, нушачи хІеризурли иб:

– Гъу, дурхІни, къуллукъ-мурад? Гелешмешуначила хабурти делкІахъес дакІили хІедиадалли?

– АхІенра, наб хІечила макъала белкІес дигулра, – нуни селра бурайчи, сунела мурад аргъахъиб ХангІяхІмадли.

– Агъа, ил бегІла гІяхІси саби, гъабза. Дигахъис набчила лукІути, чус дигута лукІабну, байтармантИ! Хури гъямдикІар, карбан башар. ХІуни хІядурбарибси бургар?

– Агара... Кумекбарахъес дигулра.

ГЯхІмадхан гІяжаибли гъала-гъала набчи, кІинайс ил юлдашличи хІеризр:

– Се кумек хІяжатли, урши, набзибад?

– ХІуни гІеббурадли, наб белкІес гъамадли бирар.

– ГЯхІна. ХІуни гъаб-уб се-биалра белкІунсив?

– АхІен.

– Газетализи макъала-мага?

– БелкІунси ахІен.

– Валлагъ, узис ват, гъанна хІед нунира кумекбарес хІейишагу или васвасикІулра. ХІуни гъала-гъала пикрибара хІед се сабил дигуси, гІур нуни гІеббурисну...

Гъайла къантІа, ил мерлар дурути таманкадиуб: писательличи столличибси къаламра, къаламла удибад дурабулхъути игитунира хІерлири.

Цугли хІябэсил бархІи ХангІяхІмад сагали семцІур, гъанна дила тема леб. Сагаси буресира леб, нушала писательличи аркъехІе или, хІякализани занзиван, набчи атІун.

– Гъу, баргирив, урши, хІед гІягІниси? – цаибси суалри ГЯхІмадха.

– Баргира, – викІар ил, – хІела творчестволичила курсовой хІянчи белкІес пикрибарира. Учителълира илкьяйда маслигІятбариб.

– ГЯхІна, уртахъ, гІяхІна. Тема?

– Се тема?

– Селичила бирара курсовой хІянчи?

– Гъа, ит лебригу хІела хабар. «КІел гелешмеш» бикІуси. Дигайличила. ГЯшикъиубти дубурлан рурсбачила.

– «КІел рурси» бургар?

– Саби, саби, ашханализибти кІел рурсиличила. Илдала дигайличила...

– Дигайличила курсла хІянчи кѡабулбаресара хІела учительли?
ХанГІяхІмад камсиван кІайизур.

– Гѡари, узис ват, ил секІалра хІуни пикрибара. ХІела кѡиян дугІла бетІеахѡес.

Илкѡяйда таманбиуб нушала кІизсил архІяра.

– Эй, уртахѡ, се саби хІуни бируси? Писательличи дугІла хабурта угѡес вашару? НушакІун илини мехІурт ази дуйгІура. Илдигѡунти студентуназибад мугІяллимти сегѡунти бетаѡса... – разиагардеш багѡахѡурра нуни юлдашлизи.

Илини, гѡай хІейгибизурал яра хІергѡибсила гІердарибал, жаваб чархІебариб.

ШалгІердухѡун хІеб. Хѡумкартурра, каникултачи бегІтачи шимази тІутІукадиубли, ГІяхІмадхайчи дурадєркІибти тамяхІкар архІябачила. Гѡамдиуб гІебшнила бурхІни, илдачил барх – белчІудила сагаси дусра.

Гѡачам бачабархибси палакат аргѡли хумарбарибси бархІехѡлизив ХанГІяхІмад дакІуухѡун.

– Гѡаригу, уртахѡ, гѡачам-гѡатІи нушала писательличи укѡес дигулра. ХІу сейкІуда?

– Ну сейкІусира? Укѡен.

– ХІу варх хІякѡяду?

– ХІяжатдеш леб биали...

ГІяхІмадхан лебгІеб гІяхІси гѡавличив кѡаршиикиб. Сабабра лебри: илала «Чакала пукѡалаб берхІи» бикІуси жуз англиялан мезли Америкализиб дурабухѡири.

Кам-гѡамли гѡайдухѡунхІели, писательли свунела чІакалагѡуна хІер дила юлдашличиб тІашаиб:

– Гѡу, гѡанна хІу гѡайикІен, ХанГІяхІмад. Бетауру курсла хІянчи?
Юлдаш циила гѡузгѡалдиуб.

– ХІу чевверхи, ГІяхІмадхан Абакарович, дила пикруми гІурра дарсдиуб.

– Эллелей, хІечил гІебшнила аргѡра жалбикІес хІебирар. Каникултани илгѡуна барибу? Гѡари, хІебиалли, ма иш «Учительла каникулти» бикІуси дила жузра.

ГІяхІмадхай ил жузра ХавнГІяхІмадлис пешкешбариб.

УркІичеввиубси ва разиубси ХанГІяхІмадли иб:

– АнцІбукѡ ишгѡуна саби, ну викІулра, хІела творчестволичила курсла хІянчи баибси ахІен. Бахѡ камсигу ил хІянчи. Расул ХІямзатовлира, илизи Дагѡистайчила назму белкІен бикІухІели, ца назмулизи дила Дагѡистан кахІебурцар или, арагІеб жуз белкІунсири.

– ХІунира жуз лукІулрив?

– Юх, цІакѡани хІедиур, – гѡинчІяхѡиб ил. – Жузлис хІелагѡуна пагѡму хІяжатли саби. Монография лукІулра. ГІе, гІе, монография белкІес пикрибарира. ХІела гІямруличила, творчестволичила, цархІилти масѡултачила...

– Илра вайси ахІен: чІянкІли монографиялисра пагѡму хІяжатбиркур. вегІебш, пагѡму унзализи кѡутІхІебикІар кѡалли?

– Нуни иргѡулра...

– Аргѡни гІяхІси саби... Сепайда гѡатІи, дила виштІал узи ХанГІяхІмад, кѡаниубли вишигу, викІулра. Набчила монография белкІи леб.

– Чили? Мурт?

– ХІера, иш, – писательли кѡасиличибад литературовед Сулайбан ГІяхІмадовла «ГІяхІмадхан Абу-Бакар» бикІуси биштІа-биштІаси жуз касиб. Дила юлдашлис гѡабуциб.

– Вях! Чина хабарри?! Дилакун къас лебсири...

– Селра хебирар. Къасра камси ахен, веглис дигуси хянчилис багалабирар.

– Хянчи къалли нуни итира далути сари, дахъал дарибтира сари. Дудешли хуливи хели узихъира.

– Сели виркъади?

– Дудеш къаинала уста сай. Къаини дирира, чирчаби ибира, къалипличи дирхъира. Къаинала усталара къянси хянчи саби. Наб дудешла санигят-деклар гяххебизур.

– Майкуд, узис ват, вайси санигят лебси ахен. Ил дигахъес гягнини биркур. Хебиалли, дудеш къаинала уста валан?

– Сай, сай, урибси. Гяяла базарличив лебтанилра валуси.

– Гяхина, – Гяхимадхан, пикриулхъули, серил баргес дигухеливан, итаиша херизур. Гур столла дубличи гугбатурси сунела цуба чирча касиб.

– Хуни набчила монография хебелкядра буэсну, цархил кумекбарес вируд, – иб илини, серил пикрибирули.

– Сегъуна кумек?

– Хера, иш дила чирча. Анцбукъи саби. Хулирра къасурбачир ишди байтарманти сари вякъкадизурли. Дила юлдаш дибгашан Сулайбагъуна цалра гясатин къапа агара. Ганна хушанира чебиуливан, аргъра бугяркабиубли саби: гебшнилизе хъарра хебаили, яни лябкъян. Хела дудешли ца набра гясатин-мага хебаресара?

– Биру, валлагърагу, иш нуни бирахъис!

– Агъ, хечи гяхбак! Ца гъабза уилригу ху. Ма, иш дила чирчара бархбуха...

Нуша къакъала дурадухъун хели ва редакциялизирад гъарахъдикиб хели, хапли Хангяхимад гяшизур. Някъбази цацабарибси писательла чирчаличи херилзули, илини иб:

– Гяхимадхай сунела чирча селис набзи гибси?

– Селис бирара, гясатин барахъес... дудешлици бухахъес, – викгулра, дукелци хилхи гяшиули.

– Аргъес вирули ахенра: чирчализибад гясатин барес вирару?

– Вируси бургар... Хела дудешли бала.

Ил гурра мурхъли пикриухъун. Андаличи хъат чебуциб.

– Юх, чирча дудешлици хехис! Ну илини ахмахлизи халирура.

– Хебиалли, писательлизебад ил сасес гягнили ахенри.

– Се баралли гяхсив?

– Хебалас.

– Агъ, абдал бек! – илини сунела андализи къутидяхъиб. – Чирчализебад гясатин! Чирчализебад гясатин! Ахмах адамра къалли! Нура шакхейкахъили, илини цакъси масхара бариб. Илгъуна масхарачи ахеклуб ургар. Элелей!

Сунесра хабарагарли, Хангяхимад ахъли дукаряхъиб. Гъайгъай, иличил дила дукелцира дархдикиб.

– Хед дигуси бара, ну иличи укъес хейрус. Чили бала, гъатли сегъуна уюн пикрибирул.

Гяхимадхан Абу-Бакарла цуба чирча Хангяхимадли чарбарахъес набзи гъабуциб.

Дирхаирая, узи-урши, ишбархъира ил дила хулиб, къасиличиб лебал. Гъар иличи херизурхели, гъаниркули сай пергер писатель, пагъмучевси девла уста – масхарачи.

Марли, цалра агарсив ишхелла сихру-дархси манзилра ил чирчализебад гясатин бареси?



Нурулгъуда РАЖАБОВА

ГІЯХІМАДХАН АБУ-БАКАР ГЪАНИРКАХЪУЛИ

ЧебяхІти, духути, пасихІти адамтала бекІла чедиб мурталра-декІар бархІи шалали ухули хІебирар – ил имціаливан гъагултала удиб бирар. ЧевяхІси гІялимла, пагъмукар писатель-поэтла гІямрула гъунира мурталра-декІар хан гъунили хІебирар: илгъуна гІядатли ахІенси адамлис имціали кыздикІути занзбира, вашяхъес диргаладулхъути къябдашути къадубира гъанкІ бумціахъути дугурбира къаршидиркули дирар.

Поэт. Илала уркІи назикси саби. СенкІун ил гъарил адамла – инсаниятла децІли децІикІули, илдала дяхъурба цІумикІахъули, илдачил варх – лерилра гІяхІтира вайтира анцібукъунала бутІакъянчи сай. Илкъяйда хІебиубли гІергъи машгъурси писательли яра поэтли виэс вируси ахІен. Селалра авара агарсилис сели-дигара виркъес, уркІила бакІибси бурили ва барили ваткархъес гъамадли бирар.

Мар саби, гъарил пасихІкарла бузерила, гІямрула бетуцлизир се журала дигара, урхІлайчи мешутира мешули ахІентира баркъудлуми кадиркес асубирар. Амма илдигъунтала машгъурдеш илди кам-хъяшти баркъудлумани сяхІедире. Илди саби бекІили дахъал дусми дикили гІергъира саби балутала, балу-бирхутала, узи-уршила гъанбикуназиб кавлан. Узи-уршилис ва илала пагъму кыматлабирантас биалли – берхІиван ванаикІули, бацван шалаикІули, Шалда зубариван къибламали кавлан.

ГІЯХІМАДХАН – поэт, писатель, драматург, журналист, кинематографист, шалати пикрумала, сахаватси уркІила веГІ, адамтачи дигили виціибси, гъарли-марси дубурланничи хаста бухъя-зегъала веГІ гъабза сайри. ГІяхІмадхан – нушала манзилла дархибти къияндешунас мукІурхІекІибси, уркІи кІантІихІебакІахъибси, амма заманалис гъалав гІямрулизивад шалГевухъунси игит сайри. Миціирли левой халати хІякимта лайикъли кыматлахІерибси, хІясибварестани пикрихІебухъи гъагултала дяхІцІилиув ватурси пергер дубурлан сайри.

Булугунала театрла заллизи бахъал адамти цалабикілри. Илаб ГІяхІмадхан гъаникахънилис хасбарибси вечер дурабуркІулри. Ил вечерла бутІакъянчибили бетаэс дигутала хІисаб аги – залра илала духІна гъундурира, вестибюльра гарчли диціилри. Бахъалгъунта чула разиагардеш дигІянбарес бирули ахІенри ва ахъли бурулри: «Итцад халаси ГІяхІмадхай вечер барахъес сен биштІаси зал декІарбарибси?» Ил бархъсира сабри.

Вечерличи цалабикилри поэтуни, писательти, гЯлимти, ГЯхИмадха бахьал юлдаш – тянишунни, илала творчествола хИурмат биранти, студентуни. Вечер ибхьули гьайухьун ГЯхИмадха юлдаш – историяла гИлмуртала доктор, профессор ГЯбдулхИямид ГЯлиев. Илини цалабикибгас баркалла багьахьур ва ГЯхИмадха гЯмрула ва бузерила гьуниличила буриб.

ГЯхИмадха, дудеш фронтлизив калунси ятимла дурхИядешличила, бузерила цаибти гунзрачила, илала творчестволичила бурули гьайухьун илала гьамси гьалмагъ филологияла гИлмуртала доктор, профессор ГЯбдулла ВяхИдов. Ил тИнтИли тИашизур цацабехИга гапдарили зубрази адиахьути, цархИилта далтИути бекИаагартти илала произведениебачив: «ДяхИила адамти», «Гьагулта зак бархьбалтули саби», «Дила Серминазлис жавгьар-духури»... Илини буриб Дагьиста цацабехИ критикунани далтИути илди произведениеби сен ахьли кьиматла дирутирил урусла машгьурти писательтани-прозаикунани. Болгарияла критикуна булан ГЯхИмадха произведениеби Дагьиста мезаначицун ахИи, гьамти ва гьарахьти дурала улкназирра шурдалтули ва иштяхИличил дучИули диьниличила бурибсири

Расул ХИямзатов. Дагьиста халкьла поэт:

– Ну тянишсири илини бегИ гьалар делкИунти цаибти назмуртачил. КИинайс – цаибси прозаличил. Ил Дагьиста прозализиб дакИубухьунси сагадешла гЯлаамат сабри. Илис гьалаб нуни чилалра жузлис гьалагьай делкИунти ахИенри. ГЯхИмадха цаибил жузлис биалли нуни гьалагьай делкИунра. Ил Дагьиста прозала савлила шала сабри. Гьанна биалли прозала дайхИери саби. ГЯхИмадхан Дагьиста прозала чемпион ветаур. Илала жузи – илала паспортли детаур. Нуша талихИчерлира Дагьиста ванзаличив илгьуна писатель акИниличи. Ил сагаиклар, ахьиклар нушала ургав сай мицИирли агниличи хИерхИеили.

Л. Авшалумова – профессор, ДР-ла Пачалихьла Советла член:

– Наб игьбарбиуб ил левси юртлизир хИерриэс, иличил тянишриэс. Ил бамсниагарли узусири, гьалабизуначира кьияндешуначира хИерхИеили. Илис вииши ил заманалис гьалав гЯмрулизивад шалгИевухИунсира. Ил викИусири: «ГЯхИял – ил адамтачи урхьуси Аллагьла вакил сай. Ил багьандан, ил хИурматличил кьабулварес ва гьунивалтес чебиркур. Юртличи вакИибси гЯхИял – ил бекИливиубси адамли виэс чебиркур». Илинира иргьахьули сари адамтачи ГЯхИмадха дахьал диги. ГЯхИмадхан чина биалра архИяличи укьялри, нуша хИердируси юртлизибти унраличибти лебилра дурхИнас савгьатуни дихусири.

Фазу ГЯлиева. Дагьиста халкьла поэт:

– ГЯхИмадхайчил ну тянишриубсири 1955 ибил дуслизир Москвала М. Горькийла уличилси Литинститутла студентка рирухИели. ИтхИели ну тянишрарира сунела хьунул Фатимачилра. ИтхИейчирад нушала гьалмагьдеш селилра шявхИедариб.

УркИила гьав агарси поэт – ил дуклума агарси арцангьуна вирар. ГИ. Абу-Бакарла биалли халаси тамашала фантазия бири. Ил сайри Дагьиста кинематографиялис хьулчи кабихьибсира. ИмцИали селичи пикри бяхИчиули вири илини? Бузериличи. Илини сунела игитунни хьайчикабиэс

гъалаб бурхъули сай къиянти архІябачи ва бузерилизиб, къиянтазиб дебшлабирахъули сай.

МяхІяммад ХІямидов. Дагъиста халкъла поэт:

– ИшбархІи ГІяхІмадхайчила дахъал гапла гъай иргъулра. Амма наб гъанбиркули саби, сен нуша ил мицІирли левай гапхІедикІутирира или. Ил чевяхІси поэт, писатель, драматург, киносценарист, журналистцунра ахІенри, лебсири замана илис нуша «Дагъиста Левитан» дикІусира. Ге, сунела саркъибси, тІамаличил гъайикІули, ил Дагъиста радиолонизивра узули калунсири. Тамашала адам вири ил. Се журала дигара гІямрула адамтачил илини гъай дурги. БусягІятал илдачил бахъхІила тянишуначилван, ихтилат бумжахъи, масхурта угъи. Ил гъалавра нушачил варх сайри, гъаннара сай, гІуррара кавлан. Илала бекІаагарси гъуни даимбиубли саби...

Камал Абуков. Критик:

-- ГІяхІмадха тамашала халаси пагъму лебри. Ил пагъму илис Аллагъли савгъатбарибсири. Амма ну жагъли вирухІели, дила дагърила камдешли, гІякъула сядешли, илди нуни хІергъули виънили вииши, нуни датІунтири. Амма илис нуни критика ил хІейгули я гъими-къясли ахІенрину, барибси иличи ургІевли, дигиличил бархъдеш лукІулра или алавухъунсири. Илини Дубуртар улкаличила, культураличила, искусстволуличила лукІули, гъачамалра илдачи цІудара дамкъа кахІебатур. Илини нуша жявли дархъдатурра, ил жявли нушачивад шалгІевухъун, цундешлизи арякъун... Сагаси цІакъличил, халаси къуватличил сагадан нушачи чарухъес.

Сулайбан ГІяхІмадов, – филологияла гІилмуртала кандидат, литературовед:

– ГІяхІмадхан мурхъси мягІналичилти произведениебала автор сай. Илини гъалахили нушала ишбархІила ва челябкъалала гІямруличила балулри ва бурулри. «Цуба сайгак» белчІеная, дудешли бархъдешла гъуйчи кайзурси сунела урши каршули сай. Илдигъунти анцІбукъуни ишхІели гъаман тикрардикІули сари – гъамсили гъамси яра цархІил каршнила.

Дахадаевла районна администрацияла бекІ МяхІяммад ГІялиевли ГІяхІмадхайчила, илала творчестволичила дахъал гІяхІти гъай дуриб. Илини чесиб филологический факультетлизиб бучІути чула районна дурхІнас ГІяхІмадхан Абакаровла уличилси стипендия кабизахъес. ГІярбукІанти узби ГІяхІмадхан ва СягІид Ниналаевхъалани спонсордеш дирниличил ГІ. Абу-Бакарла произведениебала гехІел том дураили сари, – викІи М. ГІялиев. – ГІур дус нушани хІуша лерилра – ГІяхІмадхан диганти – ил гъаниркахънила шадлихъ дураберкІес нушала районнизи, Кубачила шилизи жидирура...

* * *

1953 ибил дуслизир нуша – ХІямшимала школала рурсби цаладикили, ГІяхІмадхан Абакаровла «Гъунила дублаб цІелда» бикІуси произведение бучІули, илала жагаси суратличи хІердикІули, нушала уркІби пахрули дицІибтири илгъуна дарган левниличи. Нушала уркІбачи илцадра халаси асар барибсири: рурсби бикІутири илизи ца гъайэсалра, ца хІерэсалра имканбакІалри или. Амма итхІели наб чина гъансири иличил рузес

къадарбирни. Наб игъбарла пай баиб ил редакторли вирухъели, «Ленинна байрахъ» газетализир корреспондентли рузес. Иличил гъамли тянишриэс, илала фильмаби бегГ гьалар чедиутала ургар рирес.

Тамашала, узулихъемсуси адамвири ил. Мурткабинетлизи ухъинаухъаллира, ил лукъули вири. Ацъибсила хъурмат бирули, лукъуси итмадан къябии. Ил дуравхъунмад, лукъуси даимбири, бекълил къябхъебердибхъеливан. Бархъ бузутачи пикричевси, дигичевси, цархъилла децъра дардра, шишимъулира сунелаван къабулдарес хъядурси. Чилра сунечи ахъхъейэси ахъдешличивси ва бегълара гъядатла адамла даражаличи гъяшкайэс халахъерхуси, иличил ихтилатлизи ахъес, илала дард багъес, мурад барес хъяракатлизивси вири ил. Сегъунтилра уктемдеш агарси, букусира бужусира сунечил бархътачил дугъес хъядурси сайри.

Сунела сагаси фильм кабихъибхъели, бегГ гъалаб чебаахъес сунечил дархъ илини нушара дикутири. Ил таманбиубли гъергъи, сунела шоферличи хъарбирусири, гъари ГъябдуряхъИман, мурул адамтани чула къайгъи чулира бируну, ишди нушала рурсби чула хъали-хъайгъи баахъа или...

Столоваялизи дукес аркъухъели ил цацахъели викъули вири: «Гъари, рурсби, сасая набра беркеси, ишбархъи хъунуй арцъ гили ахъен наб (Илдигъунти масхурти дахъал дири илала). Цацахъели викъи: «Рурсби, чум леррая хъуша, ишбархъи ну лебталалра бригадир сайра, лебтасалра беркала заказбарая...»

«Гъагулта закъ бархъбалтули саби» бикъуси Дагъистайчила цабил фильмла автор, сунела къуватти дукълумачиб «Даргала рурсбачила» хабар дунъяличи тинтъбарибси гъярбукъан гъайла уста ГъяхъИмадха у бахъхъи калун миъла къатли алавкабуцили. Заманали гъар секъал гъунчидуршу бикъуливан, Аллагъличи шукру, ил миъ бицъес бехъибхъиб. Илала у сагадан ва гъатиралра ахъли зайбулхъниличи, ва, ахирра-ахир, гъядатла адамтаниван улкала хъякимтанира къиматлавирниличи, шагъуртазир, шимазир илала умачилти къакъурби, школаби дакъудулхъниличи дирхес дигахъехъери.

Илала уличил гъанна гъагулта закъ бархъбалтули саби.





Дагъиста халкъла поэт.
Аминат ГІЯБДУЛМАНАПОВА

ПАГЪМУ БУБКІУСИ АХІЕН

ГІяхІмадхан Абу-Бакар нуни ГІяхІил валусири. Ил вални нуни дила игъбарлизи халбирулра. Илини гъарил жагъил лукІуси, поэзия ва литература дигуси адам гъарил шайчив ГІевурцусири. Сегъуна миллатла виалра илис пагъмучевси адам дигахъи ва сай-алав чукурбири жагъил лукІанти. «Советский Дагъистан» бикІуси журналла редактор вирухІели ну ил пергер адамличил тянишриубсири. Илала гъарилра девли, шикъатІай, чебаълизивра жагаси спортсменван кайзурси адамри ил.

Школализир дучІухІели илала произведениеби халаси иштяхІличил дучІули дирехІери нуша дурхІнани ва ГІур нушала пикрумира учительтачил цахІнарли дуртІехІери. ГІур, ну МяхІячкъалализир Дагъиста пединститутлизирручІухІелира, литератураруркъни диласани ГІятхІебиалра, литератураличи дигили рицІибси рираси, сенкІун илди диги дила лерилра ГІямрулизир адикъурти ГІяхІмадхан Абу-Бакарла произведениебани сари рикІасра хатІахІериркус. Ну алав бучили математикала сани ГІят кайсути дарган рурсбас ГІяхІмадхан Абубакарла жузи дучІаси. Ил нуша лебталалра халаси разидеш сабри. ИшбархІилагъунти нушала цархІилти шадибгъуни ихъути тяхІурти хІедири. Жузазибад тІагІям кайсули хІердирутири. Нуша лерилра, чедибра буриливан, ГІяхІамадхан Абу-Бакарличил тянишриъни, илала хІеридилиур назмуртани ва хабуртани лукІес бикни наб гъарли-марли талихІ ва гъарбизни сабри. Ца гъачам, ну МяхІячкъалализи «Дагъистан радиокомпания» корреспондентли рузуси замана ГІяхІмадхан Абу-Бакарли сунечи жирарира. Илини Москвализивад вакІибси, сунела назмурти урус мезличи шурдатурси Авсарагов Борис бикІуси поэтличил тянишрарира ва илизи урус мезличи шурдатахъурли дила чумал назму даргира. Дила тамашариънила ва разириънила дазу-ахир аги. ГІур викІар ГІяхІмадхан, нушани пикрибарилра хІу пагъмучерси адам сари или, Москвала М. Гобкийла уличилси Литературный институтлизи карерхахъес маслигІятрарес хъулиублира, хІу се рикІуда? Иш нушала бархибси, палакатси ва къясдешли адам вергес хІядуртани дунъя бицІибси замана, илгъунара бирусив или пикрирухъунра. Ге, илгъуна бирули буили саб, ГІяхІти адамти лебхІели хІу-алав. Даргала миллатличила, культураличила ГІяхІмадхан Абу-Бакар къяйда пикриикІуси ГІур виъхІейуб или гъанбиркули саби, я гъанна агара. ИлхІели биэс ГІямрулизибад ГІяхІцад писательтира арбьякъун нушала, илдала

мер буцестира агара. Нуни ил миллат мискинбиънилизи, цѳуръабиънилизи халбирула.

Ге, Гѳяхѳмадхан Абу-Бакарла, ну Москвализи рархъес или сай вегѳси бланклизи направлениера белкѳи или, ну ила рурхъни гѳяхѳѳебизурти, халахартира биуб. Се дигара баркъиб дила гъархѳебизахъес, ита бетаили, документуни дигѳяндарили детахъахъиб. Амма ну ручѳес ва дила къас бетхѳеберхахъес чисалра имкан хѳебакѳиб. «Замана» газетала редактор ветаур кѳинайс Гѳяхѳмадхан Абу-Бакар, литературализи мурхъли кацѳира къяшми нунира. Ил разили вири гъарил белкѳличи ва газетала бѳяхѳянази кадирхъи дила хабурти ва назмурти, цаибти жузас гъалагъайра лукѳи. Чумра итхѳела лукѳути жагъил гъайбухъахъес биалри, илданира дилагъунти ва имцѳа-имцѳали чула пикруми дури Гѳяхѳмадхан Абу-Бакарличила. Амма ил вахъ жявли Гѳямрулизивад арякъун. Гъарли-марси писатель гѳямрула гѳеркъадешличила пикрихѳейкѳар, пикриикѳар сунела белкѳаначила, гѳурра лукѳес къасаначила. Даргала, Дагъиста ва Россияла писательтала къяяназив бегѳлара урибси, пагъмучевси гъавкъяна сайри нушала пергер Гѳяхѳмадхан Абу-Бакар. Илис бикъруми сари гѳяхѳцад жузи, сунела произведениеби хѳясибли дарибти кинофильмаби. Илди 13-личира-сера адикили сари.

Ну Гѳяхѳмадхан Абу-Бакарла гѳямрула рархкъя филологияла гѳилмуртала кандидат Фатима Гѳямаровначи гъаннара рашули вирус Гѳяхѳмадхан агариубхѳейчирад. Илала жузала шкафуни дицѳили сари Гѳяхѳмадханна, сай левхѳели ва агариубхѳели дуракаибти жузани. Илала произведениебала къадри-къимат ца камсилра камхѳебиуб, Гѳярбукѳла художественный комбинатла директорла къайгъначирли гѳехѳел томлизир илала жузи дураиб. Фатимани мяхѳкамли дихѳули лер илала дурала улкнала мезли, нушала узити республикабала мезли дурадухъунти жузира. Тамашахѳейэс хѳейрар Аллагъли сунес дедибти дахъ къантѳити гѳямрулизир дахъал жузи делкѳес ва дуракаэс бажардиъниличи. Нуникѳун гѳяхѳил балуси саби, жуз дуракаэс сегъуна къиян кабихъес гѳягѳнисил. Гѳяхѳмадхайс игъбарбиуб сунела гѳямрула рархкъя Фатимара литературовед риъни. Илинера гѳяхѳцад произведениеби делкѳун илала жузала, романтала ва фильмабала черкад.

Фатима Гѳямаровнала рузи сари Манаба Мяхѳяммадовара. Дагъиста ва Грузияла рурибси художник. Наб чуйнара къадарбиуб илдала пергер хъалибаргунала шадлихъуначир бутѳакъяндеш дарес. Амма ца минутлисалра илдани Гѳяхѳмадхайчила хъумуртули ахѳенри.

Наб бурес дигула, Гѳяхѳмадхан Абу-Бакарла жузи ишбархѳира, замунти дарсдиубхѳелира, ишхѳелла дубурлантала гѳямрула лишанти, гѳяхѳити ибти къилликъуни ва хасдешуни адамтала, бучѳантала дагърилизи диаркадиили кавлули сари. Дубурлантала гѳямрулизир кадиркути сагадешуни гъалахили дурес бекѳиуб ил, илини чебиахъули сай адамтала гѳямрула сегъуна сабил чебла, яхѳ-ламус, гѳяхѳсилличи ва вайсилличи хѳеруди, сагасиличила пикри. Гѳяхѳмадхан Абу-Бакарла произведениебазир илди темаби бекѳлидиубтили кавлули сари. Ишхѳелла адаблати масъултала къадри мягѳничебсили бетарахъули саби илала гъарил белкѳлизиб.

Сай илав бутѳакъянчи сайлин бархъдеш, адамдеш, адамлизир гѳяхѳитигъунти къилликъуни гъаргдарес къайгънази гѳелаикили сай. Гъарил белкѳлизир ванзаличила, гѳабигѳятличила, илдачи диги ва децѳ гъарил

белклизир гЯчихъли дакГудулхъули сари. КайсехЛе «Даргала рурсби». Нуни ил студентхИели белчГунра, гГурра къанни, гЯхИцад дусми ардякъунхИелира белчГунра, ил чили белчАлра, ГЯхИмадханна ванаси уркИла хЯлани дургу, адам разиварести пикруми алкАхъули сари. Ил жузла цаибти бяхИязивад автор учАнничил лякъирикГули сай. СирхИяла дубуртачи, дубурлантала гЯдатуначи дигили вирЦахъули сай учАн. Дубуртазир деркИлбти дугурби, дубуртала тамашала дукъби, гьундури, сай акГубти мер-муса халати дигиличил, уркИла ванадешличил сипатдирули сай. Шимала гЯмурузир ва адамтала дагърилизир детарути дарсдешуни цахИнарли миллатла гЯмурузи, лебилра улкализир кадиркути дарсдешуначил уржили дархдалсахъули сай.

Халкъла гЯдатуначила, историяличила, жявхИелла гЯмуруличила, рухИла давлумачила гъайикГухИели, ГЯхИмадхан Абу-Бакар, халкъла ургаб хГурмат лебти адамти пайдалабирули сай, илди пикруми чули дурутиван белкАназир пайдаладарили, гъарил пасихИси пикри, лацлизи къаркъаван балгахъи произведениелизи кабалтули сай. Батирайла, МяхИмудла, ЦАадаса ХИямзатла, Расул ХИямзатовла, Эфенди КЪапиевла ва цархИлтала.

ГЯхИмадхан Абу-Бакарла произведениеби дучГухИели гъарил анЦбукъ гъарли-марли гЯмурузиб биубсиван чебаахъес ункъли бажардиикнили, учАнна уркИлизи, гЯкълулизи чГумали биаркабирули саби. Илала пагъмули чумра Дагъистара даргалара писателъти ва гЯлимти, бучАнти разибахъуб, чумрара къясра биахъуб, илала гЯмуру заядарес балбизуртира биуб. ГЯхИмадхан Абу-Бакарла гъарил белкИ, жуз, кинофильм чумлира къиматладариб. Илала произведениебала асарли гЯхИцад адамти арилизи буциб, итди 60-70-ибти дусмазиб. БиштАси хабар биаб, повесть биаб, халаси произведение биаб, илдала гъариллизир гЯмурула дазу агарти дубанази ветули, гЯмурула мурхъдешлизи ухИнаулхъули, гЯмурула лерилра шалуби арзес, гъар шайчирад чедетаахъили делкГун ва чедаахъиб. Илала творчестволичила жуз булан белкГун филологияла гИлмуртала доктор Сулейман ГЯхИмадовли, Н. Горбачевли, «Адам ва ХИява» И. Соловьевли, ГИ. Шахтамановли, Фазу ГЯлиевани, Е Беликли, В. Ковскийли, Ражаб Адамазиевли, Ильяс ХИясановли, И. Ибрагъимовли, Аминат ГЯбдулманановани ва цархИлтани. ГЯхИмадхан Абу-Бакарла назмуртала жузира дурадухъун. «ГЯнручИ», «Дерхъаб» ва цархИлти. Прозали биалли илала творчестволизиб хасси, бегГлара мягИничебси мер буциб. «Нуни балулра, гъар-урла гЯмуруличила лукесичиб ишхИелла гЯмуруличила лукес къиянси саби. ИшхИелла гЯмурузибадси тема – ил писателъ балугъла виънила хЯлумцГла саби, илала устадешла имтихИян саби, сунела сай вегИси гъуни лебнилис бикъри саби» – белкГун Расул ХИямзатовли. ГЯхИмадхан Абу-Бакарли илди имтихИян ахъси къиматличил дурцули сай.

ГЕ, набра бурес дигулра, ардякъун гЯхИцад дусми, нушачивад жявли арякъун хабарла писателъ, пергер ГЯхИмадхан, дарскадиуб гЯмуру, дарсдиубра нушара. ГГуррара гЯхИцад жузи делкес вири илини, ил нушала игъбарагри саби. Гъанна лерилра ил агниличила шишимайзирра. Амма илала, миЦирти белкАни, илала пергер сипат ил валутазиб даимлис дебакабиубли кавлан. ХъумхИертехЛе нушани нушала рухИла давла – ГЯхИмадхан Абу-Бакар, илала бекАагарти кинофильмаби ва жузи.



Къасум-Бег
МИГЪРАБОВ

ШАХЛИ ДИГУБТИ КЪАР

(Хъарахъуд)

– «Столичная» гъалаб вайси хЕбири, амма гъанна халкъгъуна секІал баргес вирули ахІен.

– Ца устала барда-къякъ, ца карила тІалхІяна, – иб Сиблихай, чІигІялизибад барибси, къакъбала пукъаличи мешуси биштІаси чІаплизиди, ишкаплизиради касили цедеш ва бабза чуду кадирхъули. – Майали гъатІи батурли саби иш, бахъІи батурхІели урузбиубли. Абхъа...

Сабирли ил, къямчІаурти тІулбала биркІантиван, тІякъярбухъахъи абхъиб ва арцла диштІати пигълумази картІиб.

– Даг узикъар акІубси бархІи сабри. ХЕбирис викІусири, амма хЕйубра имцІахЕбарес. Савлиличибад кеп гІяхІил ахІен чархла, нуницун бержира... гъм... сен- сабил уркІи къабулхЕбикиб... Гъу, дерхъаб! Каса...

– Дерхъаб, – илини, къутІбирули. – Арадеш! Нушала гъар секІал диэсли, амма ил багъандан нушаб селра хЕбиэсли!

Сиблихан, ахъли дукарвахІили, устІулличиди бацІбарибси пигъала пІакъа-сахъиб, амма тІашхІейзурли гІурра картІиб.

– Гергъиси замана хЕла белкІанани ну илцадра разирулра, илбагъандан дила дневниклизир гІяхІцад белкІани имцІадиубли сари, хІура шакикили ургуд илди хЕла жузачила диъниличила... Хаслира пьеса... Се бикІи илис... «Цудара бархІи...» Илизив виублири хІуни миллатлици бакІибси балагъ чебаахъес. ХЕрибикІути бирхаахъес виубри хІуни, Сабир. Нуни аргъира, театрлизибад дурабулхъухІели, бахъалтани нургъби ушкулри или. – Ил камси замана лехІахъиб, пигъала касили, бекІла чеди абаайчи ахъбуциб ва, гъакІбирули бекІ, иб: – ХІу игъбарла адам сайри, Сабир, сенахІенну гъар секІал бирулри чекайзурли, черикІли, ца ити, чедихІяртли ахІи, магъирли, мяштІбаресли. ХЕла ил гъуни гъатІира бягІубиаб! Дерхъаб! Илини бержиб ва нусила чудула къидикъари дубша игъуб. – Пикриухъен, чум дус гъалаб сабрил нушала дубурланти Мичихичлизи гужли гечбарибти. Абзурли шими. Амма чисалра гъанхЕбикиб ил мягІиничебси масъала ахъбуцес. ХІуни ил секІал барри. Ил халаси художниклиспун чедибад лугуси саби, илгъуна гІя-чихъдеш гъалабилзуси. КІиибилгъунара, наб дигулра хІу хЕла юлдаш чихъси къуллукълици катниличил мубаракварес.

– Гъа, министр викІулрив?

– Ге, гъай иличила сари. Гъм... Гъанна хІу набчи жагали лехІахъи. Дила жявхІелла пикри ахирра бартаахъеси аги бакІили саби. Чизилра селра хІейкІули ца чумал баз, бегІла халал замана – байхъала дус, ил манзиллизир нуни ишарти хатІаби ва чедетхІеибдешуни гъардирис ва министрличи вархъли вякъи, дила мерличи катахъес бурис.

– Ну?

– Ге, хІу.

– ХІуни Хатир ахІену гъатІи хІела мерличи хІядурварибси?

– Илгъуна пикри лебри, сепайда къанни аргъира ну хатІаикни. Ил бажардихІеркур, Сабир, илгъуна тІабигІятличил. ВайтІа лукІули сай хІейкІус, творчестволизив гІяхІил сай, амма жавабла къуллукъ, илгъуна жавабла къуллукъ иличи хъарбарес хІейрар. Нуни аргъиливан, гъуни чебиахъуси, жавабкардешла къуллукъличив виэсила тІабигІят ахІен илала, чІумаси кабизала чехІебиулра. Илала дурабадра, чедибтани ил тасдикъхІейру.

– Сен?

– СенахІенну иличила бучибси папкализибси ишгъуна белкІ кІебхІели: вижгурдеш лерси, къалмакъар адикъес гІелумхІелзуси, къаршидеш лерси...

– Илгъуна виэс гІягІнили ахІену гъатІи писатель?

– Сай. Писатель сай. Амма жавабла хІянчизар илгъуна виэс хІейрар.

– Илини гІурра пигълуми дицІиб. – Гъарил адамли гІибрат касес гІягІнили саби цархІилтазибад, кабикибси анцІбукълизибад, литературализибад. Гъм... Нуни гъанна урчІемнайсу, хІебалас, вецІнайсу, Толстойла «ХІяжимурад» бучІулра. ВецІнара-сера илала «Къзакъуни» белчІунра ва...

– Сен? Се лугули хІед дахъна илди делчІинили? – Сабирли пигъала илалайзи, илини ахъбуцайчи, къутІбарили, гІярякъи чяхІдухъахъи, ца гъакІли къяраиб.

– СенкІун, хІела хъу дерхъ, сабур ва устадеш. – Илинира пигъала гІеббаахъили устІулличи пІакъкабатур.

«Сен илди устадеш чехІедиутира хІела белкІаназир...» эс дигулри илис, амма селра хІеиб.

– БекІсигъуна, хІуни хъуммартид гъалабван нуни бурибсиличила. Гъар секІал ункъли дирар. Ну вамсурлира, дугели гъанкІ башули ахІен, заманара баили саби. ЧІянкІли камси сабур бара. – Илини утала къакъличи сунела чІукъаси къаркъала гІинибариб, къянкъла камлизи духІнакадухъунти дабзти шишнарти гІячкиби урасили устІулличи кадихъиб. Сабир илдачи хІеризур ва кахиуб – илини илдала ранг хІедагъур ва, адамлайчи ахІи, жаниварлайчи мешудикиб. Амма се мицІирагрил белгибаресра бекІхІейуб. Хъутра саламатли илди суркдарес бекІиубси илини илди сагали даршиб ва даимиуб. – ишав нуни цархІил чейулира ахІенра.

– Баркалла, Сиблихан. ХІед гъанбиркули биалли, ишгъуна ихтилат, Хатир итхІели ишав узулира ахІенри, гъалабра бетаурсири. ХІярп-хІярпли ишгъуна сабри викІули ахІенра, амма ишичи мешу-мешуси сабри. Ил цаибилгъуна. КІиибилгъунара, нуни ца халаси хІянчи леб бирули. Белики ил дила бегІла къьянси, (дила гъай хъараахъес хІейишара ибти ташмишъайчила сари), гъар тугълис жаваб гес гІягІниси белкІличила сари дила гъай. Илбагъандан, хІу чевверхи, амма наб иш къуллукъ гІягІнили ахІен. ХІябъибилгъунара, тят ишди гъай хІуни ца-кІел дус гъалар Хатирлизира дурри. Нуни балулра хІуни сен ил секІал бирулрил, ил хІуни хІу увяхІирусси, мурул адамличи балхІебикибси

баркьуди. Сенкун ху нушачи вирхули ахенри. Нушани ху херли ахенси се-биалра баришагу или урухкулри, сенахенну лебилра хугъунти саби или пикриикулри. Хед дигулри, нуша хечи гьамдарили, бирхауди сархили, лерилра нушала баркьудлума, кайцути гунзри хела херлиур дихес. Пягни-бикалли, гьудуриубли, ургьур някьлизи кайсес... Какъамайкуд ва паргъатли усен, нуни министрлизира селра хейрис. Дигулра ца гьатги секлайчила хуни балули. Юх, балули ахенну, хьумхертули. Гьанбиркуру Гядилли хечила гярза белки чумал дус гьалаб? Итхели ху увкасахъес вираси нуни, амма дила юлдаш, следователь Гагариннизи нуни тиладибарили, ху верцахъири. Итхели хуни иличила гяхил балули виради. Хьумуртули хейради. Амма дусми ардякь, заманали ил убла цябдешлизи арбухибхели хуни хьумкартурри. Гьайгьайра, арбякьунси замана хуни цагяхси хядурдешла хянчи барили, хела хячми чумадаради. Амма хьулки хьулки хебарили хевьар, хьамхя зина хебарили, верша – убхидеш... Бикуливан, цябдешлизи барибси секлал шаладикибхели гьаргьириси саби. Хура уули ахенри хела дякьличи ласхейубли. Гьайла къанга, гяхили кален ва багъи, ну паргъатли ватаба. Хела пьесализиб нуни дила роль чебиули ахенра я илизив узес, я умхес иштяг агара. Я урухмакуд... Держаб!.. – Ил айзурли дуравхьун ва Сиблихан цагьакли уркъдешлизив ва белгиагардешлизив хябкъяйличив ватурли, ил гьатира дахьал ташмишъайзи гелаушиб. Ил биалли цархил сабухъличи херсири...

... Сиблихан Сиблихан хейри, эгер илцад жьвли паргъатириси ва мутиги-куси виалри. Ил манзил кадикибти шагьарла майдайчирти анцбукьуни илис шабагъатли урдухьун. Республикала Бекличила яргаличилси очерк белкес ил кабинетлизив дебавиуб.

* * *

Ца заманализиб ца мерличиб Иллухла шилизиб ишбархицад махлукъат цалабикили чилилра хебала.хябри дицили, илдала келра шайчирти гьундурира – ца, шила халалгъуна какъа таманбириси гьуни, хятта шантани хьулри хябрала хьарихидяхира дарили, илди шила духинар диубли диалра, итил – Артезеннара хябралара ургабси, гьалаб шилизи башуси бек гьунили бириси, адамта гарчли бицилри. Шанта хяриирхьулри Гусбан-ази. Шантала лерилра зуглума ирзуси ил дугели таманкайублири, гьанклизив, шайчикайхьи – кьиблала шайчивяхи. Бархира жумяг сабри. Хякьикъатлизив, шанти лехихьуси, насихятуни дуриси, хьаллабирутала магьар дирхьуси Зайпуллагъхьала Гяли сайри, амма гергьиси замана илала арадеш бара усалбикни багъандан, илди хянчи Гусбан-азичи хьардикилри. Итира Гусбан-ази илала цаибил кумекчира сайри, мавлид-зикру барес, Шайх Мяхяммадла пирлизи зияратли баклибтачилра ил вири вашуси. Хябрас кьуллукьбирисира ил вири. Ца кьаш илала бара куцли бири – жагъхели хивла галгаличивад кайкили, урдурла лига бячунсири, амма, гяхси дяхьнушара кьаршихейкили, лигуби вайтга даси, кьаш чимцад къантбиубсири. Амма илини ил жагъал илцад халаси балагьлизи халбирули хейри. Хятта масхурга угъули, ирули вири: «Мерличибад дуц касес наб иш кьашли кумекбирули саби». Гьарли-марли илкьяйда сабрил-ахенрил хебалас, амма илини сай чулахълизи халхейри, сегъуна-дигара хянчилизирадра гелумхелзи. Колхозуни дирухели, гяхицад дусмазив бригадирли узулра калунсири.

Илала малхямдешла бутара, адамдешла пай бетхейбси шилизив ахенну,

алавти шимазибра камлири, илбагъандан сабри ил бархИи ила илдицад халкъ цалабикибти.

Адам гъатИи, чинав виалра, адамли кавлуси сай. Илини гИяхИил балуси саби разидешлара децлара ургаб халаси дазу агни. Ил, сегъуна агилизив виалра, разидешлизив умцУли вирар. Масхара бурили, сегъуна-биалра анцІбукъ гъанбикахъили, хІулукІес къасбиру.

ХІябразибтира, жаназаличибад гъарахъли кабизурти гИяшли ихтилатбикІулри, масхара бурили дукаркІулри. Дудешличил гІашси Хатир-личи школала учитель ХІямзат гъамиуб ва, някъ буцили, лебтанилра аргъесли, ахъли хъарбаиб:

– ХІу, Хатир, нушала ши машгъурбарибси адам сайри. Адамтази гИибрат касахъести жузи лукІулри. Бура гъари, адамтас социализмализиб гИяхИилрив гъари, иш дяхІягар капитализмализибу?

Хатирли сунечи атІунси, буравван къизбикІуси, Хасайла хІер хІясиббариб. Ил майорла погонтачилри.

– ХІуни, ХІямзат ХІямзатович, хІела суайзиб илис жаваб гІеббурулригу, – иб чилирил.

– Се жаваб?

– СенкІун дяхІягар ибси девлизиб хІуни ца гъатИи дев хъумкартурри...

– Се дев?

– Се девкІун – шаласи. Социализмалис шаласи хІебикІив гъатИи? – иб баягъи илини. ПІергъиси замана хивла галгуби кадирхъули, илдазирад къандакъунас асбяхъуни дируси кооператор сайри ил.

– Суал дебали къиянси саби, ХІямзат ХІямзатович, – иб Хатирли, алавчарли сунечи хІерани атІахъи цашантаци хІеризурли. – Ца чумал гъайли аргъахъес хІейрар. Наб гъанбиркуливан, социализмала дахъал гИяхИти шалуби лерри, камли ахІен илди капитализмалара. Сепайда, дигІянбикибти бахъал къянала патриотунанира, динчибанира, хъямчибанира, бархибдеш пайдалабарили, улка лутІули саби. ИтхІели урехи хІебири адамла, сунела гИямру гъанни, сенахІенну социализмали миллатчидеш агардариб. Ил илала бегІла халаси чедибдеш сабри. Гъаннала обществоли адамтас ихтиюрти гиб, амма бахъли илди цараван пайдаладирули сари.

– ХІед, масала, итхІели лукІес гИяхИилрив, яра – гъаннав?

– ЛукІес мурталра гъамадси ахІен, эгер жавабкардешличил лукІули виадли...

– Къунба лукІес се жавабкардеш дирути? – иб, ахъли дукарвахІили, Чакарла узи Чанкурли.

– Сен къунба? – хъарбаиб чилирил.

– ГІур се сари илдани лукІути, къунби ахІи? – гъатІира дукарвахІиб ил. – Масала, чинад балуси ишини хя секъяйда пикрибикІулил, яра бугъала уркИи селизи бугъулил? Вава-къар се дикІулил?

ГъинчІизурси Хасайра хІясибиуб Хатирлис. КъакъавакІибси дудешла васвасълара чедаиб илини.

– Сен или викІулри?

– СенкІун нуни серил белчІунра ишала, илар биалли, тѧп ну викІуливан, адамтиван пикридикІулри ишала мицІираг, жаниварти, вава-къар ва галгуби.

– ХІед багъес дигули виадли, Чанкур, илизи хІуни гъандушибти мицІираг-

ра, хьалта-къарра, вацIурби-хIуркIбира, дебали мурхъли, пасихIли, гIягIнити дазурби хIедуи пикридикIути сари, децIдикIути сари ва хIулдуркIути сари. ЦацабехI адамтачир къалли илди духутира сари. Илдани хъулки хIебиру, зулму хIебиру, ялавкардеш дарес хIебала. Илди адамтала гIямру-яшав ва арадеш гIердучес дузути сари. – Хатирлис якъинсири Чанкурли, дуги-хIери хIеили къандакъуни дирни ва илди дургIели Хасайлис дирци.

– Бухану укъен, – иб Хатирла юлдаш Мухтарли. Саримлара уркIи пар-гъатбиуб.

Илдада ихтилат къябаиб ахъли зайбухъунси «патихIяли».

Гъай къицIдарили, лебтанилра алхIям белчIун, гIур гъачам дердили гIергъи кIинайс дакIибти кIинякъла къарла берталичиб жаназала дахIибайчи кабизур. Сарим-азира илдази вархикиб. Хатир, шалигъавли вашули, цацабехIтала някъ буцили гIяшли яхши-хушра дирули, хIябличи гъамиуб. Илала бухIнаб чумал хIябукъанти чебиулри, илдазивад ца илдада халал, (ГIергъиси замана ил сабри илала хIянчи, хIяб буркъни, хIябразирти дибгIян-хъяш секIал дирни ва илдачи хIеруди бузахъни. Адамтани хIекъра заманаличиб лайикъси лугулри) кумекчибази буйрухъикIулри, сенахIенну буркъибси хIялтI илис бахъ къакъабилзулри.

– ХIуни ГIусбан-ази чехIеибсив гъачамалра? Иша илала ца къяшалра кахIебурцини хIебалулрив хIуни? Ишгъуна хIед укъехIе нушани, – викIулри ил, гIянжили бицIибси бадира чеди ахъбурцули. Хатирла уркIиличи дакIиб нешлис делкIунти тугъи:

... Сен саррира, ахIерси, Зулматла цIябдешлизир?..

АцIибмад вархъли хIевкъни багъандан сунени сай валтIули ил нешла хIябличи гъамиуб. Ил, бирцибхIеливан, берхIила нурануб лямцIибикIулри. Мармарла гIенба хIебуцибси дайларад заки назикти къарла чIиъми зуздитIири. Гъаларван иличирти арцIи дирцини багъеслири. Дашути нургъбази ари бедили, ил карихIябла дубла гIяшиуб...

**... ХIела ахирла архIя
Жявли лябкъни чис гъанри?..
ХIукIун чум-чумра балагъ
ДячIунси чIумал жанри.**

**ХIела дякъ къицIбарибси
Къисмат барабгу къяртIи.
ХIу аррукила нушаб
ДакIибну бурхIини къяркъти.**

**Буцахъесирив гъатIи
ХIела чарх гъангузлизи?
Къакъал хIялтIла гIязабта
Сен жиибара хIези?..**

**АхIерси неш, хIуванра,
Кайзурли нагIядаллагъ...
Вирхулра ряхIмуличил
ХIерилзан или Аллагъ...**

ГIусбан-ази хIяриихъили шанти чарбухъни Хатирли хIебагъур, ил ил-цадра мурхъикилри чедунгъяла зугIлумала ва нешла хIябличир дакIибти удунгъяла гIязабла пикрумази. Мякълав гIашизурси дудешли чарухъахъун ил хIякъикъатличи.

Гъарилли уркIи-уркIила балгнира дарили, дудешра уршира шилизибяхI

батбихъиб. Ухъна, къаршибиркутани дирути яхши-хуш, хъардиути суалти ва илдала дяхI чедиули, бурес агарли разилири. Ил, ца ити разидешцунра ахIенри, пахру сабри. Ге, ил пахрумабиркъуси уркIиличил ватихъилри, сенахIенну: «Нуни гъар дудешличи чебигъунси чебла чараагарли чебахъира. Нуни бяркъурра Аллагълира шантанира къакъбяхъести уршби. Илди гъанни урузиэс наб къадархIебиуб» – эс вирниличи ил вирхулри. Илди пикруми сарри илала уркIилизир.

Шалати пикруми...

* * *

Иш гъакIлисра Набисат хабарагарли рухIнарухъун Хатирла кабинетлизи. «ХIябукъан» бикIуси хабар таманбарили, сагали бучIули вархибхIели гъаргдиуб унза. ГIядатлибиубли, илини хIер кIапIиличибад бусягIят ахъхIебурци, сенахIенну корректор, техред яра секретарь къутIхIядяхъили абицIули бирар кабинетлизи. Илдазирад ца чи-биалра рургар или цазаманализив пикриикIули ва бучIуси предложение ахирличи бикибхIели хIерилзас ибси пикрира батхIеили кIапIиличи вяхIудиикилри ил, амма ацIибсилизибад тIама хIергъухIели, ахирра бекI ахъбуциб. УнабурхI ахъили, рурхIуси гъинчIиличил гъалахIеризесу – жявли ракIес гъай гили, гIяхIцадхIи ретахъибси ил, Набисат.

– Узулрив? – зайбухъун илала тIама ва, гъалабахI ца ганзцун кацIили, тIашризур. «Ну къалли ракIилра, амма хIу сен кайили шишалра хIелхъулри» бикIусигъунари илала хIер. Гъарли-марли ил, атIахъи иличи хIер, хIяйранни хIеррикIулри иличи. ЦIуба дяхI хъуцIрумачи кагибти шинкъя цIудара гъезли гъатIира цIубли чедиахъулри. Халати, цалис ца гъарахъти хIулбани ряхI рягIусиван чериахъулри, амма бархъли бакIибси, бара къантIси къянкъли ва дикъурти диштIати кIунтIбани, цали ца чедирцIахъули, ца лишан итилличил балхIебикили биалри, ишила кегIебдешли нукъсандеш уббахъили, ил исбагъи ретарахъулри. Дикъурти михъиртани ва гъярцIа райли иличи хIули битIхIекIили хIебалти. БукIуси, шалаихъуси шала хъанцIа хIевалиуб чебиулри чархла чIянкIудеш кIапIбирес уди челгъуси комбинацияра. Хатир, утали лайвакIибхIеливан харчизур ва, иличи гъамиубли, кIелра някъли илала гIеркъяти тIулбар ванаси някъ буциб. Ил илис бара шинкIасиван бизур. Чеб-чебудули мурхъси гъигъбатурли ил, лапIдарили зумати духъяна къяпIикIуни, хIерризур:

– Ну чаррухъунра, – иб илини, хIер гIяшбирули. – Чериулрав ну севан че-сибси бирусирал! Шагъарлизи чаррухъен викIули ахIенрив телефоннизивад гъайикIухIели? ХIера ракIилра.

– Агъ, хIябилра духуси барилри хIуни! – МуцIур ибкъаили андаличи бекI ахъбуцахъиб илини, гIур, бара гъаргдиубти кIунтIби байдарес или гIяшиубмад, илини бекI шайчи ласбатур.

– Сен къалабаикIусири? Сабурбара, – иб илини гIяшли, илкъяйда ласряхъили. Хатирли сунела дяхI илала гъезлизи гIеладушиб ва шила цIа-гавла, авлахъла вава-къарла ва аяз дирихъла тIем илдазибад бужули, малхIямли сунтIбариб.

– ХIу вана ниъли тIемрикIулри, – шивкIивбариб илини, дяхI ахъхIедирули.

– Рургус. НуникIун ишбархIи гIянручIра къял бирзира. Нешла къял...

– ХIуни?..

– Ге, нуни... ну-декIар хъунул адам ахIенрав?

– ХIебиалли хIуни бирзесра балулрив къял?

– Балуси саби...

– Хіера нуни хІу чериулри тарсличил, гъм... къялизайчил азбарлизирад чеди арицІули. АрацІибмад хІуни илди, чухдикІахъули камулри ва, гарала халдарализи хъамхъали диркъахъули картІули. Илдала тІем бакъили, вана ниълакІун тамашала бизиси тІем бирар, жита хІела мякълаб багъарбирули саби, ил къяшмази суркбашули, багълали гъурбикІули саби ва хІуни илис вана ниъ картІулри. Пела хъулиб цІуббиличиб цІегъала чяйник руржули саби. ХІуни ил иличи кабихъади азбарлизи карацІайчи. УстІулличир хІядурли сари хурла, мяхІаулла кІапІри, бухъутІа вавала дерубти къар. ХІедкІун илдала чяй дигахъид.

– ХІу мякълав левсиван гъайикІулри. Рахли, парх гІякълула вегІ хІейадли?

– АхІенра. Илди нуни дурибти вавнала тІемани лер хІезир ва илдачил гъудурли хІу регІси хІела чархла тІемра.

Набисат иличи чІумали цІапІакун. Магърибла шайчибси улкъайлабад хІербикІуси нурла къяли кьицІбарибхІеливан бетахъиб, кабинетлизиб гъигъана лявбируси лехІдеш чебихъун. Илди, кІунтІбачи кІунтІби цІапІакахъи цІацІати хъябруцІизи белсун.

– Сс-е-е с-с-а-а-би хІу-уни-би-руси? – тилхъавли иб илини, амма Хатирли илала гъай иргъули ахІенри. Гергъиси замана чекасибти къугъанани ва бержибси децІли малхІямдешличи ва лявличи гушси чарх илала аргъайчи лехІхІейхъусиван – иличи лагъдеш ва карцІай цІакъдикІахъули, илизив кягІилри. ХІера ил илала някъбачир рагъарриуб, «се саби хІуни бируси?», «каратаба» рикІахъули, илини ил бягІуси устІулличи, иличирти белкІанала папкабира жузира удяхІдушили, карихъиб.

– Унзаялра гІекІа, – иб илини, бизиси хІяйкатли буцибси чархлис тамай мутІигІли. – МехІуриублирив?

– Виублира, – иб илини, серил гІурра бурес дигули гъаргдарибти кІунтІ-би сагали ясирдурцули. Алгъай някъ гъезлизи гІелабушили, цазаманализир кІунтІбира дужули, илини итил някъ, илала михъиргачибад хІяршбухъахъи, хІевалиу каберкІиб.

– ХІу мехІуриублирив?.. Се биубси хІед?.. – рикІулри ил, чархла биркІанти дуцибхІеливан, ва чархла лебилра декІдеш устІулличи гІинибарибси бекІличи архули.

– Б... бу-у-ра, ну... ну... х-хІед...

– Ге, наб хІу дебали гІяхІрилзулри, хІечила дила уркІи даим пикрибикІулри, – иб илини, иличивад ахъиубли ва, буресагарли хІулбуцІнаиркъули иличи хІерикІули, шипІвяргІиб. Таркила дубурти сунела нурли гІелабикайчи гъачам гъатІи малхІямли хІяршдарили, берхІи гІелабикиб. Гъуршдеш, гавлира хясалира шагъарла чедиб тІинтІбарибси хІяна пухІлизи гъудурбиуб. Набисатла чархла биркІантала гІячихъдешра гъудурдешли кІапІдарилри. Амма илдала кегІердеш гъатІира хІяйранирули ил, илис буйрухъдикІулри ва ил буйрухъ селрайчиб цІакълири. Ил илдала милигси ясирри, я велкъес хІейруси я милигдеш ахъес хІейруси ясир.

ХІера, ил аруцили, сай устІулличи кайиб, вайлис алавдиубти илала къяшмани цІацІавариб ва хІяйкатли тІамадарили гІеларяхІ гъакІрухъун, амма Хатирли ил чІумали руцилри. Гъуршдешла шаршавличи дугили чертІибси цІябдешла ширла камли къаралдлума тамай сунезир детахъахъиб. Гъанна хІулба чебиуси аги, гъар секІал хахамличил хъутрани ва кІунтІба дургулри.

Илди сарри гъайдикӀутира. Гушдеш ахъибти чурхри цалис ца хӀейгидиэс дигутигъунти ахӀенри. Бунагъкар ванзаличибси бегӀла тӀем-тӀягӀямла хӀяз чӀумаси «бурушличиб» даимбиублири.

* * *

Сабурла гъайличи лехӀкахъили виалра, Хатирли аргъиб, иличи хӀерикӀу-лихъалли, дагъри цархӀил шайчир диъни ва сунени илини дурибтазибад селра хӀергъни. Илбагъандан, узи лехӀкахъибхӀели, сайра лехӀкахъиб, сенахӀенну хъарбаэси аги. ЛехӀдеш гӀягӀнисиличиб имцӀали гӀеркъабитӀнили се-биалра бурес гӀягӀнили биъни аргъиб илини, илбагъандан, хункӀлизи хъехӀбушили, иб:

– ВегӀлис дигути детарулив?

– Сен детхӀерути? ВегӀли бетаахъалли сен бетхӀеруси?

– СенкӀун буресван баресра гъамадли ахӀенхӀели. ХӀуни къалли ил секӀал нуничиб гӀяхӀил балад.

– Дила гъай хӀянчиличила ахӀен. Ну хӀези хӀела хъалицӀаличила викӀулла. Нуни аргъес хӀейрулла се къил сабил хӀуни буцибси? ХӀедкӀун школала парталичи кайибхӀейчирад дигахъусири ил. Илди дигафра, хӀела гӀядатла ахӀенри. Заманалира, зугӀлуманира, балагъунанира дебшладарили, Аллагъла кумекличил, хӀердарибти сарри хӀуни. Ил, Баинат, хӀела уркӀила бегӀла дурхъаси ва гъарахъси мурад рири. Ил гъанни сарри хӀела чархлизир гъунарра цӀакъра уркӀилизир уркӀецӀира адамдешра камхӀедарибти. Иличи вахъхӀи вашусири хӀу ва, ахирра ваири. Гъанна се биубли?

– Нунира балули ахӀенра, – иб Хатирли, илди гъайличи сай разихӀейубли виалра, ил секӀал хӀебалахъули. – ХӀечил ну къабуллира. Наб къиянни саби ил гъарахълихӀели, амма ил аргъесра гъамадли ахӀен. Гъанбиркуру, итхӀели Москвализир, ил хӀегӀиб умцӀутани лергӀер урухрарили? Ил итхӀели урши багъандан илцадра урухриублири, хӀятта гъар секӀайчи дунъя бяргӀилри ва чинабадалра урехи гъамбикӀули чебиули, тамай хӀялагарриуб. Урехи илис, даим гӀелабадкабикибси, черхӀебиркуси пикрири. ГӀур илини ил масъала иш хъалиличил бархбасахъун ва дила гъала суал кабатур: яра ну, яра – хъали. Сунени гӀямрулизив цайналра чехӀеибси Сашачи гъимилириркъес рехӀрихъиб. ГӀур биалли, бегӀтази хъали асахъили, ну ила арукес пикрибариб. Ну къабуликира. Иш хъали бицили, цархӀил асес. Амма илини дила къас бусягӀят убъяхъиб. Ишис дикибти арц хӀили дясунти сари рикӀар ва илдас асибси хъалира хӀялалси биэс хӀебирар.

ХӀуни балулри, ил багъандан сели виркъасил ну. ГъарахъхӀелира иличивад, сари мякълархӀеливан, илала рухӀра далли гъимхӀедукӀлахъес, къанилавван хӀерирусири. Ил бурсириуб, сунес се дигули риалра, ил нуни бирниличи. ХӀед багъес дигалли, ил дебали чӀумаси ва хамси адам сари. Гъанбикахъа, се барибал илини сари риргӀяриргили рицибси туркмейс. Ну итхӀели судличив левсири. Нуни чераира ил. Илала хӀулби ва судьяла суалтас лугути жавабти. Ил анцӀобукъли ил, гъайгъайра, цархӀил ретаахъурлири, бекӀлил адамличи бирхауди агарли, бацӀкабухъунси уркӀиличил рири. Ил бушинрарес, (дила гъай гъимбукӀибси уркӀиличила сари, тамай адамтазибад бердибси) сагали уркӀилизи разидеш чарбарес гъамадси ахӀенри, амма нуни ил секӀал чесира, ва дила гъарбизур. Ил рарскариуб, сагали салхӀун ва гӀямруличи акӀубти гъира

бушиндарес сунес ахърихЛебикЛули хИилхИи паргъатрирули, калун. ЛергЛер талихЛчерти, разити бурхЛни деркЛира нушани... Гъм...

Амма баралра сари ташмишрикЛуси, сари хЛерли ахЛенси се биалра каби-калри, иличи хумаррири ва хуЛ бердахъили карилзи. Диуб илдигъунти чумал анцЛбукъ. Ишарра... гъм... итарра...

Гъу, бура, селис гъанна ил жалряхъибси? Се багъандан? Яра илис дигулив, ахЛерси Баинат, хЛу рархълири, черрерхи набчирад, хЛед дигуси бирулра ахъесу набзи? Дила хамдеш дячЛес, сеналра чедирикес...

– АхЛен. Илис ил ахЛен дигуси. Илис сунела уршира хЛура дигулрая ва илди диги селрайчир цЛакъли сари илала. ХЛу гъанни изули сари ил, хЛу гъанни рулгули сари ва, нуни аргъиливан, илис гъанбиркули саби, эгер камси гъатИи жалряхъялли хЛу къабулиркуд ва гъар секЛал урван дирар или. Амма ил игъбарагарли ца секЛал пикрилизи кайсули ахЛен: хЛу чила къамла сайрил ва илди варскъадеш чинарадтил. – Илизиб ахЛен анцЛбукъ. Ну чи сайрал ва чила сайрал ил багъандан чуйнара хъумкартурти сари нуни. Ил нуни Аллагълизи халририра ва ил чехЛериуси замана дунъя цЛябли бири, цЛударли бири... Сен биалра, нуни балулра, гъар секЛал гЛяхЛил дирар. Ну вирхулра. Наб гъанбиркули саби, ил гъаннара дила къайгъилизирикили, дигЛянали наб гЛеларадрикили сари или:

– Се?

– Ну хъулив агархЛели, ил хъули арицЛули сари. Ил секЛайчи шакиЛулра ну, узи. Гъала-гъала илини хъали ибгули рири, беркеси балли бири. Амма гЛергъиси замана илини чЛянкЛли дила белкЛани дучЛули сари.

– Сен балулрив хЛуни? Рахли хЛерзи бирули хЛейиши? – Сабур узичи хЛерикЛури ва илала зигардикЛути дяхЛ-някъличи яргали хЛер лапЛбирули, уркЛила бухЛнаб иличи харидешла рамч лебни якъинни хЛясиббарили, илала низамагарли белкЛани кадихъибси устЛулличи гъамиуб.

– Ге, нуни балулра. Илини устЛулличибра ил бирули сари – низам. Амма нуни гъачам белкЛи кагъар батурра: «ХЛела чебетаибси низамли ну вирхахъ-улра». «ГЛур хЛебирис» белкЛун илини.

– Или биалли, сен балулри гъатИи рашни?

– Ягъари, иш хъулиб илини балтуси тЛемли. Илала чархла, палтарла ва гъигъла тЛем ишар кавлули сари. Гъугу, диур набчилану, хЛуни сен хЛела мухЛиличи мегъ чедихъилри? Чизилра селра бурули ахЛенри, хЛятта Дигаят-лизира. ХЛу лехЛкахъадли чилра шакхЛеркур викЛулрив? ХатЛайркулри, вари. Ну шакикилра хЛу сели виркъулрил... гъм... Гъала-гъала наб гъанбиркусири хЛуни Сашала хъарбаркъуни хъарарахъулри или, амма гъанна нуни балулра илкъяйда хЛебиъни. Яра...

– Гъари, кайи иша, – иб илини, кЛухнила гЛямзила кабихъибси халаси сумкала чалпуз урцЛари буцили ибхъули: духЛнарад гъар журала деркести ва держести дурайсули. – Абхъа шиша ва къисбара се-биалра чЛямбаресилра, нуни истакантира пигълумира кайсис. Холодильниклизир дяргЛибти шинра дургар.

– Тер.

Илини тЛулбачи чергъурли чумал истаканра, тЛелубачи сурдатурли пигълумира гъала кадихъиб. Хатирли «Смирнофф» или этикеткализе хЛунгЛен-цЛярти хЛурпрачил белкЛунси шиша абхъиб ва баягъи илгъуна белкЛ лебти истакунти либхЛли дицЛиб.

– ГІяхІцадхІи кахІедиилра нуша, – иб Сабурли, устІулличи тІутІубикІахъ-ули истакан кайсули. – Гъу, дерхъаб! Арадеш!

– Дерхъаб!

– Нуни дигулихъалли, амма дигулира ахІенра, дила хІянчила хІекълизиб бурес хІейрус. Асубирусиди ахІен. Барибсиди хъяла дурар, нуни, бирусиди хІянчила хІекълизирти дигІяндешуни гъаргІедирис или ца чумал кагъарра къулбасдарибти сари. Иличила къалли хІуниязра багъес гІягІнили саби, секІал балусиди адам сайрину. Пикрумиди биалли хІела дархъти сари. Ну гъарли-марли ГРУ-ла ца хассиди подразделениела ургъан сайра. Хъарарахъути нушани, чІянкІили пачалихъла хъарбаркъуни сари. – улкала духІнар ва... гъм, илала дурар. Ихичиди, нуни гъанна бурибсилличиди, селра чебатесиди агара. Ишра хІезиди ахІи бурибсиди ахІен. Дигаятгилра балули сари – ил дила чемодайзиди карухъири, дирцестиди палтар багъанадарилли. ДигІяндарес бекІхІейубли илар цацадехІ документуни лералри...

– ХІела звание?..

– Майор.

БекІ шайчибад шайчиди пяхъярбирули, Хатирли гІурра истакунти дицІиб, сунела някълизи касиб ва, нургъбани дицІибти хІулбиди узичиди вякъяили, руржусиди тІамаличил иб.

– Дудешла арадешлис, нешла хІяблар нур адалкаб, – иб илини, ва къутІбарилли бержиб. – Нуни чуйнара ватІунри хІу, белики ил дила иш бузерила, – илини сунела белкІани кадихъибсиди устІулличибяхІ бекІ гъакІбариб, – тІалабуна набзиб абикъурсиди хассиди хасият бургар, сабира жявли даршухІебирусиди къилличиди шурбухъунсиди. Амма адаб се сарилра пикрилизиди кахІейсули, чула ахІи зугІяла чехІебиути, жанивартала хасиятуначилти кІикъяшан жанивартас девра, вягІадара, тиладира гІягІнили хІедиалли, се сабиди барес калунсиди? Закон-тачидира тубикІутира адамдеш ганздирутира лебхІели, илдала дазурбалла дураб бузути гІягІнитиди бургар. – Сеннира гІурра илини нагІдаллагъли гІягІнитиди сабиди хІеибну, бургар или бурусиди таманбариб. Ил секІал Сабурлира хІясиббариб.

– Баркалла, аргъни багъандан, – иб илини, гІяргІяла берцІибсиди дукайзиди къацІилкули. – Тамашала дунъя сабиди. Аргъес вирули ахІенра адамтас се дигусил. Совет хІукумат агарбариб, гъу, халкъ биргІябиргилли, ил секІал барилли биаб сабиди, сен гъатІиди илди лехІкахъибти? Ишгъуна гъурумпІуз бирусиди гъари? Хъям, гъара, хІясаддеш, хІясилдеш... илди бегІти гІямрула тІалабуни дарес асубирусиди? Се даражаличибал гІярмия! Се хъям сарил илар ва сегъунти вачуртил, дура улкназиди ардихули абзурли танкабиди, паровозуниди, къисдарибти самолетуниди ва ракетабиди? ХІеркІдохъиди сариди иладяхІ нап. Бирцули сабиди масван исбагъибиди... Агъ, Аллагъ, хІуни багъадри, се агиличиб сабил иш авадан, зурба ВатІан...

– Дерхъаб! Ваши ВатІан гъанни бужехІену. Ил дев хъумартурсигъуна сабиди гъанна чумал дус. ВатІан гъанни, халкъ гъанни адли, адамти дукаркІули сабиди. Дерхъаб!

КІилинра бержиб ва кІилинра шинцун хупІдариб.

– ХІу селизив узулри? – Сабурли бара абаибсиди муцІур хІяршбариб. Иличиб гІярякъили майа дураилри. Андара илала хІярзали буцилри.

– БусягІят, узи, Монголиялизиб аргъибси ца хабаргъуна секІайзив узулра. Тамашала улка теб ит. Итабтала тІалабуни ва кылани цархІилти сарри. Ил-дазиб аги давлуми-хазнубачи гъаргъдеш. Илди лебгІеб тІабигІятличи гъамли кали саби. ЛебгІеб гъамли.

– Нуни мурталра аргъибси ахІен я бусягІятра балули ахІенра хІуни илди чинарад кайсутил.

– Чинарадалра, узи. Нуни илди черлукІулра.

– ЧерлукІулра?

– Ге.

– Чичирад... гъм, селичирад черлукІулрив?

– ГІямруличирад, тІабигІятличирад ахІи, селичирад вирутив илди чердел-кІес? ЧІянкІли илдачирад.

– ХІела пагъмулис бержес дигулра, узи. Дерхъаб! ХІу пахру сайри дила! Багъи ил секІал.

– Дерхъаб! ХІела арадеш!

– ХІелара! ХІела пагъмулисра!

КІелра узини держили, истакунти, цадехІ тІама зайдухъахъи, цазамана-лизир устІулличичи кадихъиб.

– ХІуни ири, Сабур, сен халкъли сегъунтилра къаршидеш хІедагъахъура социализмаличибад капитализмаличи чузи хъарра хІебаили, улка шурба-турхІели. Бура, урчІемал дус гъалаб Советский Союзла хІекълизиб рефе-рендум дураберкІибхІели, хІуни балулрив, урчІемцІали процентла къадар халкъли цаси улка калахъесли тІамри дедни? Амма илдачи лехІахъибу? Гъа? Вирхаи, нуша дяркъурлихъалли, тарих лукІуси жамигІятли сабниличичи дир-хаахъурли, илкъяйда ахІен. Ил лукІуси, хІяракатчибани саби. жамигІятла гъаббашантани. ЧІянкІли цІакъ саби жамигІят, илдани устадешличил пай-далабируси. Илбагъандан... э-эгъ, – илини някъ хІяршбариб, чІумадарибти хункІи къуркдухъахъи, пуржинтачивхІеливан, харчли айзур. – Гъамадли ахІен, улка белгиагардешла къялшубазиб биалли ва уркІи хІейзутази ари бикили, илди хІела буйрухъчиби биалли. Сабурлизивад хІевхъес багъандан чархла сегъунти цІакъани ва дагърила ари дакІударес гІягІнилил...

– Ге-е-е... хІулуркІести гІямру ахІен. Гъирачеввиэсти сабабти камли сари...

– Ге, сари... Амма, хІуни бурригу ВатІан дигахъули гІергъи, халкъличи уркІи изули гІергъи, хІебиалли гъар секІал ункъли дирниличичи бирхауди леб. Ил биали, лебгІеб мягІничебси шартІ саби – бирхауди. – Ил гІяхІцадхІи лехІкахъиб, амма ил азадли, ваткавхъи ахІенри, сенахІенну ахъибти гъун-дури, диубти гъунибаъниби ва дарес гІягІнити аргъайзир сарри. Хапли ил, дукарвахІили пикрумазивад акъуухъун ва, хияр касили, къацІикун. – Тама-шала манзил леб къалли адамтазиб, – вехІихъиб ил, чІямбируси хияр къурж-бикІахъули, – сеналра дигули саби урхІла дигІяндеш багъес. Гъар секІайчирад юргъанти урайсес. Бурес гІягІниси, бурес асубируси къалли адамли буру. Юх, ну или викІуси хІуни хъарбаибхІели ахІенра, нуни балулра хІу се багъандан хъарикІулрил. Ну хІела узи сайра, ва хІела уркІи набчи изули саби...

– Сен биалра, хІела хІянчи бузахъеси манзил мабиаб, я ил алкІахъути мабиаб.

– Ил гІяхІси пикри саби, илбагъандан, ваши бужехІену. Дерхъаб!

– Дерхъаб, узи...

СЕЛЕНГА ХИЕРКИЛА ДУБЛАБ БАКЪИБСИ ХАБАРЛА АХИР

БархIехъ маза дирзили гIергъи нушани илдачил мукъри дархдирхъутири ва, чялилизидухIнаайчи хъайчи гъамли гIяйдикIахъес далтутири. Дунгармачил нушани хIенкъ цархIил шайчибад алавбарра ва мукърала чеббяхъла хIярила гIебикI убасира. Мукъри вявличил чула нешаначидяхI дуцIдухъун. Нешанала гъуркти тIамрачил мукърала гIярцIа тIамри дархдикили хотунна¹ чедиб тIамрала гъудурмай тIинтIбарилри. Чула нешани даргибмад мукърира гежбунира лехIкайхъулри ва гъаларти къяшмала къукъубачи кадиили ванати утIмази цIапалкулри. БархIехъла даршуси лехIдешлиуб дурзам гIяйкабиублири. Багъла-багълали цIябдешла шаршав чедибурхулри ва селра секIал илала хъябруцлизир детихъулри. Ца гъатIи дугили къярд сунела арилизи бурцулри. «Закла урги» бигъунси урца бадира бицIибти ниъ хъули духайчи рухънани, ченабурхIлиубад касили вахъ гъар шайчидяхI, гъала-гъала дирзибти ниъ, чярхIдирулри. Илини ил Дурхъаси Гаснала, неш – Селенгала ва дубургала шиннара вегIбекIунас, бирусиде шабагъат сабри, сунела сахаватдеш чедиахъули ва илдала хIурмат бирни иргъахъули.

Хъа гъалабси урчили ахъли хIихIииб, ил гIеббурцули хIеркIличирти пясясагунира вякъякъдухъун.

Маза кес рякъунси рузили урчи урканбирхъули рииши, ванзализи кабирхъуси мегъла къярдализи бирхъуси къякъла тIама чехиб. Камси заманала бухIнаб къярличиб аръа марка лямцIбухъун ва бусягIят тяхIубиуб. Дунгармара нура мазала мякъла кадиира. ГIелабикибси берхIили сунела нуранидатурсиван, мусисиртIа чедирти гъагулти, гъар-журала къалипуначи шурдулхъулри, хIятта мазала хIенкъличира. Бишунси чирагъван, хапли илдачирти нуранира кIундацIиб, цIябси дуги, тамай ари сунези буцили, гидгурачи къуркуван, кабихъун.

– Чебаирив ца гъагул, севан къячачи мешубикибал? – иб шинна рурсили.

– ХIунира илди гIяламатуни хIясибдаррив? Наб ца къаралди шин лерхуси адамличи мешубикиб. – ира нуни.

– ИкI ца, гъаннара кIебал, цIудара хяличи, ахIи житачи мешули.

– ЦIуба валрира лебри, – иб илини, хIякала дуб буцили, сунечи гъяжбирули.

– Тамаша ахIену, ца гъагул чум къаралдиличи мешубикибал, хIятта адамтачира. – Набчи гIинирикибси Дунгармала ванадеш наб гъанаур. Ну иличи ласяхъира ва набра хабар агарли ира: – ХалаваибхIели ну хIечи хъайчикайрус.

– Хала нешла юртала мякълаб нушани халаси цIуба юрта тIашбалтехIе, – иб илини.

– ГIяхIти лергIер кункти дуцIла айгъирти адилкъас. Нура мушулвашус, – ира нуни.

– Нуни хIед лебгIеб жагаси халгIят каберсили, ибис. – иб илини.

– Ну дебали цIакъси ветарус. Алтангэрэлличивад чедииркус сеннира. Узигъуна ветарус, жагъил галгагъуна, ахъси. Алтангэрэл набзивад урухкIар, ва гIур илини хяра нура дитес хIейрар.

¹ Хотун – мазала ферма (монг.)

Гъай гІяхІдизурси шинна рурсила рурси пикрумазир гъатІира мурхърикиб:
– ХаладаибхІели се бирехІел нушани балехІе. Юрта бирѳехІе гидгура ва дахъал-дахъал арцанти адилкъехІе. Янира нушала юрталис алав хъирхъни урцар.

– Мазаличира кІелра дарх дашехІе.
– КІел халати адам барх сен башутив? Ца хъулив уар.
– ХІебиалли мазаличил нушала дурхІни башар.
– Ге, ге... Илдачила нуни хъумартуррагу. Илди чинаб бургути?
– ХІебалас. ДаКІубулхъути бургар.
– Юх, илкъяйда ахІен. Ну халаси неш ретаруси риасли, илди набзибад алКІути саби, – иб илини, тІул сунечи бяХІчиули.
– Ге, илди хІезибад алКІан. Амма илди, гІядатли биубли, чинабад алКІути? Дила тІулбази бяхъили, Дунгармани иб:
– ЛехІахъи гъари. БиштІатани илдигъунти суалти хъардиутив?
– Сен или рикІулри?
– СенахІенну гъачам нуни хъарбаира хала нешлизи: чинабад алКІути дурхІни? Илини иб, дурхІнани илдигъунти суалти хъардиути ахІен или. ГІур хъумхІертахъесли, чекаризурли буриб.

Ихтилатлизи мурхъдикибти нушани кадрихъес гъалар дужути ниъличилара цІикІси нусиличилара хъумкартурлири, амма хала нешла зайбухъунси тІамали гъар секІал гъандикахъиб:

– ДурхІни, духІнаая маза! ГІур адацІирая, нуни ниъ ружераилра!

Маза чялилизиди духІнадарибхІелира цархІил хІянчи нушачи хІерлири: мукърира гежбунира чула нешаназирадекІардарес гІягІнилири. Рузила кумекличибли нушани ил хІянчира гъамадбарилри. Бара даркъибмад лехІехІейхъули хъалли, гъанна, хІярила дубла кадизурли илдази «Маъ! Маъ!» или тІамадарахІелли, илди нешаназирадекІардикили, дура дуцІдулхъан. Амма чумал дарскъара лер, дигІяндикес дигути. Илди нушани ца-цали далулра, илдас чеуми далли пикридарилра: ХІунтІена лихІи, Цудара хІулбар, Канихъус, Суркъуйрукъ ва цархІилти. Илдачи дугъадизурмад, чялила гІямзурбази яра нешанала шайчи илди дигІяндиркур. АцІили ухІна, мекелли ахтардихІеда радли, нешаначил кавлан. Лер кІел дарскъа гежбара: ца саби хъула Къуртма, итил – кІел неш Духъан цІуба. Гъанна нушани илди мукърала чеббяхълизир дилгъулра, сенахІенну, гъамадли харгличирад тІяхІдухъи, духІнадиркур ва нешани духъа. Гъанна илдани чула мер балули саби, илбагъандан сари дилгъуси мерличи дархъли дякъи харгла мякъла кадилзан.

Нуни илди дигъи бекІиубли-хІейубли левли, Шинна рурсила рурсили тІамадариб:

– Ваши жагІял мукъри аркехІе Гасна дубурличи. ХІу къалли ила вякъунси ахІенри.

ГІергъила бархІи нушани мукърала ва гежбунала хІенкъ Дурхъаси Гаснала шулГІи арбукира. Илди, нушала ахъбиубси гъав балусиван, тІяхІдикІулри, дуцІдикІулри, гІеларти къяшмачи ахъдиубли, цаличи ца чедирхІулри ва, магъдарибхІеливан чукурдиубли, журуга къубч бирулри. Илди цацахІели наб хІязтадиркъути чярдала лигубачи мешудиркулри. Амма илди чукурдирути

камси заманалис, гъигъбатесцун сарри. СенахІенну, буйрухъбарибхІеливан илди тирхъдулхъулри ва гъаршайчи тІутІукадирулри. Нушара, арзили хІябни, халгІятла сурми гІяйдуцили, илди дуклума сартиван, катхІел урцулри. Нушала чедир, «Къу-агъ, къу-агъ!» или тІамалидиркъули итди хъирхъни урцулри, цацахІели илдани къукъя бирулри, гІур, ахъли тІамадарили, ургиван катхІел кадулхъулри. Амма ванзаличи канира гачхІебикахъили илди сагали закидяхІ ахъдирулри ва тІутІудирути ниъван гъар шайчидяхІ урцулри.

Нушаб гъалав, гъарахълив, цІуба урчила мурда вагъариуб. Илала къакъ-личиб тупанг чебиулри. Ил нушани вагъурра – Жунай. Илра Гаснала удивяхІ ватихъилри.

Хабарла Гасна набзи чебаахъес дигуси Дунгармара, ила ветаэс гъалакси нура, ил чеибмад, дачадархира.

– ХІу, Дурхъаси Гасналичи чуйна арацІибсирив? – хъарбаира нуни ахъли.

– Чуйнара. Хала нешличил рякъунра, дяхІи бицІес бехІбихъибхІели. ИладяхІ нушани маза дукира, – мурхъли гъигърикІулри ил. – ИтхІели зак шинишли чебиулри. ХІеблизиб ва дуцІрумлизиб ишаб тІагІямла жагадеш бирар. Алавчарли гъар журала вавни салхІули сари: газнала утІми, мукъарла къулекъа ва хяла къянкъ. Илди сари ишар, дубурла мякъличир, къалтин барили, гІяйкадиубти. Гъачам адавзи Жанбулатличил урцуйчи дакІибхІели, итхІели бугІярси яни сабри, нуни бегІ гъалаб вякълякъи чебаира, агъ жагасира лебри ил хъула къяна. Чебаира къар-гІяргІяра, къутІкъутІи... гурдала къел... Дахъал секІал тер итар.

– ХІерризи, Дун... Шинна рурси, – ира нуни, илкъяйда асли секъяйда къабулбирул дигІяй хІерикІули. Шинна рурсила рурси – декІар шинна рурси рируси ахІену?

Сари къалли. – ХІеръа, шинна хужаимтала талхъай къалиян бужули? – нуни Гасналичи тІул бягІчаира:

Маркалис гІергъи иличибад закибяхІ тамай къяббердес хІейгусиван, илала галгубачи къяббикІули зузбитІунси гавла гулум чебиулра.

Андаличиб хъатли дубхъи барили Шинна рурси иларяхІ хІерризул ва сагати мешубуцунни дурес даимриуб:

– Юх, илди танбакула гав ахІен. Шинна хужаимтала талхъай цІуба явлухъли анда ушқули сай. ГІур, ил архІяла цІуба явлухъ, неш – Селенгали заки, бирцес арху. Багъла-багълали ил дирихъ икІди, сапунна хъамхъаличи мешути гъагултази бархбиркур. ХІерикІен чекайзулри. Чебиулрив, чум явлухъ дурчулил неш – хІеркІли, цахІнар дирцес. Неш урхъули илди гІянчІакІибхІели, нушачиб марка бируси саби.

– Марли?

– Марли, марли. ХІу хІерикІен. ЦацахІели Селенгаличибад илцадра зумаси дирихъ ахъбирули бирар. Илини сари Талхъа явлухъуни ицути ва берхІиличи дерахъес дурхъути.

Пикриухъалри, иличи вирххІеэс хІейри. Гъар секІал дархълири.

– Иличилара хІези хала нешли бурибу?

– Тяп иш нуни бурибсиван хІебуриб, амма серил иличила бурибсири. Жагали пикриухъалли илкъяйда ахІену гъатІи?

Овоот хІеркІличибад Гаснала уди бикайчи халаси гъуни аги, амма гъуни-гъуникад аркъули, думхІути ва ихтилатдикІути нуша дахъхІи калунра: хІери баибхІели сарри гъумла тумачи даибти.

– Ишди гъумла халати музурби, бурули бирар, Талхъан вакІайчи, Гаснала дубурти дуибти сари.

– Юх, ахІен... Ит цІудара адам дакІуухъунхІели, гъимбукІибси Селенга кяйгІес бехІбихъибси саби ва илхІели ишди гъум дакІудиубти сари, – иб илини гъалаксаурли.

Ну жалхІевхъунра.

ДуцІарти палдаливан, гъумли лутІи-кьяшми игулри, илдачив вашухІели.

Багълали кусдарили мукъри нуша валри-шурла мякьла гъамдиубра, сабира ит цІудара рухІла адамла къалипли сабси.

– ХІу гІурра, цІудара рухІла вегІ, мицІирли левалрив? – ира нуни иличибяхІ къркъа игъубра. Даимлис цухбизурси илини, гъайгъайра, наб жавабхІебариб.

ТинтІдарили валри-шурила дяхІцІилиу халгІятуни нуша дахъхІи калунра хъялибаргла хІязлизи ахъили.

Хапли Гаснала ца катруглизирад къяйкла тІама алавла бирцІули зайбухъун, гІур заки арцур. Мукъри тирхъдурхъун, ва, дингаили лихІби, чукурдикиб. Гъарахълир, дубурла сиртла дуб ласбиубли ца къяли шайчибяхІ бикибси муза-къякьла удир рузихъа хІенкъ гІяйкабикІулри, къяйкла тІамала кІухли хІенкъ удибяхІ ласбариб, ва илди катхІел, хІусдурхъунти дяхІила хІуркІбиван, арцур.

– ИкІ, къяйкикІуси Жунай сай.

– Гъинта кабушиб бургар. ХІелукъуси сай ил адам. Ит хабарлизивси цІудара рурсила вегІличи дебали мешуси сай, – иб Шинна рурсили, валри – шуриличи хІерризурли. Нушаб берхІилизи гІяздурхъес гІягІинили саби, БерхІила дубурла бекІличи адацІили. МиъвиргІяхъу илини ил.

Ну дукарвахІира бурибсилочи:

– ХІебиалли мурт-биалра Жунайла дубурара алкІан!

Удиб мукърала хІенкъ батурли нуша Гаснала уди, вацІа бехІбирхъуси мерличи даира. Илабси гъава зярхІси ва бяргІибси сабри. Ил хургърази муришинван бизили бухІнабулхъулри ва гъигъикІес лебгІеб гъамадлири. ДекІар-декІарти арцанти дучІулри. Вайлиу адиути тухъли дакІибти кърла къамаличир цІуба вавни, гІяйдуцили чула назикти лихІби, цІуэрлиур гъакІ-дикІулри. Хабарлизибси, уб гъачамалра чехІебаибси улкализивванри ну.

ВацІала дубкад тугъ барили дакІилри бурбунар галгуби. Ца декІарбулхъулри илдазибадра сунела жагадешличил ва аваданешличил.

– Иш сабив хала неш рикІуси жагъил галга?

– Ге, саби.

– ХІебиалли, жагъил галгаван ита-иша улкІуси хІела узи, гІядатла адамван ахІи, зурба уили сай.

– Ге, ил халал сайри. Ит галга ил виэс асубирар. БикІаргу, гъарил адам сунела дубуртази ва шинниси чарулхъуси сай или. Ит дургъбазив алхунхІели, ахъбиубси бургар къялли иш.

– Ишичи мешути къялли дахъал галгуби лер.

– Диаб гъатІи! Бургъанти-декІар, галгубачи мешути, камти алхунтив?

– ХІу рархъли рургуд, – къабуликира ну ва пикриухъунра рухънала уршилчила ва иш галгаличила. Амма чидил сабив ил?

Гъар журала вавни сунела къантІа чурмази катІи Дунгарма хамли набчи хІерризурли рикІар:

– ХІеръа иша набчи!

Илгъуна яравси, гъярцІа, рангагарбиубси шалбарчерси рурсилис Шинна рурси викІули хъалли ну, ил секІайчи вирхаэс гъамадли ахІенри. Ил гъинцІ-ризурлири ва наб илала мухІли халабизур.

(Хъарахъуд – гІурла номерлизиб)

Поэзия

Тавсултан СЯГИДОВ



БАХУЛА ЧУДУ

Масхарала поэма

I.

ШайтІан шурла мякълаб саб
Ил хухула бухъна юрт.
Чилилра бурес хІейрар
ТІашбатурсирил ил мурт.

Юртла мякълаб анхъра леб
Жявлил бухънабаибси.
Къяржъили тІамадиру
Къапулира беркъибси.

БирхІуси дагъара леб,
Гъал дусалра биубси.
Хухула житара леб
Хъули рахли башуси.

Гежа саби хухула
БегІла халаси пахру:
Ил гежала нусикІун
Шилизиб дармайс буру.

Бурхлиур дуръахъули,
Дарма къарани сари,
ВацІа-хІярлизир хуху
Руриб дяхънуша сари.

Азбарла ветацІадли,
Убла дунъя чебиид,
«Марли, музей ахІену?» –
ХІези хІуни хъарбиид.

Лебтасалра нешгъуна
Ил рухънас бикІар Баху.
Сунес сари имцІали
РикІули хъалли Хуху.

Мурул ГІябид букІунри
Колхозлизив урибси.
Дахъал мукъри сархули,
Орден ббулан бакІибси.

Илала кІелра урши
Сабтири кІилизанти:
ХІясан ва ХІусен сабри
Цаличи ца мешути.

Нешлицун бири илди
ДекІарбарес балути.
Учитель Расуй булан
Сабригу бирхахъути.

Танкистунни бетаур
ГІярмиялизиб узби.
Чарбухъес баибхІели,
ДехІдихъибтири дургъби.

Дергълизиб кІелра алхун
АвцІанну хІябрализиб.
КІелра бусули саби
Узидешла хІяблизиб.

Смоленскла мякълабри
Келра узи алхунти,
Командирли белкѝри,
Сабри или нартгъунти.

Хѝаб чебаэс рукъесра
Рухънала ахъри аги,
Дурхѝнас рисули деркѝиб
Илини чумра дуги.

– Дурхѝнала децѝли вергун, –
Рикѝар Гѝабидлисра ил,
Декѝси гъигъ абалтули,
Рарглизѝбси дардличил. –

Гѝяхѝялван виригу ил
Чарулхъусира хъули,
Дубуртира диркъара
Вири кункли ихъули.

Хъунул адам сарлихъар,
Ну мегъла уррухъунра:

Бахуни анкѝилаб ца
Билшахъули хѝерирар,
Чи вакѝалра, вахес ил
Даим гъалакли рирар.

«Ца кани бахес хурег
Бирули сари» или,
Бахучи бухъна хъунра
Бирар гѝяйѝбѝирули.

Сунези сари рирар
Баху гъайкарикѝули,
Гѝежализи булан ил
Рирар суалрикѝули.

Ца бархѝира хѝяздухъун
Хухула чуду барес,
Сегъунал халбарахъес
Унра Марзи жирарес.

Гумаѝлабтас садакъа
Буртѝу жумягѝ бурхѝназиб,

Гъаннара лералрагу
Рашули рухѝна-дура, –

Гѝябид гъаникибхѝели,
Мурталра рикѝар рухъна.
«Чум дус риублирара? –
Пикрирухъуна чуйна?»

Нура лерни Аллагъли
Хъумартурли саяра?
Чевверхи, ряхѝмула вегѝ,
Хѝела мутѝигѝ лагъ сарра.

Рухънани дурутачи,
Вари, катмаѝудра хѝу.
Гъалакрикѝули рургус
Хѝехарриублирану.

Бархѝи-дуги гѝеркъати
Саригу детаурли.
Се пикруми хѝякъяхъу
Байтарманти цундешли?»

2.

Дагъали гѝугѝуалли,
Азбарла дураулхъан,
Алавчарли хѝеррилзан,
Агарал музаулхъан.

Чугализир илала
Дургѝира камхѝедирар.
Унра-хунра вакѝалли,
Къумурлар дагъардирар.

Хъехѝла бегѝти иличи
Янѝѝурачѝира башар,
Бухънабала дяхънуша
Саригу ил дила шар.

3.

Дегушиб хъярба букес
Иштяхѝ бирар дурхѝназиб.

– «Пицца» бикѝули саби
Кани гъаргси чудулис,
Марли, се бикѝесара
Гъанна бирул чудулис? –

Дулгъуби гІегІдергурли,
КъунзрикІули сар Баху.
Бируси хІядурдешли
Бахус разидеш биху.

РехІрихъес гъалаб сари
Бирули дурхъал балга.
Гъала кадирхъули сар
Чудулис лерил далга.

Къям биціили, гІямзилар
ГІяргІяла гидгури лер.
Берубси бухъмуйличи
Бархъбизур илала хІер.

Исиутла хала саб
Бизили гІембикІули,
Мирхъи-мура, ташкІи сар
«Нуша лерра» дикІули.

Гимиргъили гІембикІар
Хухула декъла гавлаг.
ШингІя дерхъиб мер баргиб
Анхълизиб илини даг.

Хъалта далцІес рякъун ил
Арбукили барх гІежа,
БахуникІун илала
Дармайс или ниъ дужа.

Чаррухъи, хІерризургу,
Харабдеш чебаили,
Лезмили гІямкърикІули,
Ил сари ласрикІули.

Буреси хІебалули,
КІелра някъли бекІ буциб.
Барх лебси гІежализи,
«ХІу ца хІербизигу!» – иб.

Пяхъу кабикахъили,
Бергири лебилра бурт.
«Мегъ чедихъибхІелира
Няс бакІиба иша мурт?!»

ГІямзила кабиили,
БикІулдрив гъанна наб къур?

Дунгъяла къакъличибад
Бетахъабну хІела къур!

Гъар бархІи буртли балхес
Талхъан мага сабрив хІу?
ХІела пишначи вацни
ДукаркІули саригу.

Хъулкидеш дархъдатахъес,
Бура, чуйна битилри?!
Урези я урехи
Се сартил хІедалулри?

Чугализи туснакъла
Кабатаба бикІулдрив?
ХІела пишни детІалли,
Кабалтни хІебалулдрив?»

Сунес рургъуси рухънас
Пишбяхъили саб жита,
Ца хІулилра къянчІхІелгъа,
Дигалли хІуни бита!

«ХъутуррикІули хъалли,
ХІу наб вайси ахІенри:
Сукту-суктубарили,
ГІур жявли черрурхулри.

Ца хІули линкІван барас –
Итмадан пишрирхъулри.
Дила къурла аргъес хІу
Мурталра лехІихъулри».

– Чуднас башунси бетІу
Берги чебаа гІяргІна,
ЧІикІни дергун гурдасцад
БакІабну чучи нягІна.

Башни бергунти гІяргІни
Диубли саргу къугъа,
Хъулкни чябхъичирхІели,
Чинабри дила дагъа?

Берубси диъла урдур
Берги саби къурмявли,
ХІу бусули бургади,
БакІибхІели ил дявли.

Гѣжа! Хѣла яхІ лебу?!
Гѣурра хѣалта дугулрив?
Ишдас къадинра нуни
ХІу битили дигулрив?

Ну хІушаб рузахѣули,
Дила хІили дужулрав?
Яра хІушаб хѣулирад
Ну ребшили дигулрав?

Пенсия хІилхІи калун
Чамкъбалтули эмхІели.

Рургѣули рамсур хуху
Тахла дубла карииб,
КІелра някъли бекІ буциб
Ва гІяшли рисирииб.

«Адамтиван ишдира
Вайдерхурли саригу,
Адаб-хІяя се сарил
Илдара хѣумартургу.

Алжайчи хѣулбикІули,
ХІяжли башули саби,
Къачагѣунибиубли,
Гѣур чарбулхѣули саби.

ГІяргІялизибцад гІякълу
ХІякимтазиб агара,
Къарапулти дикахѣес
Бирули се-дигара.

Ва, дила Аллагѣ, хІуни
Чедиулрив ишди шикѣ?
Бухѣна хѣунрас нясана
Кадалтули сари тІимкъ.

Дергѣлизибад хиб орден
ГІябидла бигІи саби,
Ца канихѣус держлукѣла,
Хѣулиб баргили саби.

ХІуша сели далхара,
Бураягу илхІели?!

«Рухѣна сари» дикІули,
Зулму мага бирулрав?
Ну ратахѣеси агни
ХІушанира аргѣилрав?

Нуни барибси чуду
Бергес хІуша карцІлира;
Селизибад бирусил,
Амма балхІебалулра.

4.

Ца хасмушли анхІелизи
БегІи баргира къама,
Риаслири няс уцес,
ЛугІира къалли къама.

«Къамали релгІен» или,
Набчи бакІили лебри,
Сегѣуна риишара,
Рахли туснакърарасли?

ХІяблизив дила ГІябид
Убил-чеди хІейрару?
Ну мицІирли, ахират
Сабиули ахІену?

Къамала пІялцІикІ баргес
АхІен гѣанна вирули,
ИлкІун чумилра изайс
Бири дарманбирули.

Гѣари, хуху, лехІризиди,
Тамай абдалрирудну!
«Чудни дирис» рикІули,
Гѣаларван лерригу хІу.

Дунѣя булѣули или,
РебкІес мага къас лебу?
ДугІдерхур гатни-хури
Духударес рируду?

Ит хьунту житали бекІ
Урузли гІяшкабуциб.
Гежалира хухула
МалхІямли къянкъ лямбариб.

Лигаличил бирул хІяз
АргъутІлира тІашаиб.
Башни бергунти гІяргІни
Дагъалира дугІаиб.

Лерилра сар мутІигІли
Хухучи хІердикІули,
«Иш рисахъути нуша
Духутирав?» дикІули.

Гъала хІебла берхІиван,
Баху гІурра ряхІсахъиб.
ЛехІкахъиб «хъалибарглис»
БиштІал хункІ чебаахъиб.

– ГІяхІбилзули ахІен наб
ХІушани бариб пиша,
Рахли ну хІериасли,
Се дишара хІуша?

Дагъачира гІур дила
Бирхауди агара:
Лебил юрт панабараб,
Агу илис авара!

Лига бикаб, АргъутІра,
Хъумартурли дила гъай,

СягІяталра хІебикиб –
Чуднала тІем гавбухъун.
ХІенкълизибад хухула
Къялра хъули чарбухъун.

– Иргъулрав, къачагъуни,
«Бирзаба!» – бикІули саб.
Ца их саби кумекчи
КъянахІебирусинаб! –

Хъалтала чудуличил
Баху къяйс гъунираиб.

5.

Гъям-гъямбухъи, гІур тамай
Кабиркули саби къай.

Рахажлизи бецІ бигъес,
Ну ГІядусра ахІенра.
Ил барасли, БецІ-Хуху
БикІули, хІералтара.

ХІязли рукъес къас лебри,
Гъанна илра агара:
Ишар дила дарести
Лергу сецад-дигара.

ХІушачи мешурикес
Агара гъеч дила къас,
Унра-хунра ацІалли,
Вирусрагу тамай цІах!

Сабурбарес риасли,
Гъар секІал гъунчидиркур,
Ишдачи гъимрукІили,
УкъхІевкъис наб нуни кур.

Хъали ванабиахъес,
Гъари, цІара улкахъис.
Чудни дарес башнира
Сагали балкъарахъис. –

Бахуни цІа абикъур.
Сунки-ула вяшдариб.
Касили бугал барда,
Хъалтара къутІ-къутІдариб.

6.

Къачас утІи батурли,
Къялизан ниъли бицІиб.

Хухули, чарриубли,
Хялисра чуду бедиб.
«Лига жагІяйс батину,
Иш чуду халбара», – иб.

Хухус гІелабад хъули
Дагъара дурабикиб.
Илис чудула бутІа
«Талхъайс» или, кабихъиб.

Жита саб цѣла мякълаб
Кабили гѣнайчи,
Сунес чуду мурт лугал,
Хѣрбикѣули бедаичи.

– Биубригу яхѣбарес
Хѣла чуду берцѣайчи,
Иличил хупѣдарахъес,
Гъандуца ниѣ кертѣайчи.

Иш чуду саб Гѣядуслис,
Иш саби унра Марзис,
Къалабахѣрикѣули,
Лерил масъулти ирзис.

Иш чуду гѣяхѣйис балгас,
Белики, хапли вакѣес.
Убкалаб, савли биур
«Хъалибарг» дуббатахъес. –

«Бисмилла» или, чуду
Бахунира халбариб.
Нигѣмат лугул Аллагълис
Гѣяшли балгара бариб.

Ванал хъулир Баху сар
Алжайзи кариили,
Къурбикѣуси житачил
Лякъир даимбарили.

– Хуху, цацахѣели хѣу
Рирхѣули рируд набчил.
Набкѣун бирхѣес дигахъис
Ит буртла хъабаличил.

«Агъ» итгъуна-ишгъуна» –
Рикѣули рируд хѣу наб.
Гѣур нуни се бариша? –
Гѣабигѣят илгъуна саб.

«Рубкѣус» рикѣули, хѣуни
Урухдирулра нуша.
Хѣу ахѣенси нушала
Тухум агарагу шав», –

Бикѣули саби жита,
Балуй хѣули ибхъули,
Хухус бурес дигуси
Сунес аргъес дигули.

– Ну ребкѣес гѣямал лебу,
Дила вацнала душман?
Илхѣеликѣун алжана
Бираргу хѣушаб таман.

Дигусили дила шар
Хуху чераэс вирар.
Бахула хан чудула
Илгъуна саби хабар.



Проза

Ибрагъим
ИБРАГЪИМОВ



ЦАЛИЗИБ ВА ХИЛИЗИБ

(Хъарахъуд)

Кел эмхерухъ дабгисси уркурара сайра Амирбег Халал Гяяла ласбулхъ-личи ваибхели, дугили сунела гузет таманбарили, заманала дуцла ургъур херилизи бедлугуси манзил сабри. Гъачамлис я адапти я арцанти селрацад чераргъили ахенри: чянкли глебшила теманачил гъигъбиклуси табигият савлила сапарличи хядурбиубсиван сабри: чяхла маркали дяхтра дирцили, дугла цедешли тухъра барили, тяхуси цуэрили лявра барили.

Цуриша махъила вегбек Амирбег Хайдакъла Баршамай ва Мажалис шимазир вачар-чакарра дарили, чарулхъулри. Гъарил адапти гямрулизиб сунечи лайикъси, уркилис къабулси санигят бургуси саби. Алавчарти махъурбала ва Гъазагала шила бахъалгъунти узданти ризкъи делгули, мицираг адилкъули бузухели, Амирбегли вачар-чакар дехидихъиб. Илала дудеш Ца Мяхяммад-лира кам-гъамти базригандешра дарибтиригу, – мурчазирад чупри думхули ва Гъазагала базарличир дирцули, – Амирбег чупрачичун хъарахъес хейуб.

«Се сари чупри? – вилки ил сунези сай. – Някъби делки узули дарибти чупрачичун яшав барес хейрар. Гяхиси хебирив, унци-уркурара гъардуцили, диркъаличи вашес биалри? Ила бухесира камхебирар, иларад биалли дубурлантас зе, чакар, набт, палтар, чянкли, хъа ваях, диркъала цедеш, чягъир ва гурра нушачир агарти матяхи дихес вирар. Веглисра – пайда, урхлисра – мурад...»

Илди вачар-чакарли раргиссири Амирбеглис хулбала шалаван ахерси Издагайра. Баршамайла чум-чумра гулухъала уркиби деркунси, исбагъи тугила халаси анхъла вег Сапарбегла рурси. Ил къарширикибси бархи Амирбеглис даг ишбархиван гъанбиркур.

Итхели бара вецну урегра дус виубси Амирбег нешли дуклума бицахъес Баршамайла базарличи вархъибсири. Иличил барх гулби, хякни, парчни, чупри, къачалайти, ризкъила духби дицес базарличи баклибтира лебри.

Абхили хунжира, дуклума тупла ца дубра гъаббакахъили, Амирбег базарла ца шайчи кайиб. Илав ил вахъхи калун вачар бетхерули, барх баклибтани гяхицад чула дибгян-хъяш дицибхелира, дуклума асес дигуси дакхулхъули.

Гъандикиб илис нешла гъайра: «Гямрулизиб, дила урши, лебилра адапти

кѐл бутѐаличи бутѐибти саби: гъарбилзутачира гъархѐебилзутачира. Нуша чидил къукъялизирти саррал нуни балуси ахѐен, я дудешли хѐебала. Ца-ца дус, ца халаси напакъара хѐядурбарили, яни беркѐайчи тухъли кавлули дирехѐе, ца-ца дус, дубха нергъра дужули, гаша-дягѐязир кавлула. Хѐуалра гъарбилзуси ветхѐеишира? Вай, цакъли ил секѐал дигахъира!»

Ишбархѐи нешли ил базарличив чеалри, се рикѐишира?

– Хѐу къакъамайкѐуд, урши, я къалабамайкѐуд: ишди баршамайлантин нуни гѐяхѐил балути саби, лябкъян хѐела дукѐуми асестира, – гѐясара убирхъули гъамиубси ца ухъна адамли сабурчеввариб Амирбег.

– Баркалла, дудеш, гѐяхѐси гъайлис, хѐебалас, мурт лябкъутил, гъачамлис хѐела се леба или хъарбиусира атхѐехъиб.

– Базарличиб, урши, селра гъалахили багъес хѐейрар. Вегѐла къисмат камбируси ахѐенну, сабурбара – или, ухъна арякъун.

Базарла бижгурдеш камкабаибхѐели ва вачар бетарнилизибад уршила таманни умут бердибхѐели, ца чехъери дакѐурухъун. Къугъали регѐриубси,

«Ил къалли дукѐуми асес базарличи ракѐибсигъуна ахѐен», – пикриухъун Амирбег.

Чехъери уршила гъалар тѐашригур, гѐяшриубли хунжазибад гъаббакѐибси дукѐумила ца дуб хахамбариб. Илала чѐигѐнигъунти гъярцѐа тѐулбачир кѐел тѐулека лямцѐдухъун: ца мургъила, итил цѐуб арцѐла. Гѐур илини уршиличи дяхѐ ахъдуциб. Агъ, илди дяхѐличир бац буркъла дугила цѐябдешгъунти хѐулби! Амирбеглис къалли илдани хъямварили, чула ухѐна арухибсиван бизур.

– Дукѐуми бирцусив?

– ?

– Дукѐуми хѐела сабив? – урши ахирра чевавргъиб:

– Саби, саби, дила саби! – гъузгъалдиуб Амирбег.

– Сецадлиса?

– Ца декѐ ца гѐяббасилис. Дурхъали ахѐен, рурси, аса, пашманхѐерируд... Хѐед хѐевара декѐара дарахъес рируд.

– Нуни душиила хѐева чекалгъули хѐериишагу? Хала нешлис саби.

– Хала нешлис биаб, декѐардеш агара. Хѐедра балбирки.

– Нушачир рурсба дукѐумила хѐевни дихути ахѐен. Дербент къалала базриганта даруйти дихути сари, - рурсили дугигъунти хѐулби сунела михъирличи гѐяшдуциб: «Хѐеризи иш дила хъанцѐа дарайла хѐеваличи, ил дукѐумила хѐебиъникѐун хѐуни чебиулри...»

– Аргъира, хѐебиалли, хала нешлис аса.

– Исис или, рурси някълизибси чантайлизир халтѐрухъун, иларад гѐяббасуни дурасиб.

Амирбеглира хунжлизибад дукѐуми ва декѐла умцѐла, гъярцѐа мурчѐ, дурасиб.

– Чум декѐ кабердиша?

– Хѐебалас, декѐалис чум декѐ дукѐумила биура?

– Ил секѐал нунира балуси ахѐен.

– Сен хѐебалуси? Хѐу вачрукъя виадли, базуртачи вашули виадли?..

– Базуртачи вашусира, дукѐуми бегѐ гъалаб саби бирцуси.

– Гѐур се вачурти сари хѐела?

– Жура-журала: чѐупри, къям-кѐуцѐул, урца сукураби, умегѐуни, бушкули...

– Гьу, гьанна се бируси? – пикрирухъи, рурсили дурасибти гЯббасуни гЕладяхІ къачІализи дархъиб.

«Гурра дила вачар бетХеур», – сунес сунени тасдикъбариб Амирбегли ва илмадан рурсиличи дугъаизур:

– Гъаригу, рурси, аррукъес къалабамарикІуд: нуни ит нушала мерла хъунул адамлизи хъарбиисну, – илини циила итатГирван нукъун дирцуси гьести гЯмрула хъунул адам чераахъиб.

– Ну аркъули ахІенра, хъарбаа, – бизахъур баршамайлан исбагъилира, алав-гъалав хІеррилзули.

Буресцад замана архІебякъи, Амирбег чарухъун.

– Бурни хІясибли, декІалис шел декІ дукІумила биуси саби, хІевалис - верхІел.

– ХІевалис хІяжатли ахІен.

– Ихтияр хІела саби, рурси.

Чехъери сагали къачІализир халтІрухъун, гурра арц касиб ва, пикри-пикрирухъи, гурра таврализи кадихъиб.

«Иш жагаси рурсилис се дигулил гъамадли аргъес хІейрар. Бирар мез дяркъес базарличи башутира, – пикриухъун Амирбег. – Иш рурсира кІиуркІли сари, се бирусил сунени балули ахІен. Арцра гъачам дурайсули, гъачам кадирхъули сари...»

– Эй, урши, хІу набчил варх вакІес вируду? – Амирбег уркІиули, хапли хъарбаиб рурсили.

– Чина? – хІергъиб илини.

– Нушачи... Хала нешличи...

– Базар бархъбатурли?

– Базар чиналра хІебиркур, чарулхъад...

– Илкъяйда асубирусив, гъари?

– Сен хІебируси?

– Белики, хІела бегІтани ну азбарлизи атІхІецІахъиша?

– БегІти агара хъулиб: дудеш тІутІила анхълизив сай, неш унрубачи шадир аррякъунси сари. Хъулир лерси хала неш сари, ил селра хІерикІар.

– ХІебалас, се бирусилра...

– Ваши, ваши, гЯхІял урши, хІела вачар барили дигули виадли, хала неш рагъес агарси сари: нуни дукІуми асилихъар, белики, къабулхІерикес? Сунени чебаалли, дила бекІ хІейзур.

Амирбегли дурасибси чІянкІила бергараг хунжази кабихъиб, ахъдуцили хунжира хъуцІарличи чекахъиб.

– Гъарахъли хІебиэсгу?

– АхІен гъари, ит музаличбси кІидерхІла юрт саби, – рурсили илабяхІ някъ гъабатур.

Халаси ва умуси, хІеркІла къаркъубани царугли кабуцибси азбарла ца гЯмзилаб бягІуси тах лебри. Иличир, гЯнайчи къакъбяхъили кариили, таза-тазаси, цІудара палтарчерси рухъна хъунул адам лерри. Илала дягІути хІунтІена дяхІличир диштІати цІудара мачнигъунти хІулби, мурткІал къяпІхІедирутиван, дархъли вякъдизурлири. Рухънала гъалабси къумурличир рангла шинни бицІибси цІуба пигъалара, дубсила хъабара, урца кичІализир чакуртира лерри. Ца бараван азбарлизи абацІибгачи хІерра ризурли, ил пигъайзирти рангла шинниччи чуйнарил гъар-гІергъили хупІрикун. Амирбегла саламлис,

аргъиб риалра, хІергъиб риалра, илини саламра чархІебариб, гІядатлисван бекІли ишарат бариб.

– Хала неш, нуни хІечи дукІумила вегІ базриган килра. ХІу се рикІуда?
– хъарбаиб рурсили.

– Се рикІусира? АбдалбегІ барилри! Чехъери рурсбани гІулухъаби сунела хъули бикуси гІядат чинаб аргъибси? – черухъун хала неш рурсиличи.

– Паргъатрии, хала неш, иш нушачив вахъІи кахІевлан.

Рухъна пурхуррухъун, къяшмачивад бекІличи бикайчи базриган урши хІервариб.

– Иш рягІят къамлагъуна ахІен. ХІу чинавад вакІибсири, гІяхІял урши?

– ЦІуриша махъилизивад, - жаваб чарбариб Амирбегли.

– ЦІуриша махъи? Аргъибси ахІен...

– Ил биштІаси махъи саби, зизи, Гъзагагала талхъандешлизи кабурхуси.

– Или викІен гъатІи! Гъзагагала ши балуси саби. РиштІахІели нешли рукибсири, къял асес дякъунтири... Гъу, Издагай, селичи аърхъилри? ГІяхІял урши кайахъес ута кабуха!

Рурсили дуцІли рякъи хъулибад ута кабухиб, хала нешла тахла мякъла кабихъиб.

– Кайи, гІяхІял урши.

– Илала ура лебси бургар? – гІурра разиагарсиван Издагайличи хала неш хІерризур.

– Нуни чинад балуси илала у, хала неш?

– ХъархІебаирив?

– ХІебаира.

– Ил бархъси ахІен: вачар барес гъалав илала вегІ чи саял вагъес гІягІни-биркур.

– Хала неш, се декІардеша?

– МарикІуд, рурси, илгъуна гІядат бузахъули бири хала бегІтани. Дигалли, сен илкъяйда бирусирил, хабар бурис?

– Хала неш, гІяхІял уршила хабуртаци лехІахъес замана агара.

– Агара биалли, хабар хІебурис... Гъу, вачрукъя, хІед чи бикІара?

– Амирбег, – иб къантІли уршили, уталичи кайрули ва хъуцІарличирад черасибти хунжи чІябарличи кадирхъули.

– Дила рурси, Амирбеглисра чяйла пигъала кабуха! – хъарбариб хала нешли. – ГІяхІял вегІличи хъураиубхІели, гъала-гъала къацІ-шин кадирхъути сари, гІур - хабар-вягІда, вачар-чакар.

Издагай дубхІехъили хала нешла хъарбаркъ таманбарес аррякъун. Амирбег пикриухъун: «Ну къалли хІушала дуку-дужутачи мяштІли ахІенра. Дила къуллукъ барадаллири, гІяхІсири... Издагай. Илгъуна жагаси у нушала икІаб лебси ахІен. Иличи хІябалра балбикисира саби. Багъес дигули вебкІилихъар, сунези хъарбаэс хІейраси. Издагайла хала неш чераэс къяркъсигъуна риалра, малхІямси ва сахаватси руили сари. Нуни гъалар чехІедаибти рангла шин чяйра кадухахъес маслигІятбариб. Бахъ камли къаршибиркургу сахаватти давлачебти?...»

Издагайли гІяхІял уршила гъала къумур кабихъиб: илар чайла дурарад, букІуси бехІцІари, нусила чумал кесек, чакуртала кичІа, арцла къулса лерри.

– Бисмилла бара, гІяхІял урши, гІур гъайкадулхъехІену, – иб хала нешли. Издагайра тахличи хала нешла мякъла карииб.

Амирбегли уруз-хІяцІли ца камси бехІцІари касиб, рангла шин викІути чяйра хупІдариб. Юх, илди кьалли бизити ахІенри. Ванати, кьарли тІем-дикІути шин бизити дирару? Илала баркьуди чебаили, хала неш пишряхъиб.

– Амирбегли гьар-ур чяй держибти хІедургар?

– Нушачир лерти ахІен.

– ХІуни пигъайзи чакурти кадуша, чяй бизидирар. Муридеш дигахъиду?

– Нушала мирхъила варъа леб. Варъа бизиси бирар, нешли варъаличил аврушара биру.

– Авруша викІуду? Нушала бакъукъ бикІар.

– Авруша бизиси бирар...

– ГІур лявкъухІели, гІяхІял урши, хІуни наб ца камси авруша кабуха. Вай, цІакъли дигахъис дубурлантава авруша, – иб рухънани.

Амирбегли селра жаваб хІебуриб, сенахІенну, чили балуси, мурт ил гІур Баршамайла базарличи лявкъянал, илала дурабадра, нешли аврушара жумягІ-ли гьачам бируси беркала ахІен, дуббуцарла Хала дугилис ва Хала бархІилис бирар хъулиб аврцушала тІем. Вачар-чакарла архІябала дахъал мер-муса дирар. Ил рухънази къяна бурни-декІар лайикъли бирару?

Укес бекІиубси Амирбеглизи рухънани хунжи тахличичи кадихъахъиб, илала вегІлизи хьарра хІебаили, дукІумила кІелра туп дурасиб, тахличичи тІинтІдариб, хІердариб.

«МажахІят ишинира дила вачар барес?» – иш гьакІлисра васвасухъун Амирбег.

– Чум декІ лера кІелра туплизир? – хьарбаиб рухънани.

– Хала неш, хІед гІягІниси декІалис ахІенрив? - суайчил ургарухъун Издагай.

– Наб гІягІниси нуни балас. Ишар чум декІ лера?

– КІелра туплизиб авцІали декІла дукІуми лебси саби.

– Аргъира, урши, лебилра нуни исулра. ДукІумиличи дила цархІилти хІяжатунира лерти сари, илдачила хІебураллира, буэсну...

Вачар илкъяйда бетарниличичи Амирбег сеналра хІерси ахІенри. Ца шайчивад, ил разилира сайри, цархІил шайчивад, рухънала гъайличичи вирхусил, ахІенал васвасра викІулри.

– Издагай, дукІумила ишди кІелра туп дила тавханализи ардуха! – буй-рухъбариб хала нешли.

Рурси чаррухъунхІели, хала неш гІяхІял уршиличи хІерризур:

– Гъу, хІела вачар таманкабиуб.

– Хала неш, Амирбеглис арц дедес хъумартуррив? – дугъаризур Издагай.

– Арцра лугутив? Наб кьалли савгъатлис хибси дукІуми бургар или гъан-бикиб.

– Масхурта маругъуд, хала неш, хІела масхурти нуни сари иргъути, урхІли хІергъесра асубирар, - иб рурсили, гІур Амирбегличичи шурряхъили, имцІабариб: – ХІу урухмакІуд, илини дукІумилис арц луга.

– Ну урухкІули ахІенра.

– Дила арц агара, цархІил вачар баралли ахІенси?

– ЦархІил се вачар саби, хала неш?

– Амирбеглис гьатІира дурхъаси багъа бедес дигулра. БегІла дурхъаси!

– Сегъуна?

– Сегъуна сабил бурис, рахли гІяхІял урши разили виалли?

– Нешли дукЉуми арцлис бицахъес бархъибсири, – гІяш-гІяшли иб Амир-бегли.

– Арц се дирулри хІед? Амирбег, гъари, хІеръа нушала Издагайлочи! Сегъуна сари? ХІед нуни арцлис къадин нушала Издагайл лугас. Разилирив?

Амирбегла гъай детахъиб: илини масхарачиби чебаиб биалра, Издагайла хала нешгъунти мурткІал цачинабалра къаршихІебикиб.

Издагайл дуцІли тахличирси хала нешличи ретухъун, сунела гъярцІа някъба илала хъяб алавбариб.

– Гъуя, хала неш, цІахлигу?! Се саби хІуни буруси?

– ЦІахли сен бируси? Иш дубурлан урши наб гІяхІилзули сай. Чекайзурси, яшав барес къаслизивси, уздантала къамлизивадси. Гъарахъси махъилизивад нушачи вачар барес вакІили сай. Ил хІед, дила Издагайл, гелешмешли виэси-гъуна сай...

Амирбег хІунтІен-цІубиуб, я сегъуналра жаваб чархІебариб.

Издагайл иш гъакІис ахъли дукарряхІиб, гІур азбарлар калес урузриубли, тирхъси гежбаван тІяхІрикІули, ганзухъличирад чедибси дерхІличи арацІиб, хямкдарили унзара, ретахъиб.

Издагайла хала нешли арцра дедили, масхара бурнилис чевверхнира тиладибарили, Амирбег базарличи чарухъунхІели, илала михъирлизиб гъаб-уб хІебиубси тамашала бацІдеш лебсиван бетаур: уркІира, михъирлизибад дурабухъи, бяхІчили чебиуси Издагайхъала юртлизиб убкалунсиван сабри.

Баршамайла шилизибси базар каберхур. Хайдакъла ва муирала шимазибад бакІибти базриганти чула мер-мусаличи тІутІукабиуб. Амирбеглис лебгІеб гІяхІси вачар бетаур биалра, хунжи дукЉумилизирад дацІдухъи кункдиубли диалра, кисализир Издагайла хала нешли дедибти гІяббасуни зингъирдулхъ-ули диалра, махъилизи чарухъес хІейгусиван сайри, сенахІенну Баршамайла шилизиб хабарагарли баргибси дурхъаси секІал батурли аркъусиванри.

Нагагъладан итхІели илини балули виалри, Издагайлочи ламдухъунти уркІила хІяланани сай секъяйда язихъирул, сецад гунзри кайцІахъул... Хайдакълан рурсиличи атІунси уркІили иличир дуклума дакІахъиб, илдани ахъуцили чуйнара Баршамайла миналичи ваахъиб. Чум дуги-хІери деркІиба илини Мажалислизи хІеркабикІуси Хала бяхІлизибси дяргІиб шинна гІинизла мякъла Издагайл ракІайчи хІерли? Чуйна бархъиба илини бегІтира сукникъяна-бира тІутІила унхърала вегІбекІ Сапарбегличи? Ил къабулхІеркули, бархъибти гІяхІли дугІиули, дубургази лайбакІес дила рурсби агара или кайзурли.

КІелра гІяшикъбиубтала пикруми гІердурцуси ца хала неш сарри, сепайда, иличира бегІти лехІхІебизур. ИлхІели Амирбегли цаибси ва бегІ гІергъиси кагъар Издагайла някъбази баахъибсири: «Эгер набчил дарх гІямру деркІес къабулли риадли, гІянручІлис Мажалисла шурмала удив урчира нура хІечи хІерли вирус...»

Илкъяйда Амирбегли хайдакълан исбагъи гъарритІунсири ва чула гІямрула гъуни цабарибсири. Издагайла дудеш вахъІи калунсири мегъличил сигван ургъули, ахирра ахир бахъал бусравбикІутира лебхІели, сунела рурси талихІ-черли риънира аргъибхІели, даршукайубсири...

ТалихІра цацадехІ анцІбукъуназиб чебаэс жагаси, бухІнабад бацІси хивгъ-уна саби. Или хІеблару, Амирбеглара Издагайлара, вецІну шура дус ванаси

берхИра шаласи бацраван хІулкІули хІеркабиубли, виштІаси атхІекІуб виалли? Сегъунти-дигара сабабти дариб, барсдеш хІебиуб. Ца бархІи Амирбегли иб: «Дила ахІерси Издагай! Наб хІечил гІямру деркІес къадарбиъни селрайчиб халаси игъбар саби. Ахиратлизирра нагагъладан Къудратла вегІли нуша декІархІедарили дарх кадатахІелри, биштІати хІебиалра, нушаб ил талихІ баибси саби».

Къисматличил баришкариуб Издагайра.

Пикрумази гІелаикибси Амирбег Халал ГІяличи гъамикІулри, илабад сунела Цуриша махъилизира гІяхІцад гъуни калири: «Иншааллагъ, бажардикишагу берхІили ца чекъайчи хъули ваэс? ЭмхІерухъунира дамсурли сари, уркурличибси дехра декІбиуб. ГІябдулмажидлис зела ца гавлагра чебасили, гъуни даимбирис. Балас, ил ахІмакъ адамли сунечив калахъес, маслигІятбиру. Юх, ну къабулхІеркус. ГІябдулмажидлара цІала манзил саби, хъуми далцули ва делгІули вархили ургар. Издагайра къакъаракІили рургар?..»

Халал ГІялизи айцІуси гъунила дублабси чялилизиб гарасличи баршибси шиниша байрахъ хІисаббиуб. Ил мерличир, тирхъдехъи, эмхІерухъунира тІашдизур. «Давлагаб, иш се гІяламата? Шиниша байрахъ Халал ГІялизи сен катІунси? Илгъуна ихтияр АбулхІянапила ахІи, гІур чила лебси? Чинава ГІябдулмажид? Чинаба гІяяла агълу?» – васвасъайзи ахъибси Амирбегли, мер-мерличирад мицІирагла «мя»-ла ахъти тІамрала бакъили, уркура бархъбатур. Халал къакъализивад викили, гІяяла бекІ ГІябдулмажидла юртличивяхІ ватихъиб.

«Се бетаурси ишаб? Халал гІяяла хъубзури берхІи гІяйбиайчи хъули кабирули хІебирар. ГІябдулмажидли иш вахтличи ца бархала хъу баци бируси саби. Чинаба адамти?»

– Амирбегла къалабаси ганз касличи шурбухъун. Юх, илис вахъхІи дудцІикІес ва ГІябдулмажидла юртличи ваэс бетхІеур. Къакъала къячІикІличиб илис лагбизурси кахси суратли ил левси мерличи чекавциб. Илар, цаличи ца лайкадакІили, кабушибтала верхІел жаназа лерри. Маркала шинничил дархдикили, мякълар хІила кІуври детаурлири.

Амирбег левси мерличи гугииб, гІур илини цалра ганз гъалабяхІ кацІес хІейуб: жаназунала уркІи гъудурдулхъахъуси гягІли гІяяла къакъа гъигъбикІусиван сабри, илав гІур мицІирси адам кали хІейъни ашкарси анцІбукъ сабри.

«Ишцад зулму, марли, АбулхІянапини барибсив? – суалти садемцІурлири Амирбегла бамкъурси гІякълулизир. – Се сабабли? Се багъандан? Бусурман дин багъандан? ГІябдулмажидлира, илала тухумлира, хІятта гъанна итил дунъяличибси цахІнаб жинслира бусурман дин къабулбарибсири бикІаргу? Илди дазала-дехІибала дирути адамти сабри. Юх, илкъяйда биэс хІебирар! Нуни аргъни хІясибли, АбулхІянапини танбихІлабирути капурти сабри, гъанхІебиркур илдачира ишгъуна зулму бяхІчаиали. Я ЧевяхІси Аллагъли дин багъанданра адамтачи ишгъуна жазаъ бурхъуси ахІен. ТанбихІлабарести ахиратлизиб танбихІлабиру. Халал ГІяяличи бакІибси балагъ цархІилти махъурбазира баилира? Белики, дила ЦІуришара? Дила Издагайличира?.. Тавба, Аллагъ, хІуни уркІецІибара хІела лугърачи... Ишди балагъла мер-мусаличив гІур калес дила ахъри агара, гъарахъикес гІягІнили саби. Яра нура иш мусибатли гІякълулизивад улхъахъара...»

Амирбег дуцли сунечи хлerti эмхIерухъуначи ваиб ва, гъардуцили илдира, лагвахI ватихъес пикрибариб. Юх, клел ганзра кацIес бажардихIейкиб. Илис гурра тIашизес чебуркъиб. Ил тIашизахъуртира хабарагарли чедихесдяхIибти виштIасила цIиркIти бисали сайрри. Илди сай ваъхIеили гIелавяхI чарухъунси ГIябдулмажидла юртлизирад иргъулри.

«МицIир жан. МицIирси ахIи висес хIейрар. ГIябдулмажидла никIа урши ХIямзатра левси сай. Илала биса сари илди. Лебил гIяялизив мицIирли калунси ил виштIаси сай. Сецад уркIилис кахли биалра, ил вархъатурли, нуни гъуни даимбарес хIейрус...» – Амирбегли хIябсурла хъябцIарили мухIли кIапIбариб, ГIябдулмажидла юртличивяхI дуцIухъун.

Тавханализиб чебаибси анцIбукъли кIинайсра ил хIякизахъур: чIябарличир мурул-хъуна бяхIяхъдарибти жаназуни, гарда байбяхъибси сирилав хIилизив ахъли чIярикIуси виштIаси. Пикрумас замана аги: Амирбегли къалабали сирила хIябни арзиб, виштIаси някъбачи ахъуциб. Ил алгъай ляжиличивад каниличи бикайчи гъяраилри, бухъянси дяхъи хIили саруркIулри. Амирбегли сирила мякъла кабикибси дарайла чекайхъан хапбариб, виштIаси ХIямзат илизи вергур, дуклауцили илра, лямцIван тавханализивад гъаргала дурайкиб. Гъалли ганзухъличи ваили, илис сеннира тIашизес чебуркъиб: илаб магъила араначилси мутIрус чебаиб. Ил мутIрус чехIебаибси ва хIебалуси ишав ургхIерги...

Сайдуханна мутIрус!

Амирбегли биса къайдикибси виштIаси хIервариб: юх, ил вебкIили ахIенри, хIулби чекадихъилри, вамсайчи висули, цIакъани кадерхурлири.

«ХIера, чи уилил Халал ГIяя адамтала къасапханаличи шурбатурси?! АбулхIянапини илдигъунти хIиллурти дурадуркIути ахIен!» – Амирбегли ганзухъличибси мутIрусличи акъуси някъ гъабатур.

Камси гъатIи ил, дуклауцили ХIямзатра, уркурличив сайри ва, балагъ бяхIягибси Халал ГIяяра гIелаб батурли, Цуриша махъилизи бихуси гъунчиври...

* * *

Урчиличивад кацIибмад, Сайдухан къалабали юртла гъаргала чевяхIяхъиб, гIур, ласяхъили, сунес гIелавад къяшли къяш бирхъули ганзухъличивад чевяхIихъуси къуллукъчизи вявбяхъиб:

– Чинава Герейхан?

– Дила хужаим, хIела бекI нукер урчи илхъилизи бархъес арякъун!

– Хъярхъли живара гIелавяхI! Урчира барх каб!

– БусягIят, дила хужаим!

Някъбира гIеладуцили, сунечи сегъуна-сабил урехи хIерли сабхIеливан хъули ахIейцIули, Сайдухан жаняхIлавад къунзухъун. Дудешла амру хъара-ахъурлихъар, ил бяхъибси бецIван гIясилири ва паргъатагарлири: илкъяйда хIебирару, магъила арла бегI мутIрусла къяртIала бацIли баргалли Илгъуна гъанагардеш бетарни чис хабарри? ИлискIун гъанбиркусири, гъар секIал вавсасъала ахIекIесли гъунчидушибти сари или. «Нагагъ мутIрус Халал ГIяялизиб кали биалли? ИлхIелира ГIябдулмажидла хъулиб? Рахли ил чини-биалра баргалли? Абдалдеш! ХIехардеш! АбулхIянапила ишарат шиниша байрахъ

Гяялизиб уббатнила се мягІна бетаруси? Адамти мехІурти ахІен. Гьар секІал иргъу, гьар секІал някъличирти тІулбиван гІячихъдирар. Бетаурси анцІбукъ Хайдакъла уцумичи-декІар хІебаили кавлану?...» - дурубван къиздикІути суалти илала гІякълулизир садемцІурлири.

Сунес сай пикрумазив суктуикІуси Сайдуханничи урчила гудуръала чехиб. Гьабяхъибси урчиличив Герейхан азбарлизи дурайкиб. Урчиличивад кункли тІяхІухъи, бекІ нукер сунечи хІерли жаняхІлав къунзикІуси вегІбекІличи хъярхъикиб.

– Живарирав, хІурматла Сайдухан? – икрамличил ил вегІбекІла гьалав тІашизур.

– Чебиулрив се бетаурлил хІела авараагاردеш багъандан?! - чевхъун иличи хъа вгІ.

– Авараагاردеш? Чевверхи, дила хан, иргъули ахІенра? ХІела мурад бетерхурли ахІену?

– Мурад, мурадуни... ХІуниван тамандирути диалли илди? ХІед хъярхъли Халал ГІяялизи чарухъес гІягІнибиркур!

– Халал ГІяялизи? Селичи?

– Дила мутІрус илаб кали саби. Асубирар, ит хІуни кІантІидеш дарили, ну кІинайс ГІябдулмажидла хъули чарухъунхІели. Иргъулрив?

– Иргъула, дила хан.

– Иргъули ахІенри! Ил урхІла някъбази бикалли, се бетарарал балулрив?

– ГІяхІси ахІен, дила хан, гІяхІси ахІен.

– ГІяхІси хІебиалли, дуцІбара хІела айгъир ГІяялизибяхІ. Баргили ха дила мутІрус!

Герейхан пикриухъун, гІур иб:

– Халал ГІяялизи гъанна лерил махъурбала адамти музабухъи бургар – жаназуни хІяридирхъули... Ила сен-сен аркъуси?

– Сен-дигара! ХІед хъарбаркъ таманбарес гІягІнибиркур, эгер талхъа нукерли калес дигули виадли.

– ?

– Лебил махъиканти музабухъи биалли, нуша ца шайчир дуутирав? Илгъуна баркъудилира нушачи ташмишгъала имцІадиру.

– ХІу вархъли викІулри, дила хан, ну хІядурлира.

– Хъярхъли барга дила мутІрус! Вассалам-вакалам!

Азбарлизивад нукер вегъубмад, Сайдуханни дудешличи укъес пикрибариб: балулри ил сунечи хІерли виънира.

Гъазагала талхъан Чамсудин, урши чеибмад, тахличивад харчизур, изути къяшмачи хІерхІеили, унзала гьалав бекІра гІяшбуцили дадкайзурси Сайдуханничи гъамиуб, кІелра някъли ил кІапІуциб.

– Баркалла, дила урши, хІуни талхъа амру хъараахъурри, гьарли-марси гъабза виъни марбарири.

– Дудеш, чевверхи, ил хабар хІечи жявли баахъес секъяйда бажардибикилил?

– Талхъайчи, дила урши, гІяргІя бемгнила хабарра хІебаили кахІевлан. Ваши, кайи дила мякъла. Баркабанти! Ва, Заза! Биха иша эрмунтала чягъирла хъаба! – вявбяхъиб талхъай, унзаличи хІерилзули.

Дудешра уршира тахличи кабиибмад, чягъирла хъаба, кел умегI ва ма-
зала нуси лерси кьумурличил къараваш рурси рухIнарухъун. Илдала гъала
кьумурра кабихъили, геламгъарли унзаличи раиб. БекIра гIяшбуцили сагаси
хъарбаркъличи хIерли, тIашризур.

– Заза, хIед дурарухъес асубирар, – иб талхъай, къаравашлис някъ гъакI-
бирули.

Чамсудинни келра умегI чягъирли дицIиб, ца уршилис гъабуциб.

– Чевверхи, Къудратла вегI, урла бунагъуначи ишбархIи ца гъатIи имцIа-
барес чевкъулину.

– Дудеш, чягъирла ца умегIла хIед халаси бунагъ хIебиур... ХIи думжахъу,
чарх ванабирахъу.

– Набра илкъяйда гъанбиркули саби. Дерхъаб, дила багъадур!

– Дерхъаб!

– Халал ГIяяла уздан ГIябдулмажидла бунагъ-хатIара урдуцаб.

– Наб къалли, дудеш, илкъяйда буресра дигули ахIенра: вахъ варскъа
сайрину...

– БекIибтачила вайси хIебурни гIяхIси саби. Бунагъунира ихъес чебир-
кур.

– Дудеш, нушани кърбарибти минала душманти саби. Илди багъандан
нушаб гIязабти хIедирар.

– ГIязабти къалли дехIибайчиб анда белкунтасра лерти сари... Се биру,
цацахIели гужхIебарили гIямалбирули ахIен.

– ГIяйиб чучиб сабри, дудеш. Гъанна хIу илдачила пикрихIейкIадри
гIяхIсири.

– Илра саби, пикрихIейкIес вируси виалри...

– Паргъатии, дудеш, белики, ца гъатIи чягъирла бержадли?


– ХIейги... Гъу, ил гIяялизир хIела къел-хIерзи уркахIелун дизс?

– КахIелун, дудеш, кахIелун, – жаваб чарбарес хъархъикиб.

(Хъарахъуд бирар)



Хадижат ХІЯБИБОВА



ДИГАЙ – ГІЯЖАИБСИ ЦІАКЪ САБИ

(Хъарахъуд)

– Нуша хІечи, дурхІяличиван, бурсидиублира. ХІу нушачивад арукъядли, нушаб гІядабли бирар.

– Ну хІушани барибсилзивад урузкІулла. Дила неш-дудешлира хІушаницад къуллукъбарес хІебири. ХІушала дурхІнас барибси набра бирулрая. Палтар далли асирая. Ванати хъулрази дурхІначил варх калхъахъулрая. Ну хІушазивад урузли сайра, имцІаси адам хІушаб сеирусив или, хІушачивад арукъес дигусири, – тѣп дахъал чедаибси халаси мурулван гъайикІескайиб ГІяхІмад.

– УрузкІес гІягІнили ахІен. Нуша адамти сарра. Адам сегъунти-дигара анцІбукъунази виркур. Къайып-ази вархъли викІули сай. ХІед гІурра къияндухъи хІейгули сай илис. Ил багъандан хІу арукъес вализурли виадли, бархъси ахІен хІуни бируси. Нушаб хІуни гибси хІекъ гІягІнили ахІен. Нушани барибси хІед хІялалбаиб. Укъес дигадли, укъен, хІейгадли уэн. Уадли нушала дурхІначил варх, нушала дурхІяван хІериури.

ГІяхІмад разивиуб. УркІиличибси адамла гІянд арзес вируси сай малхІямси, сунела мерличи балбикибси девли, хІерли, шикъли. ГІямрули виштІали сайли хъалли, ГІяхІмад чедикибтани халаваахъилри. КІел дусли илини бахъал декІар-декІар тІабигІятунала адамти чебаиб. ЦабехІта децІигахъулри, цабехІта бекІли къабулхІейрулри, цабехІта виргІякаргулри. БархІахъайчи узахъули, къацІла бутІалра хІегили, дугІкайутира камли ахІенри. Къайыпбегхъалани барибсилчи ил тамашанублири. Се барили илдас ламус чарбарес вирусил пикриикІулли. Ахирра биштІаси уркІиличи бакІиб, узес арякъи, бикибси хІекъ илдас бедес. Илала бекІлизиб цархІил пикри аги. Сунела хІекъ илдас гІягІнилил ахІенал, хъаралра баили ахІенри. Гъанна гъар секІал аргъибхІели, сунела пикрилизивад урузра виуб. Дубурла яхІ-ламусличилси дурхІя илдала хъулив гъатІира бяркъличичи икиб. Диркъала мерличив къяйцІикІухІели, лебилра гъайбикІути турк мез гъала-гъала хІергъули калун, гІур иргъаниуб. Къайыпхъала хъулив илди мезли гІягІил гъайикІаниуб. ГІяхІмад илкъяйда Къайыпхъайчив калун. Илдала дурхІнани бируси илинира бирулри. Ил неш-дудешла хІерличил, дигиличил алавуцили хІериулли. Ишдус верхІгъесил дус

илдачив сайри. Гъанна илдачивад арукъесра къиянни сабри. Сецад къиянни сабри хъалли, арукъес гЯгИнилри. Балулри, сай багъандан илди гъайлизи биркни. Къайыпхъайсра къияннири илизибад декIарбикес. Амма къалабали ил чина-биалра арукъес гЯгИнилири. Ил секIал ГЯгИмадлира иргъулри. Леб-талалра някъби дуцили, хIейгу-хIейгули декIарикиб.

– ГЯгИли арукъен. Гъар-се секIал хIед дигуси тяхIярли детааб, – или Ата иличи хъябруцикиб.

Патух рисира ралли рииб: – Гъанна хIевъули гIергъи, нушачи гъаввикIен. Вари, нуша хъуммартаба или, ватаиб.

ГЯгИмадли Гюльперичилра гъайухъес замана баргиб.

– Дила гъар-се секIал гъардизалли, ну хIечи чарулхъас. Набчи хIерли руэн. Эгер кIел дусли чархIевхъасли, хIед дигуси бара. Някъра буцили, гЯгИли кален или, дахъал гъай хIедарили, декIарикиб. Илис дигули ахIенри Гюльпери урхIла мухIлилизи рикили. Се-дигара бетаэс асубирар. Гъуйчи, шятIра бяхъили, дуравхъун. ШятIли пикруми гъарахъдирутиван сарри. ШятI тIашаалри, пикрумала варачан рабчбухъи, гIяндуршусиван, къакъаикIахъулри. Арякъун илдачивад ГЯгИмад.

ГЯгИдуллатИплис дебали дигулри учIес керхес. Дудешлизи иличила гъай дехIдихъиб, амма дудешли къабулагри багъахъур.

– Селис гЯгИнили хIед капуртала гIилму делчИи?

– Набчил барх бучIути бахъалгъунти бучIес арбякъун. Хаинутин валли курслизи керхур. Нура чумал дурхIяра сарра калунти.

– Ягъари, гъанна белчIудиличила ахIен къалли хабурти. Къуръа мактаб белчIахъунрагу хIези. Се икIара абавузи Мирзакъади? ХIуничиб гЯгИил къуръан балуси агара. ХIевчIахъулрив, гъатИи, хIу нуни?

– Наб урус мез дяркъес дигулра, – чеввиркули ахIенри ГЯгИдуллатИп.

– Дигули виадли, вашен. ЦархIилтани бируси бара, – разиикиб дудеш.

– Наб гъарахъли учIес укъес дигулра.

ГЯгИдуллатИпли белчIудиличи пикри бяхIчихIейуси дудешлизи чебета-ахъили аргъахъиб.

– Чина гъарахъли? ХIу гъарзамана дила мякълав вирус дурхIя, гъанна чина вархъиусирив? КIел бархIи хъарахълизив тIашизадра, уркIи пIякъбиркусиван бирар. Гъанна чина саял учIахъес вархъес гЯгИнили сайри. ХIу мякълав агарли ну уэс хIейрус.

– Дудеш, ну виштIали ахIенра. Халакаилра. ХIу набзивад сен урухIулри? Ну чина-дигара укъес вирус. Мадарли урус мезра далулра.

– Халакаъни нунира балулра. Ишдус Зумурутла мекъ бирар, гIур дус-хIела. Рура хIед гЯгИризурси рурси, – уршила гъай цархIил тяхIярли аргъиб дудешли.

– БелчIуди касили хъайчикайэс къулайли бирар, дудеш. Каримра аркъули сай учIес. Иличил варх нура аркъяс.

Дудешлис уршила гъайла аргъес дигули ахIенри. ЦархIил секIайчила мурхъли пикриухъахъес ца пикрили валтули ахIенри. ГЯгИдуллатИплисра илизи гъар секIал аргъахъес къияннири. Илала дагърилизиб белчIуди касес ибси пикри мурхъли минабиублири. Сайцун ахIенри ил аркъуси. Мариятра рарх рукес дигулри. Марият сунес гЯгИрилзули хъалли, иличила чизилра селра или ахIенри. Ил гъарзамана сунела хIулбала гъала риркули риъниличи цацахIели гIясира ирулри, рахъ гЯгИли гъариллизи чериахъули, сунечила къайгъилизи

риркули или. Ил мякълар хІериалри, чераэс дигулри. ИлГевли сайра калзулри. Чучил барх бучІути шакбикІулри. Амма шакбикІеси илдала ургаб селра аги, цали ца гІеббурцни ахІи. Марият ГІябдуллатІипличир кІел дус риштІаси сарри. Илдала кІилалра цаличи цала цаибти гыгъани чегилри. Илди цализи ца гъудурдиубли, чеди арцурлири. БусягІят гъаваличир сарри. Илди кІилалра уркІазир цадиубли кагес гІягІнили сарри. ИлхІели сари дигай алкІути.

Заманала уюнтачи ГІябдуллатІипли пикрира бяхІчиули ахІенри. Илдала шилизирад чумал хозяйство гъарахъли дархъаилри «лишунай» барили. БегІгъалаб Закирхъали гъабяхъилри. Илдала хъулри хІукуматли дуциб ва илаб, школа барайчи, дурхІни бучІахъулри.

Чумал гъабяхъибтала хъулри конторабидарили, декІар-декІарти умачил къуллукъчиби бузулри. Къуллукъла хІянчурбазиб бузес цархІилти мераначибад башутира лебри. Чула шали буцили гъайикІес балуси хІяким ветарулри. ХІякимдешлизи бусягІят бухІнабухъун имцІали гумайла агълу. Лебтачибра илди духули буили саби. Къайыплис гІеббиули бузути Такахъалира, керасили секІалра, чина сабил гъабяхъиб. Илдала хъали биалли мактаблис бедиб. БиштІатира халатира цахІнабли ил мактаблизиб бучІахъулри. Илис «ликбез» бикІулри.

Халкъ дуги-хІери цадарили хІянчилизиахъилри. ЦабехІли мура удулри, цабехІли дерубтигъунтала къалабали гІебни дирулри. Заманаличир мура дердес бажардихІебикиб, сенкІун илди заманаличир дехІдихъили ахІенри. Мура удес бехІбихъибмад, чяхІ-забра дехІдихъиб. ХІери баайчи, ухули берхІи биалри, хІери гІергъи, чинабад сабрил гъагул дакІубиубли, марка кІантІдикІескадири. Чедирти мура заядиубли, удирад сагадан дакІили къар ахъдикІулри. Бердиси мура бергІахъес пурсат аги. Чумал гІеба гуж-гужли детаахъур, илдалара бухІнала берули ахІенри. Селра я барес хІебалути я балутачи лехІахъес хІебирути хІякимти хІяйвантас дугени хІядурдарес бекІхІебиуб. Илкъяйда бетаур аршилисра. Арши иршуси замана мура удес бехІбихъни илдала халаси хатІа сабри. Аршила гІяхІси доход лебри. Дебали гІяхІли декІардухъири Кайыпбегла, Закирхъала, Такахъала хъуми.

Сепайда, анкІила хъуми аркдилхъули, иршес хІейэси даражаличи бикибхІели, бехІбихъиб арши иршес. Къайыпли чуйнара ибсири: – Мура къандарияра, аршира къандирули сари. Арши иршути миршби, адамти, уркири хІядурдарес гІягІнили сари. Жявли дяхІи баралли, халкъ гаша бубкІар.

Чумал журала машинаби лерри МТС-лизир. Илди бара-бара дузахъес бирутира лебри, биалра, аршира къандариб. Ца заманализир ризкъира учидарили, дугби дарили, умударили, илди складунази гечдарес гІягІнилири. Къайыпбегла лебилра хъалибарг бузулри. ЦацабехІти, гъалабра

хІянчи бирутала гІердирули, бузес хІейгути, хІянчила замана зягІиптала гІердирули, яра ца се-биалра багъана бургули, хІянчиличи дурабулхъули ахІенри.

«Арши мурала замана ребкІахъаба, жан, Аллагъ. ТІутІи дикъур замана акІахъаба, жан, Аллагъ». Ил далай бучІули кали саби.

Бригадирти вявбикІули гъар адамла хъулрази башулри. ХІянчиличи дураэс дебали къияннири. Къайыпхъала хъалибарг саби гІяхІулали дурабулхъулри. ВиштІасилис раибкъи, Гулжанатра хІянчиличи рашулри. Атара, ХІяжира, хъунрира хъарахълизиб сабри.

Зумурутра ГІябдуллатІипра аршила башулри. Зумурутли иршулри, ГІяб-

дуллатИпли бугИми дирулри. РиштГали хьалли, Султанатра кумеклис рашулри. Аршила бухнаби балли дурабухъун. Чумал бархИи Патухра рякъун. Арши тамандариб. Арши дайхъалара бекІбарес хІебиуб. Дугби даресра лебилра алавбакИиб. – Ца шукур, – бикІулри бухнаби, – маркалра гІашбизни. Арши диршибти хъумачи цІадикъурли, балча игулри, заралла духълумала, занзбала гье дигубли анкІиличил дарх хІедакІахъес. Ца гьакІли хъуми далцесра бехІ-бихъиб. Ца трактор яргали гьар шилизи башулри. БегІ гъалаб Мажалисла хъуми далцес бехІбихъиб. АнкІили дицІибти гавлугуни уркрачи чедирхъулри. Зумурут, бицІибси къап къакъличи кабихъили, къалабали ахъриуб ва карикиб. Ахъриэс къасбариб, хІериуб. Уртахъ рурсби гъамбиубли, карихъахъун.

– Ну рубкІулра, – иб Зумурутли гІяшли, – ГІябдуллатИп.

ГІябдуллатИп, бугИми гечдирули гъарахъливан левалри. Къалабали жи-вариб.

– Хъули рукаба, ГІябдуллатИп, – иб багълали Зумурутли. Ил гьигърикІес хІерирусиван сарри. БусяГят уркура кабукиб. Хъунра чула палтар уркурличичи кадихъиб. Зумурут чераили, ГІябдуллатИпла дяхІла ранг цІубдиуб.

– Се бетаура, Зумурут, хІед? – рузичи гІяшиуб.

– Ну рубкІулра, – иб гІурра Зумурутли.

– Сен рубкІусири? Се бетаура хІед? Се бетаура ишис? – ГІябдуллатИпли нургъба дицІибти хІулбачил алавчартази хъарбаиб.

– Нушанира балуси агара. Харал ахъбуцес зузрухъун, гІур карикиб.

Багълали аруцили, уркурличичи карихъиб. Шила арадешханализи рархъли аррукиб. Тухтурли ил гьар шайчирад ахтардирариб ва иб:

– Дербентлизи операция барахъес раахъес къалабадикирая.

Патух уркІрухънили гъай детахъибсиван сарри.

– Гъуя, дила ахІерси! Гъуя, дила гІязизси! Се бетаура хІед? – рисули мякъла гъамриуб. Някъба хахамрариб. Рурсила хамха биргІулри.

– Чиналра макидая, – иб Мирзакъадини.

БегІтара рурси Дербентлизи рукес къабулхІебариб. Хъули аррукиб.

Дугели Зумурут таманкариуб. КІел жумягІли Зумурутла мекъ бирусире. Илала гъалмагъ ХІусенна гІелабтира мяхІтарли калун. ХІусенра хъа мякъла кайзурли висулри. Лебилра халкъ, дархъдатурли хІянчира, Къайыпхъала хъ-улрачибяхІ дуцІлири. Хабарагарси бекІали лебилра уркІбухъахъун. Халаси децІиличил жагъил рурси хІябларариб. АвцІали бархИи дикайчи илдачи башути камхІебиуб. ДурхІялис раибси Гулжанатра гьар бархИи, сецад къиянни биалра, нешличи рашулри. Зумурут ребкІила кІел баз дикили, Гулжанатли риштГаси Зумурут раркъиб.

Цаси бузери-декІар кункли бетурхули ахІенри. Илдала хІянчиличи Къайып-ла гьимидулхъулри. Сай хІяйвантачи хІеруди бузахъан сайри. Завфермали Хаинутин катур. Иллини чумал базла курсани делчІири. Хаинутин катурхІели, Къайып дебали разивиуб. Сунела дурхІначил варх, сунени айкъурси Хаинутинничил узес гъамадли бирниличичи илала сегъуналра ташмишдеш аги. Хаинутинни биалли бегІ гъалаб-гъалабал сай халаси хІяким, Къайыпбег биалли сунела лагъ виъни аргъахъес дигули ахъиб. Къайыпбегличив ил уркІи-уркІилавад дукаркІулри. Гъала-гъала Къайыпбеглис илала шикъ хІергъули дирутиван дизур. Шакикиб балу-балули дирниличичи. Халкълизиб бурули бирар: «Кабикисичи чІакачи къяна къуббикІуси саби» или. Хаинутинра ил-къяйда сайри. Балулри Къайыпхъали гъанна чилилра гІебхІебурцини. Къисмат

илис къакъгъабли кабизурли сабри. Къайыплис къацІла бутІалис ляхъикІули вируси Хаинутин, илис буйрухъикІар или, чис гъанбиркив? Хаинутинна уюнта Къайып таманни дагърилизивад улхъахъулри. Хаинутин завфермали сайлихъалли, ца секІал адамливан барес балули ахІенри. Илала дурабадра, гІяхІил бетарар или бара ибсира барес дигули ахІенри. Къайыпли ибси ургІебли ахІи бирули ахІенри. Къайыпли биалли, тѧп сунесван уркІи изули, хІянчи бирулри. БархІехъ хІенкъ чарбухъунхІели, хІяйван-къача хІердариб. Хаинутиннизи бемгес баибси ца къял чебаахъиб.

– Иш къял я ишдуги я жягІял бумгар. Иличи хІеруди барес гІягІнили саби, дурхІнук хІебергахъес, бергалли, хІяйва ниъ камдирар.

– Се мехІур гъай сари хІела? ДурхІнук бугав хІяйвай? – жалухъун хІяйван-къача бекІлил хІедалуси Хаинутин.

– ХІуни гъаннара бемгурси хІяйвай сунела дурхІнук бугнира хІебагъуррив? – гІясивиуб Къайып.

– ХІечил жаликІес замана агара дила. Илди мехІурти дурес тІалабварирав иша ну? – дебали духусиладариб Хаинутинни.

– Нуни дурути мехІурти сарив, хІяжар? ХІуни селра балуси агара, ил багъандан ну мехІур ветарулра, – гъатІира гІясивиуб Къайып. – МехІурти саби хІу ил хІянчиличи катурти. ХІуни се барес вирар или катурсири?

Хаинутиннис дебали гІяхІбизур «мехІурти саби хІу ил хІянчиличи катуртира» ибси. Къайыпличи гъирбарестира бикиб. Ил тамай хІила вержес пикрибариб. Хаинутинничи сецад гІясивиубли хъалли, Къайыпли къял, цархІилтазибад декІарбарили, батур. Къял дугели хІебемгур. ХІерели хІенкълизи бархъиб.

– Бати къял. ИшбархІила гІергъи хІебиркур. Ил цархІилтас гІергъи башес хІебирар. Бемгалли, хІенкъуласра къяянбулхъан, – Къайыпли гъандуцес хІейуб.

Се гІяхІдеша? Къял дуки букахъес хІенкълизи дураиб. Илала дурабад Хаинутинни гІурра децІагести гъай дуриб.

– ХІуни балуси биалри, ил дугели бемгурсири. ХІу илцад духуси виадри, ишав дила мерличив виради. Яра, наб буйрухъикІусила гІердарили, дила мерличи катахъес дигули ургуд. ХІу набчи лехІихъахъес ишав ватурсири. ХІу биалли наб буйрухъикІулри. Наб гІягІнити нуни далас, хІуни хІедурадра.

Къайып илала мухІли баткаъниличи тамашаиуб. Хаинутинни илдицад гъай далниличи гъеч вирхІери, эгер чили-биалра дуралри. Сабурбарес хІейуб:

– Се гъай сари хІуни дурути? Мерра буаб хІела, хІура. Нуни балуси агарав, пинцІукъ?!

Илди цаличи ца чІяпІбухъун. ХІенкъула ургавакІили, къалмакъар мурхъхІедикахъиб. Хаинутинни балулри Къайыпбегли сай тІентІван вялчІни, амма гъарли-марли иличил вяхІес вализур. Къайыпли балули ахІенри сунела къацІла бутІаличи дуцІикІуси гашукъла сунечи илцад гъими чинад бирусил. ЧІянкІли гъанна таманни вирхаур чус дирути вайдешуни Хаинутинни балули дирниличи. Ил къурумсакъла авара дагъурхІели, Къайып тамашавиуб.

Хаинутинни тІама-гъама ахъдуцили хъалли, Къайыпбег гъала кайзурли къял хІенкълизи хІебархъиб.

– ПяхІли ветахъи гъалавад, гашукъ. ХІуни балуси се саби? – вяхухъун гІурра Къайыпбег. – Иш таркантла гІяхІлачибад кабукибси гІяхІси жинсла къял саби, бегІлара наб дигуси, – дурабикиб Къайыпбегла .

Къял хЛерейс бемгур. Илис хЛеруди камхЛебариб Къайыплира. Гъар гЛягЛниси секЛал хЛенкъулабанира дояркабанира Къайыплизи хъардиулри. Илини бархъли жавабра луги. Хаинутинна гъими имцЛабирулри, пурхурикЛули ита-иша вашулри, сунела хЛянчизартала гъалав сай хЛурматагарвирулри, сай заведующий сайкъи, гЛяхЛсира вайсира Къайыплизи хъардиухЛели. Илдала ургав хЛяйван-къачачи хЛеруди бузахъес балуси чЛянкЛли Къайып сайри. ХЛянчизартала урgab сунела хЛурмат бетихъахъуси Къайып сай или, Хаинутинни Къайып маза-масличи вархъес пикрибариб. Ца бархЛи Къайып сунечи гЛалабвариб ва маза-масличила гъай дехЛдихъиб. Гъай дахъхЛедарили Хаинутинни ибсири:

– Цалра икЛав маза-масла хЛянчи балуси агара. ХЛу хъарахълизи укъен, гъанна жакъни думгуси замана саби.

– ДугЛла шикъ сари хЛела. Маза-масличив дила узи ХЛяжи лев. Илини маза-масла хЛянчи набчир гЛяхЛил дала – ца. КЛиибилра, гъанна ахЛен жакъни думгуси замана. ХЛед дигулри ну хЛела мякълавад тайдиварес. ХЛуни ил секЛал ишаб бузутази хъарбаирив? Ну ишавад арукъясли, балули ахЛенра, се даражаличи детиркул ишди хЛяйван-къача? Ишдус янилизир ишди хЛяйванти хЛуни дубкЛахъид. ХЛуни баресил балули ахЛенри, дугенира камли сари. Лерилра хЛяйвантас кадихъибти дугени ца нуни дила хЛяйвантас кадихъибтицад агара. Балчалра заяхЛедиахъубли дихЛес гЛягЛнили сари, – вехЛихъиб Къайыпра гЛягЛнити дурес, виубцад малхЛямли, амма уркЛиличибси декЛдешли гъай малхЛямли детарули ахЛенри. Хаинутиннизи Къайып секъяйда гъайикЛалра, илала гъай далдиркули ахЛенри.

– Тамашала адамти бирути саби цацабехЛти, – дукелцЛила гЛамаличил вехЛихъиб Хаинутин. – ХЛу ишав наб буйрухъикЛахъес вархъибси ургуд?

– Ягъари, гЛягЛниси секЛал бара ибхЛели, буйрухъикЛни бетарулив, хЛела хЛясибли? – Къайыплис я буйрухъ я жал гЛягЛнихЛедиркни аргъахъес дигулри. Хаинутиннис бегЛла хЛейгуси сунези ит бара иш бара икЛни, хаслира адамти лехЛели. Къайыпли, Хаинутин балу-балули, яра хЛебалули, се-биалра бал-хЛебикбси бирули чеалри, ватес вирули ахЛенри. Илала хЛяжатагардешлира, макрула шикълира, гЛямултар мезлира Къайыпбег дебали гЛясивирулри. Я зягЛипси, я бумгуси, я араси хЛяйван балули ахЛенри, я багъес къайгъи аги. Хаинутин хЛянчи бирусила гЛердарили, узес вирниличи Къайыпбег тамаша-ирулри. Хаинутин мухъили бахунси урчиван сайри. ХЛулбала лямцЛ балли барсбиублири.

– Ягъари, бецЛла хЛяж бирару? Сен ил секЛал председателъли хЛергъуси? – пурхурухъун ца бархЛи Къайыпбег.

Къайыпла гъай Хаинутинни председателъличи дихъулри, вецЛнали гъими имцЛабиахъесли, питни цахЛнадяхъили. ГЛясивиубси Къайыпбегла се-биалра дурабиркулри. Илра Хаинутинни гЛягЛниси мерличи биахъулри. Къайыпбегличи хЛякимти халкъла душмайчиван хЛербикЛулри, гъар илала ганзлис къараулкабиитиван сабри.

ГЛясивиубси Къайыпбеглис сай гЛяхЛулали мазала масличи укъес чебикиб. Илав, Хаинутин агарли, къулайлири.

ПутЛи луцЛуси замана Хайдакълизи Диванна Украб халаси байрам бирусири. Атара ГЛябдуллатЛипра абзаначи хЛядурбикЛулри. Ил байрам- абзличи Ата гъалавра вякъунсири ва къаркъа иргънилизив чедиикибсири. Илдала урчира кЛиибил бакЛибсири. Илдани гъанна урчира хЛядурбариб. Атас ГЛяб-

дуллатИплизи урчи дуцІбарахъес дигулри. Сунени къаркъа ахъбурцнилизир бутІакъяндешдарес дигулри.

Ахъачила байрамличи лебилра Хайдакъ ахІи, цархІилти мер-мусала адамтира хІядурбикІулри.

Диванна Украб байрам бирес бехІбихъибти жяв замунтазибадал сабри. Сен диркъси авлахълис Диванна Укра бикІусил халатани бурулри. Гъалав Хайдакъла хан ГІявши уибсири. Диванна Украб ГІявшила пунтбиубти адамта хан кавшибси сай. Ханнис диван барибси мер саби ил. ИлхІейчибад халкъ илаб учибиркули кали саби диван бирес. Дергълис хІядурдешлисра учибиркули буили саби. Хайдакъла халкъла собраниеби дируси мерлира кали саби бахъхІи ил мер. ГІур, дусли гъачам, тІутІила замана, анхълизи бухІнабухъес гъалаб, чула гІяхІли-гъалмагъуни жибирули буили саби. Халкъ гъар мерлабад учибикибхІели, цали цаличил яхши-хуш дирули, тянишбирули гІяхІли-гъалмагъуни бетарули кали саби. ИлхІели далцІунти тІутІи гІяхІлас лугули, шадиб-гъундурачибван буилри. Илаб хІязлизира ихъулри. Илкъяйда акІубсири Ахъачи хІязбайрам. Диванна Укра Жавгъатла мер-мусаличиб сабхІели, жавгъатлантани жигарла бутІакъяндеш дирулри. Уркрачи чедихъили буруш-гІяналара, гІяхІти берклумира касили, яра илаб белгъес маза, яра дерубти бяхІяхъуни чедихъили, жагати палтуртачилра бегІбиубли, башутири ил мерличи. БакІибти гІяхІли жавгъатлантани бекІбирутири. Пезала диркъаличи чятиртира кадахъили, цацабехІтани къушанира дарили, тІашбилзулри. Уркрачил яра урчачил бакІили саби цархІилти шимала халкъра. Къайыпла хъалибаргра ил байрамличи башутири. Къайыпли гІяш халаси кигъара бикусири. Къайыпхъали гъанна биалли илцад разидешлизи ахъили ахІенри, амма уршбани ил абз-байрамличир бутІакъяндеш дариб. КІелра урши урчачиб бякъун. Атас укъес дебали дигулри. ГІябдуллатИплис биалли декІардеш аги. Илала уркІиличирти детхІерулри. Сунела хъуланазивад мяхІрумирули, дудешла къадагъабира детІили, гІямру цархІил тяхІярли сарри. Сагаси тяхІярли дехІдихъибти гІямру илис гІяхІдилзулри. Дудешлис селра сагаси къабулбарес дигули ахІенри. ГІябдуллатИплис бегІлара хІейгуси – белчІудилизивад сай мяхІрумирни. Дудешлис бегІлара хІейгуси – сунела лебдешлизивад мяхІрумирни сабри.

Атала пикруми аргъесли ахІенри. Къабулагарси гъайикІалли, иличилра валикили гъайикІулри, илди гІямруличи разили гъайикІуси къаршиикалри, иличилра разили гъайикІулри. Амма маслизивад ухъес Атасра дигули ахІенри.

КІелра узи Диванна Укра кабаибхІели, мер-мерличир цІами гавдикІулри. Илдачи чедихъилри халати къазан шунгри. Гъар вакІибси гІяхІял сунела гІяхІяйчи гъамирулри. ГІяхІял агарсира жавгъатлантани цашайчив валтули ахІенри. Илдасра мер бургулри. Кабазгула адамта бицІилри. Урчи цашайчир къарли дугахъулри. ХІязличи бакІибти мурул адамтала арцла бурцІлуми даршибти сукъбанна къичу, вайлиуб арцла велгъани, иличибра арцла ханжал, бекІличиб мазала гулила халаси къапІа, яра гІясатІин къапІа, къашмачир хурумла чакма, гІежала гІявадешли дакибти, чегъурлири. ХІунтІена башлихъунира гІела даршили, байрахъ къяйда лапІардикІахъулри. ЦацабехІтала някъбазир чугуртира лерри. Зирнявра дамра кадухилри илдала устнани. Хъунул адамтира биубцад къугъали балкъаурлири. Дарайла яра зарбабла валжагъ хІунтІена архІяла хІевала чедиб лебри. КІазла цІуба ашмагра бекІличи баршили, хъунул адамтира, ита-иша башули, беркайзи абархилри. Цаибил

бархИ аркьулри учибиркули, берклума биркьули, гІяхІли къабулбирули. КИибил бархИ Диванна Украб абзлизиахьиб. Дузабличи бархьибси ГІябдуллатІипла урчи гъалабикиб. Амма кІелра урчи дебали мешутири. Урчила мурдни жагълири: ца-ургабси ахъдешла, дягІути хъуцІрумар, ца-гъярцІа, исбагъи, ахъси. Исбагъи – ахъси ГІябдуллатІип сайри. Ил хайдакъланничи мешулира ахІенри. Амма Рашид чарх-бекІлизив дебали хайдакъланничи мешулири. Ата къаркъа иргънилизив гъалаикиб, амма къаркъа ахъбурцнилизив ХІяжияв бикІуси кІарахъан чедиикиб. КИибил мерличив уркухъан ХІясан сайри. Дарбакълан Бабара Атачивад чедиикиб.

– ХІуникІун илгъуна къаркъа ириъ кункли ахъбурцади, Ата, – гъамиуб ил хІязличи ГІябдуллатІип – Се бетаура?

– ХІебалас. Набра ну тамашаизурра. Гергъити кІел базцад нуни иличи пикри бяхІчихІеира. Наб гъанхІебикиб, ну удииркус или, – тІама балли барсбиублири Атала. – Биур ца чедибдеш, Ата, – иб ГІябдуллатІипли.

Мушул башнилизив чедиикили сай Жавгъатлизивадси ИсмягІилла МяхІяммад. Цашайчи тупанглизибад лишанисули жагъилти абзбикІулри. Илав башликентлан гІяяркъяна чедикилри. Абзани тамандиубмад урчиличив жавгъатлан вагъариуб. ДуцІбарибси урчиличир уюнти дехІдихьиб. Лебилра тамашабнубли, дирутира дархъдатурли, иличи хІербикІескабииб. Урчиличив някъбачи тІашкайзурли, къяшмази ургъур буцили дуцІбариб. Чуйнаалра ванзаличи кацІиб, дуцІбухъунси урчиличи ацІиб. Уюнти сягІятличирра имцІали калун. БегІлара тамашала уюнтира, хІязра илала сарри. Илис цацабехІтани урчи, чула вайлиурти ханжулти, ирми пешкешдариб.

БархІехъ цІа-алав учибикили, чугурра бяхъили, далуйти дехІдихьиб. Гергъила бархИ хІязанири, абзанира, дам-дядра сарри, бархІахъайчи делхъанира далуйтира тІашхІеиб. БархІехъла замана мангъушли тІамадариб:

– Вагъ-вагъла ихъралци дянара ихтияр саби!

ГІявшимала, Къулегалла, ЧибяхІнила, Баршала, Машатдила, Мяила, Хядягъила, ГъярацІанна халкъ тІутІила унхърази бухІнабухъи, тІутІи луцІес бехІбихьиб. БакІибти гІяхІлала къуцурти, хунжи, тавруми тІутІили дицІиб. Селра агартира бацІли хІебатур. ХІеркІла дубларти чІигІяла курта (сумкаличи мешуси тавра саби) барили бирицІулри. ТІутІи агарли илавад чилра аркъяхъули ахІенри.

Гъанна цати хозяйствоби детаахъурхІелира, вегІ-вегІла тІутІи или вявъибсири, гъалаб къяйда. Илкъяйда шаддешличил ардякъяхъун илди хІябалра бархИ. Илаб гъав гІяхІбиуб Аталара, имцІали тІутІила унхърази бухІнабухъи, бакІибхІели. Шиннизиб базили бакІибтиван биуб. ГІяхІлазибад декІарбиркухІелира уркІби разилири. Разилири гъар секІал гІяхІил детерхурхІели.

Жявли бетаурсири ца ишгъуна секІалра. Диванна Украб ца байрамличиб цабехІли цабехІ кабуршули халаси мусибат биубсири.

Гъалаб ил байрам бирухІели, ца чедиикибси игит багъадурли бегІлара къугъаси рурси сархес гІягІнисири. Къугъаси рурси биалли, шагъли къушлизи хІядуррарили каралтусири. Чедиикибси жагъиллис, гергъила бархИ шагъла мекъ бирусири. Дугели, ил рурси ригуси дурхІяли къушлизирад гъарритІи, аррукили сари. ДурхІяла узи-уршили ил рукили декІарси шилизи уррихъили сари. Чедиикибси дурхІялис ил секІал цІахбизурли, сай цІахварнилизиди халбарили, лебилра жагъгачи дугъаизурли сай:

– Сай илцад игитси виъни иш дила гъалаб чебаахъаб.

ИлхЕли рурси ригуси дурхІя дуракавхъи сай. Ханжултачил кЕлра бяхІили саби. КЕлра илди тухумтира буили саби. ДекІарбарес бирули ахЕнри. Чедикибси багъадур илавра чедикили сай. КЕлра шалила дурхІнала кьукья жалбухъи, ханжултачи бетаили, цали ца кабуршули, халаси кахси мусибат биубли саби. Илала гЕргъи байрамличи рурси карирхъуси гІядат убасибсири ва тІама-гъама агарли разидешличил дурабуркІусири. Рахливан ахІи жалтира алкІули дуили ахЕн. Жалбухъунтира бусягІят тІашиулри.

Байрам таманбиубли, гІяхІси гъавличил чарбухъунти дурхІни чебаили, Къайыпбегра разили сайри.

Председатель фермализи вякъунхЕли, фермализиб бузуги дукикьянабани, дояркабани тиладибариб Къайыпбег ила чарварахъес. Председательли ил чарварибсири. Хаинутин иличи кьурикІули калун, ил левси мерличи хЕшули, гъарахьркули уиб. ИлхЕли хЕнкьулабасра дояркабасра бузес кьулайлири. Хаинутинни пикрибариб гъарахъІеркес. Сунела хІянчила ихтияр Къайыпбеглизи бедили, сай гъарахьркни гІяхІли чехЕбаиб. Хаинутин сецад сай гьунарагарси виалра, гъанна хІяким виубхЕли, Къайыпхъайзи сунезибси цакъ чебаахъес къайгъилизиври. Гурра сунела макрура питнира дехІдихъиб. Къайыпбег биалли, илала гъалаб чебетаахъили хІянчира бирули, имцІати авараличи пикри бяхІчихЕес къайгъилизиври. Ил умсахъуси, хІянчиливан ахІи, Хаинутинна шикъли сайри. Амма сунени хІяршдирули адикьурти хІяйванти чехЕдаили уэс вирули ахЕнри.

– Гъанна илди хЕла ахЕнгу, Къайып, – иб Патухли.

– Балулра, хабчаб, балулра, амма уркІи изули саби. Нуни се бариша, гъатІи, хЕлтулра уркІили? – язихъизеслири Къайыпбег.

КЕл дебкІибти хІяйвантазибад ца Къайыпбегла бегІлара дигуси унц сабри. Хаинутинничил жалухъи, гІясивиубли, гЕргъила бархІи хъули чариуб. Председательли Къайып тІалабвариб. Илав Хаинутинра леври. Багъур Къайыпли сай Хаинутинни гІярзварни.

Хаинутин председателъла гъалав маркайуб, лерилра урхІличи чедушили. Хаинутинна хІяйвантаци сегъуналра уркІи хЕйзни, секІал барес хЕбални дурес чебикиб Къайыплисра ва гІясивиубдешли, «их дила унц» дурабикиб.

– Се? Гъаннара хІу илди хЕла сари викІули кайилрив? Илди чардарес хьуллизив уилригу. Хаинутин Къайыпли хІянчи барахъес валтули ахЕнра викІухЕли, ну вирххЕурра. ХЕла пикруми декІарти дуилигу, Къайып. Аргъира. Гъанна аргъира гъар секІал, – председатель лев мерличивад кункли айзур. Кабинетлизив ита-иша вашескайиб.

Къайыпли дурутачи ил лехІихъули ахЕнри.

– Хозяйстволизи кадерхургала гЕрдарили, хІушала хьулани декІарти дуилигу? Хаинутинничи гъмири илизиб буили саби хЕла. Гъалав вакІибхЕли, иличи нуни пикри бяхІчихЕира.

– Юх, ахЕнра. Аргъа нуни буруси... Къайыплизи гъай таманхЕдарахъиб.

– Селра наб аргъес хЕйги. ЖягІял хІу набчилара илкъяйда вехІирхъуд. ХІушани хІушала мас багъандан гъанна сагати гІямру, адамтала яшав бетхЕахъес бугътанти чедирхъулрая. ГІур вайта диркъес дехІдирхъудая. Нушаб вайбарес се-дигара биридая хІушани. Председателъла тІама ахъбикІулри. Къайыпла уркІилис илала гъай хІярхІубиван сарри. Илдигъунти мезлизи ил цайналра викибси ахЕнри. Гъар замана бабгисси унц къяйда вашуси, илди мезлизивад верцес вирули ахЕнри, амма гъайхЕеилира уэс хЕйуб:

– Ну ветаурра вайта иркъуси. Хъарахълизивад чарухъайчи, селра багъанагар хІяйванти дебкІахъибсилис нуни бугътантИ чедирхъулра, ахІенрав?

– Нуни дебкІахъилрав илди? – Хаинутин чІяпІухъун. Председатель ургавакІиб. Къайыпбеглис бегІлара хІейгуси – Хаинутин сунечи чІяпІухъни сабри. Хаинутинни ил секІал аргъиб ва адамти лебхІели, Къайыпличи чІяпІухъи, Къайып дагърилизивад улхъахъи. Хаинутинни гъай дебали далдикахъес вирулри, илди кункли ласдири, дулкІахъи, гІурра дархъдири, амма Къайыпла илдигъунти устадеш аги. Илини къунбира, гІямултира, макрура хІедали.

– Гъакадурцути умхІи, хІушани адамтала гъай хІергъидая, – унзара хямкдарили, Къайып илдачивад дуракавхъун.

Илис гъуйчив Чупан къаршиикиб. Чупанни Къайып дебали вачавархили чеили хъар-хъараиб:

– БуцІарси бархІи цайналра чула хамхала дяхІци ванзаличи кахІегахъили, хъулиб хІербиубти шайтІунта вегІла гъар-се секІалра дуцили, вегІлис гІякълума-ра бугъули саби, Чупан, ил тамаша ахІену, гъатІи? – Къайыпли, гІясивиубдешли, сунени ируси сунени балули ахІенри.

– Сунес барибси гІяхІ хялира балуси саби, Къайып. Хаинутин хяличивра увяхІси уили сай. Ил гъанна хІякимтала къуйрукъ сай. Илала силтІикІни гъарилли балули саби. Ил дебали къиянси адам сай или бурули саби иличил бархбузутанира. Иличила гъай нушала ургар гъаларра диубтири. Гъанна ил хІед буйрукъикІанвиубхІели, нуни лерилра иргъулра, Къайып.

Къайыплисра тамашабилзулри, ГІябдуллатІипла гІямрула Хаинутин, гъалав ГІябдуллатІипван ахІи дагърилашал вецІал дусра-сера гІелавсиван сайси, гъанна дагърилашал Къайыпличив вецІал дусра-сера халаси ветаъни. Илала хъархъли варсиъниличира Къайыпбег тамашаирулри. Хаинутин варсиубли ахІенри. Ил гъарзамана илгъуна вирусире. Илис Атала гъай гъандикиб: «Къашмачи чекибти чятлизи агарси адам, дудеш, хІуни халавирулри. Нушаб ургъулри, иличила гапикІулри». Марлира, Атани ил адам жявли вагъурли уили сай. Атани ил хІегъес вирару, сунени дарибтачи маркайрули, Атахъайчи лерилра чедушили, Къайыпла гъала даршуси маза къяйда калзули виалли? Илини гІямулти Атачи сарри дяхІчиути.

Гъанна Хаинутин Къайыплизи вахъ хІяягарли гъайикІули сай:

– Гъанна нушала гІяйниб саби берхІи абухъунси, – вехІихъиб Хаинутин Къайыпбегла хІулбази хІерикІули, хІяягар гъинчІра кабуцили, – хІела Султанат нуни каририс. Гъанна хІукумат кабизурли саби. Ну хІукуматла вакил сайра. ВегІлис ригуси кахІериахъес чилилра хІейрар. ХІушала тавлурра нуни гІягІиниси мерличичи калтас.

Гъала-гъала илини дурутачи Къайыпли пикри бяхІчихІеиб, гІур уркІилизи дис бурхІибсиван, изиаур. Ил лакъай таманни хІяялизивад ухъи сай. Къайыпбегли адам кавшибси виалри, гъанна ил карши. ГІурра, адам жагъхІеливан сабурлизивад улхъули ахІен гІямру ардякъунхІели. Амма Къайып тІашизес хІейуб. Иличи чевхъун. Хаинутин биалли илала някъбази хІейкили, кункли тІяхІухъун, гІур вебшили, гъарахъикиб.

Адамти лебси мерличив, багъиубсиван кайзурси Къайыпличив дукаркІули, тІашизур. Лебилра илаб тІашти Къайыплизи маслигІятбикІули гІякълума бугъи.

– Ягъари, Къайып, Хаинутинра хІура цагъунти ахІенраягу, – иб мякълав тІаши Якъупли. Ил урцули, – вяхІили се сархида хІуни? Сабур биэс гІягІинили саби.хІукІун духуси адам сайри.

– ВиштІаси хъяшаван вирхІни бирару, Къайып? – иб итил хІенкъулани, илдачивяхІ дуцІухъи.

Хаинутинни халкъла гьалар дебали духусила дири: – Къайып-ази, хІуни бяхъили хъалли, нуни хІед чархІебирис, – викІи.

Хаинутин илхІели Къайыпла някъбази хІейкиб. Ил някъбази викибси виалри, сунес се бетарил Хаинутинни гІяхІил балулри. Хаинутинни балулри иличил чинав, секъяйда гъайикІес гІягІнисил. Замана арбукъялли, Къайыпли селра хІебирнира балулри.

Къайып цІакъли гІясивиубли, хъули чарухъун. Ил гІясили чеили, Патухли гъайхІеиб, селра хъархІебаиб, Къайыпбег сай вехІихъиб:

– ДугІли илди умхІази нуни хІядурти гъар-се секІал дедира. Илдази кадусахъесрив, гъатІи, нуни илди адикъурти? Халкъ ахІен къалли илди.

– ЛехІахъи. Сабурбара. Сабур алжанала умхъу саби. Гъанна хІела ахІен илди, – Патух Къайыплизи риубцад малхІямли гъайрикІулри.

– ЛехІахъес вирару, гъатІи, балу-балули хІяйван-къача кадуршули диалли? Язихъ ахІену илди? Я далхуси замана балули ахІен. Я хІеруди барес бирули ахІен. Къачначи бекІлил хІеруди агара. ВегІла хІулбала гьалар илди язихъли чедиули, лехІахъес вирару? Дугени дебали камли сари, илди лертира, дяхІи хІебарили лебай, къяшмаур ганздирахъули сари. Яни се бугахъу? Иличила пикриикІуси агара илди умхІала ургав, – сунела уркІи челукъутазибад азад-барес вирусиван, вехІихъиб Къайып хъунуизи.

– Председательлизи бура, гъатІи, – иб Патухли, беркала гъала кабирхъули.

– Ихди диштІа умхІи диалли, председатель халаси эмхІе сай. Юх, илдазир нуни дила хІяйванти хІедалтас. ВегІли илди дерцахъес вирули, сен дубкІахъутив? – Патух Къайыпла гъайлизирад урух ралли риуб. Ил дебали гІясивиублири, председательлира сай гІевхІевцилра или. Къайып чумал бархІи хъуливад чиналра дурахІевхъун. Иличи Хаинутин вакІиб ва дура живариб.

(Хъарахъуд бирар)



Поэзия

МяхИяммад ХИЯЖИЕВ



ДУЧИЛИ МАРКА

Чиъ-чиъли къар умцIурли
Дучили аръа марка,
Дармандирни баласри,
Балхира нуни улка:

Биахъес давлачебра,
Биахъес къуватчебра,
Чардиахъес гьаларла
Ахъти багъара ура.

Балкабикиси улка
ТалихI саб адамтала,

Чи чинав се викиIалра
Игъбар – хIербирутала.

Илгъуна улка саби
Арадешла дубура,
Илгъуна улкализиб
БучIар ахъли далайра.

Далайра макъамтира,
Дигайра агар улка
Наб къалли хIейгахъира,
Диралра гIямру хIябка.

ВАШИ, ГЪАЛМАГЪ, АРКЪЕХIЕ

Ишгъуна дунъя нушаб
ГIягIинили ахIен или,
Ишдигъунти аргъ-бархIи
Нушала ахIен или,

Гъалмагъ, аркъехIе, ваши,
Анхъла духIна къушлизи,
ГеладиркехIе либхIли
Арцантала тIамрази.

Гъаруш агу, хIебала
Гъанна илди даресра,
КабирцIехIе чягъирла,
БумжахъехIе лякъирра.

Даг беръубси галгала
ГъарахъбирехIе децIра,

ЦIумбикIаб дигугIебли
ВацIализиси бецIра.

Нушала маза-мукъри
Агу – мяхIкамдеш барес,
Ахъти кIялгIни я давла –
Къараулти кабатес.

Къумурлаб камхIебирар
Нушаб чIямбаресира.
ВайтIа далтхIедалтара
ИкI къудратла вегIлира.

ДацIаб, дигалли бурхIни,
Чягъирлизиб хъамхъаван,
Далтасну, гIергъихIевхъи,
Дурзамлис мукъараван.

ЛАМУС

«Бариб ламус хялира
Вари бугуси ахIен.
КъакъахIейкIули сагъси
Адамлис ламус бирен». –

ВикIар юлдаш мурталра,
Набчил варх кайибхIели,
Сагал разидешличи
Дарх нуша аркъухIели.

Ну къалли къиркъирхIейкIус,
Я бируси ламуслис.
Гапварили адамлис
Яра дурути гъайлис.

Ламуслара дяхI лерти
Сари адамталаван,
Чебси саб пикриухъес
Илди лерни багъандан.

Халал ламус баралли,
Бирар дукаркIутира,
МехIур сай, яра рушбат
Бухибал бикIутира.

Камси баралра, гIяйиб
Бирусира камхIейрар:
ХIерирукъира ункъли
ВакIибгу вацIли бикIар.

Ламуслис бекI кабахъес
Гъалав пикриулхъалри,
Сунечи камли хIерти
Батурли уаллири,

Цакъадар бекIлис багъла
Бири или гъанбиркур,
Буруш чIумал биалра,
РахIятли усес биркур.

ВАЦIА САБИ БИСУЛИ

(адавзи Сулайбайс)

ЧехIебиулрив вацIа
Сегъуна хIяйчиб сабил?
Ачдиубли галгуби,
Бисули саби-сабил.

Арцантира камли сар
ВацIализи дашути,
Бардала ва тупангла
ТIамри сари дикъути.

ГIяра, гурда, синка, бецI
Деткахъиб агартиван,
Цурма хъуми хIедалца,
Ши-алавти, гъаларван.

Галгубачиб бучIуси
Цацун саби вякълякъи,
ИшбархIи урухкIеси
Сунес сабаб агаркъи.

Тупангла къандакъунар
Дариб хивла галгуби,
Давла тIабигIят дуун
БекI, мехIе агартани.

Илдас танбихI бируси
Агара хIукуматра,
УрхIлисра хIебакIеси
БакIили заманара.

Дугели сегъуна гъанкI
Башулив хIед, адавзи?
ВацIа-къада датахъес
Агарли ахъри хIезиб?

ИшбархIила замана
Се ишав хIези нуни,
Ца тIуй дубура хIевкъу
Къасбараллира чили.

ХИЕЛТУЛРА ПИКРУМАНИ

Кабахъира ца галга
Хейгу-хейгули нуни,
Гъанна биалли левра
Хелтули пикрумани.

Ит галгаличи гъалар
Кадиръиб арцантира,
Жагати далуйтази
Гелабурши Дунъара.

Хлеб – дяхъици, глебшни – цедеш
Далкайкилри лерилра,

Яни кларала нядеш.
Гъуйчи биркулри илра.

Хлебалас ил кабахъес
Хияжатбикибал наб сен,
Ил бируси мерличи
Херъэс гъамадли ахен.

Гъанбиркур гягинил секлал
Нуни камбарисиван,
Ванзала ца жагадеш
Нуни убасибсиван.

УРХЪУ ХИЕБИРИ

Гардбируси сириван,
Урши усахъес нешли,
Гъакъибурили саб гами
Ишбархъира урхъули.

Дурхъналаван тямри сар
Чайкабала иргъули,
Жургъдикъули дучъули,
Паргъатдиэс хейрули.

Хлебалас ил гамили
Чинад гъуни буцибсил,
Сегъунти къасаначил
Ил нушачи лябкъусил?

Чайкабара нушази
Се бурес дигулира?

Чула дачадархибдеш
Я дугла ахенара?

Бялихъуна бицили
Башаб нушачи гами
Нешанани гарддираб
Дурхъни бусахъес сирми.

Чайкабира къайдиркур,
Дучъути садерхурли,
Паргъатбиубси урхъу
Бетаурли сабабли.

Урхъу дублаб ца пикри
Саби набзиб бургъуси,
Урхъу – урхъу хебири
Чайка, гами агарси.

ДИГУЛРА УЛКА БЕЛШЕС

Хлебличи хинцикъули
Нуни улкъай ибхъулра.
Гямруличи гяшикъти
Хулбачил хербирулра.

Чебиулра алавчар –
Бархилис барсбикъули,
Ванзала тимхъра гыгъра
Сагали далдикили.

Хебиалли улкара
Ункъбиэсгу нушала,
Алкесгу дахъли херси
Нушаб игъбарла шала.

Цакъяйда гямру дуэс
Ахъри сецад гягиниси?
Хъулкни-хъямхъни дуглаэс
Ванзала цакъ агарсив?

Хлеб хЯкаван хьумартес
Дигулра ишди бурхИни,
ХЕбалуси сеналра
Чузиб селалра мягИни.

Дигулра улка белшес
Бархьдешла баругьуна,
ГЯйиб-хатIа агарси
Чумаси шандангьуна.

УХЬИ АХИЕНРА

ИшбархИла пикруми
Мурт набзирад аркъути,
Тамай чарх буркъбияйчи
АрхИядякъи дуутив?

Селалра мягИниагар
Иш бакИбси замана.

Уцилрагу левилра
Урхьу дуб дирихьливан,
Турлизибад батбухьес
ХЕбиубси бялихьван.

Фабрик-заводла мерлар
Кафеби, ресторанти,
Колхоз-совхозла мерлар
Ванзурби – дацIкавхьунти.

ЦадехI ахИенну, вецIдехI
ГЯмру харждараллира,
Дарес хИейрути секIал
Чедиулра хIулбара.

Бузес дигути агу,
Я бузес хИянчи агу,
Дуб-дубли тIинтIкайкIули
Адамтазир гашигу.

Къясдеш ахИен, тамаша
Сайра вируси гьанна,

Амма умутлизилад
Ухьи ахИенра тамай,
Гьар бархИни чедиули
Бацра берхИира лерай.

ПАРГЪАТХИЕБИРАР УРКИИ

ПаргъатхИебирар уркИи
ВеГIла хьулибван гIяхИил,
Я гьанкI хИякъян, я багъла
ДуркIалра бурхИни чичил.

Шантала баракатра
ТалихIра хИейгусила,
Диэс хИейрар дигира
ВатIайчира сеналра.


Бизиси саб азихьра
ВеГIла хьулиб букуси,
Чилилра хИебедибси,
Чилалра кебхИесибси.

Илгьуна виубличив
Игьбар саби виэхИейъни,
Батес дунья гьалаб саб
Ватничив сай шантани.

Тах шагьарличиб дурхьал
Саби биштIаси шира,
КацIибти бегIла гьалар
Сунезир ганзра дуцIра.

ДецI, разидеш шантала
Набзир дилаван дирар,
Наб закла зубартиван
Шантира даим бирар.





Имин МЯХИЯММАДОВ

БЕЛКИИ БУРГИ НАБ КЪАДАР

Чуйнарив чебизурти
Набчи мижитла агьлу:
«ДугИли харжмабиридгу
Аллагьли гибси пагьму.

Чеваргьигу, калтари
Нушачил ца тугьлизи,
ИмцIавирар ца гьатIи
Улгуси Аллагьлизи»...

– Гьачам вахь вархилрагу
Хьу дахьал хьубзараван,
Мукьра берхьибси хьарахь
Хьарбикибси букIунван...

Нешла канилав левай
БелкIи бурги наб къадар:
«Иш гьариблис биштIати
БучIахьес насаббирар»...

Наб белкIунси барсбарес
Камсилра ахьриагар,
Хьараахьес къаслизив
Ил игьбарла игьдибар,

Мижитлизиван дуцIли
Вашули мактаблизи,
Жузван ибхьули гIилму
Руркъяхьулра дурхIнази.

ХIечи, къакра абхьили,
ЛехIихьули саб илди,
Жайрантиван, абзлизиб
Цаличиб ца сакIубти.

ГIяжаибти суалти,
ХIед бекIлил гьанагарти!
Тамашала жавабти,
Гьамадли гIевхIеэсти!

Ца я кIел секIал ахIен
Илдас дагьес дигути...
ДахьдикIуцад дигахьис
Чула хIисаб-суалти.

ТалихIлизи буйгIулра
ДурхIнас гIямру харждирни,
Гьарилли дилайливан
Духули гIямру деркIни.

БерхIиливан, илдала
ХIерли ванаирулра,
Гьеч чузивад декIарли
Ну уркIили хIелтулра.

Илис Кьудратла ВеГIли
Набчи гIяйибхIехьесгу,
Кьурьай хIебучIахьнилис
Бунагьра хIебаэсгу.

ДУРХІНАС САВГЪАТ САЙРИ ХІУ

Хіанала Къурбан – ИсбѣгІинна Аминулагълис...

Шила тарих, баянти
ГІялимливан далуси,
Хала бегІтала гІямру
Айтубливан каргъуси,

ШапагІятла нур дархил
Рири хІела абара.
ХІярхІубала заблиур
ХІулби къяпІхІедарибси,

ХІила душман веркІили,
Берлиннизи ваибси
ХІурхъи ихъул сартан бецІ
Сайри хІела адара.

ХІела кагибси девра
Арцла ратІайзи цугси,
Серхурси, гъарил баркъла
Мургъила багъа лебси.

Чуйнариб гърварибси
ХІяйран – карцІси уркІили:
– УрузмакІуд, гъамии,
Гъайкарара, – бикІули.

ГІяхІла пай хІебаибтас
ГІяхІдеш барес диганти,
Закла уркІецІи камтас
УркІецІили урзанти.

– Сецад калил дарести
Нушаб иш дунъяличир,
Гъар бархІи дахъдикІули
ДекІдикІути даглайчир?..

Вархъси, бархъдешлис марси,
Бархътачилцун валгунси.
ВархІябачил, къалптачил
ДакІу-гъаргли ургъуси.

Бузераила аблизив
Гъалав ахІи хІевъуси,
ГІилмуртала урхъназив
Ялканван куртІикІуси,

ДурхІнала диги, хІурмат
Майалицун сархибси,
Багъудили жалтира
ХІу – алав уржахъибси,

Ва хІурматла мугІяллим,
ХІела мургъила жан дат.
Гили кахІебурхуси
Сайри дурхъаси савгъат.

* * *

Гъамиахъес валтулрав,
Ца хІерли дянгвалтули?
Гъайахъес лехІихъулив,
ЛямцІван пяхІли рулъули?

* * *

ХІушачи карцІли саби,
БегІтачиван, ятимти,
ХІушачи хъарли саби,
Дармунтачиван, хъябшти.

* * *

ХІябра дахъдаили лер
Гъими-къида нушачир,
Хъалтаван чедашули
Духълума берхъиб хъучир.

* * *

Зубрала хІялумцІантас,
Урхънау кабулхъантас,
Умуснауб ванзала
ДавлумагІиб умцІантас.

Игитдешла – орденти
Лугуси ну виасри,

Гъарилла михъирличи
Ца-ца черяхІкайхъаси!

ВатІа цІакъ хІябкабарес
Абзбизурли бузутас –
Хъубзарлисра букІуйсра –
ХІяб-хІяб зубар диршаси.

* * *

Наб хІу – игъбарагарри
МарикІуд хІела жан дат,
Дила игъбар хІу сарри –
Лерил гІямрулис савгъат.

Мурт дяхъяллира, дирхъу
Набчира талихІли къутІ,
ХІябра ирхІилиб леври
ХІура рикІес карируд.

* * *

АрхІя зарбабла хІевни
Калгъахъес хІейраслира,
Жагати рурсби-ургар
Дила бегІла жагаси!

Мургъи-арцла кулухми
Хъяб някъбачир хІевхалра.
Духути рурсби-ургар
Дила бегІла духучан!

ЧИЛИ ВИРАРА ЧЕБХЕС?

Байхъу зак – гъагултазиб,
ЛямцІлизиб, къукъулизиб.
Бизил забла кІунтІури
Чахъдирули сагнази.

РурхІули лямцІдикІули
Урцули сар кІантІури
Арц-мургъила мачначи
Мешули сари илди.

Рахаурти вавнани
ХІулби ибхъули сари,
СихІрула ряхІматличи
Илди хІясратли сари...

Рушбатунa гІянцІвариб,
Сукъурвариб юзбаши,
Хъямлизи абархили
Къавгъализиб саби ши.

Байхъу зак – берхІилизиб,
ПарчдикІути нурлизиб.
Шулбиубси ургуба
ДуцІрумла арилизиб.

Зак-ургабад зурхІябли
Гуми биршули саби,
ЗурхІябла арсаварла
Удиб дила ши саби...

ХІерагу ил тамаша,
ТІабигІятла гІяламат!
Вирару гъатІи чебхес
Кагъарлизи ил сурат?!

* * *

ГІякълу – дагърила гъубзни
Лебли хъалли шилизиб,
ГІурра виркІув шантани
Вархисси гІякълулизиб?

* * *

ЧевяхИсилис мутИгІли –
Чучиб бунагъ агарти.
Баркъ – бацлизиб хІялалли,
Чузиб хІярам агарти.

ХІялалси бузерила
АхІи, къацІ хІебуцІанти,

Дин – исламла къанунти
Дурусли дузахъанти,

Леб адамти – умути,
ГІибратлисван бурути,
Илди саб гъарли-марти
Бусурманти-муъминти.

* * *

Адаб хІяя, яхІ чихъти,
ГІякълу-дагъри дугати,
Шанда занкъарайтиван
УркІби зангъардикІути,

Чумра бургар гІяхІгъабза,
ГІяхІгазибадра гІяхІти.

Кисми «зангъхІедикІули»,
ЛехІкахъили буути...

Гъанна хІякимла ута
Исули саб арц лерта.
Чинарад кайсув илди
ХІялалли хІербирута?

* * *

Дила деза сар хІед, дайдугила аргъ,
ХІечил хъа гІямзанив ну варх калтуси.
Лебил дила гъунар, лебсигъуна пагъ
Дугели саб набзиб багъарбулхъуси.

ХІЕД САБИ ДИЛА ДАЛАЙ

Дагъиста ца гІямзилаб
ЧІакна дурхІни адилкънаб,
Шурмала хъинжаначиб
Зубарта бамсри ихънаб,

Алжанала цІедешли
Дерхъиб унхърала байлаб,
Багъси, тирхъси варачай
Урхънази гъуни кавднаб,

СагабикІар дила ши
Кабизлизиб шагъарла.

Гъамли завод-фабрика
Дагъардирар ишарра.

Лушули саб ил гъубзна
Адамдешла, адабла,
ХІулбуркІахъули уркІи
ХІерикІуси адамла.

Дунъя буртІухІели наб
Баибси игъбарла пай,
Ва хабарла Усиша,
ХІед саби дила далай!

ТАМАШАЛА АВАРА

Чеваргъирагу савли –
Агара закиб берхІи!
Улкъайлабад хІеръира –
Гъарга бицІили дяхІи!

КІазла издаг кІанали
КІапІбарили ургуба,
Дагъес агара гъанна
Я диркъа я дубура.

ДукІлаубад назикси
«Чив-чІив» чехиб чякала,
Лебил къатІ тІатІбатесцад
ТІама иргъур дагъала.

Улкъайла удиб жита
Журуг-цІуцІли бергурли,

«Нура абацІахъаба,
БярГилрану» – бикІули.

Тамашала авара
Дирар гІела гІебшнила:
Даг-берхІи, дуги-дяхІи!
ЖягІял – се аргъ лябкъянал?..

ШАЙХЛА ГІИНИЗ

КІел лесла ургаб-вацІа,
ВацІала дублаб – хъали,
Хъа гъалаб – дарма гІиниз
ШулгІиб – зурбаси бириз.

Илаб саби Усала
«Дурхъаси шайхла гІиниз...»
ГІяжаибли жагаси
Бирар ил мерла кабиз!

Диркъанибад хІурхъази
Гечбашути букІунас,
БуцІардешли, чяхІ-забли
БеркІибти хІенкъулабас, –

Гъунибиур гъариллис
Дарма шараб-шинничил,
Адам ара-жагъвирул
Алав тІабигІятличил.

Илад шин держибсилис
Кери биур гъариллис,

Арадешра чарбиру
Изу-улкъан лебсилис.

Дубурла шимазибад,
Гъарахъти мусначибад,
Зияратличи башар,
ХІятта, Чячянтазибад.

Тавханиван баршили
Саби хъали къалтинта,
БекІла чедибси бурхра –
Мегъгъунти мигла духъба.

Чуйнарив ил бехъубси
Чузиб иман агарта,
Чуйнарив ил белшунси
Иманна нур ухута?!

МяхІкамбарес чеблигу
Ил тамашала гІямзи!
Хъурадиэс хІейгалли
«Итар» жагъаннаблизи...

* * *

Яни-дяхІи, хІеб-марка
Каммадараб Аллагъли,
Я хІеблизиб я дуцІрум
Биригмабяхъяб халкъли.

ГІебшни гъазаватбараб
Мирш-къялкъяли, кІатІали,
ИлхІели ВатІа уси
Гарчбалта давлумани.

ШИШИМТИ

Хабарла шила багъа
Бульули къалли или,
Ургъули калунра ну.
– ХІу вархъли ургуд, – бикІи, –
Бареси бура, – бикІи.
БукІрани гъакІкабикІи...

Шанти бучили, анцІбукъ
Аргъахъес вирар или,
Угъулира калунра.
– Шанти руркъиду? – бикІи, –
Бучес мер лебу? – бикІи.
БукІрани гъакІкабикІи...

Шила клуб, больница
Далдирехе, – викѹли,
Бусравлира кайзурра
– Хїела арц леру?! – бикѹи, –
Вирадли дара! – бикѹи
Букѹрани гьакѹкабикѹи...

Хала бегѹтала мина
Бутѹнад бирцули или,
Виргулира калунра.
– Бирцанти бура! – бикѹи.
Ахьли пархмайкѹд! – бикѹи.
Букѹрани гьакѹкабикѹи...

Шила биштѹтала анхь
Сен бехьубтира или,
Кьалмакьарра вьшдарра.


– Шямван вархьлири! – бикѹи
– Бареси лебрив? – бикѹи
Гѹелаб дигѹяй дукаркѹи...

Дус баши, дус арбаши,
Хїякимти барскабикѹи.
Гїяхїял – шантала урgab
Шила багьа гїяшбикѹи.
– Ахир хїякьусив?! – или,
Шанти букѹра гьакѹбикѹи...

– Иш хїял батурли, хїевьус! –
Викѹлра жалвяхьили.
– Агь! Хїукумат хїебатес
Вируду хїуни?! – бикѹи.
Вамсурли лехїкахьира,
Иш назмура белкѹнра.



Масхурти



МяхІяммад КЪАРАТОВ

ДИУБТИ АНЦІБУКЪУНИ

РЕСТОРАЙЗИБ

Унра шилизивси ца тнишра нура Орджаникидзе шагъарлизир ресторайзи кадилри. Нушала стол гъакІарбикІулри. Столличирти лерилра чябхъардикІулри, укес тІагІямагарлири. Вархсини вявѣили официантка раклахъиб ва гІярзаби лукІуси жуз хахъес тІалаббариб.

– КъабулхІебикибси се лебал бурагу, балкабиркахъисну, – тиладибариб официанткани. Дила юлдаш селичилра къабулхІеркулри. ГІярзаби лукІуси жуз тІалаббирулри. Официантка сецад тиладирикІулихъалли, ил селичилра къабулхІейкиб. Нунира хІебалулри се белкІес дигулрил илис жузлизі.

Рякъи официанткани жуз хиб. Юлдашли ил сасили кІиркабяхъили столла къяшла уди кабихъиб. Стол гъакІархІебикІанбиуб. Официантка, хала гъигъра бушили аррякъун. Советский замана сабри.

* * *

Ил юлдашра нура гІура къаршидикира Буйнакъск шагъарла рестораннызир. Хъарбарибси беркала хІехули гІяхІцад замана арбякъири. Чуйнал бурили хъалли официантли беркала хІехулри.

Гъалар поездла вагоннизир чяй дихути халати дукІула стаканти дирутири. Тяп илдигъунти стаканти лерри нушала столличир. Набчил вархси касили ца стакан къячІарбикІахъули укес вехІихъиб. Кебасес виркъули калунра. ХІейубра.

– Беркала хІехули риалли, гушли уишав? – викІар ил набзи. Алавчарти столличибти лебилра иличи хІербикІулри. Айзурли официанткачи вякъи ил анцІбукъличила бурира. УркІрухъунси, ил беркалара хили, ракІибхІейс юлдашли байхъала стакан беркири.

* * *

...ДуцІрумла буцІарси берхІи сабри. Милигиубси ну Ленинна уличилси къакъализибси пиво дирцуси «Росинка» бикІуси барлизі ацІес вализурхІели, илала ухІнавад дураулхъуси, бержили валкайкибси адамли ну тІашаира.

– Хед гъанбиркули бургар ну держлукъ сайра или. АхIенра, юлдаш, ахIенра. Ну бержес дигахъан сайра, – викIар ил набзи, ну селра хIейIули виасра илизи.

Ца талихIлисван, гъатIи дахъал гъай хIедарили, ну вархъватурли, арякъун. ЦацахIели къаршибиркули бирар къалли, бекIлил хIебалуги бержили дахъал гъай дирули анцIбулкьуги.

БАР-БАРЛА МЕРЛАБ – БАШ-БАШ

Калмыкунази букIун ветаурли вякъунхIели мицIираг адилкънилизир да-луги дебали камти сарри нуни. Ца колхозлизиб барх бузуги даргантала ва цархIилти миллатунала адамтала кумекличил багълакайубли илди хIянчи дяркъурра.

Баркалла биаб ил шайчиб наб кумеклибиубти хала букIуни мегъан ХIяй-дархъала ГIялис, шукъдан Къурбанхъала ГIисас, БурхIимьякълавадси МяхIям-мадов ХIясайс дила нешла узикъар ГIябдуллаев Къурбайс ва цархIилтас.

Амма илаб, илдани гIебхIебурибси, чизибадалра бакъхIебкъибси ца секIал бирули-бурули увухъунра илав ну. МицIираглис дугени диаб, цIулкъям диаб, дергахъес кадихъибхIели илаб букIунани мазализи «бар-бар» или вявирусири. Ил тIамала бакъибхIели, гIяхIцад гъарахъли диалра маза дуцIли ляркъугири, чус бергала кабихъибхIели.

Нуни биалли, илдази «бар-бар» хIейрасину, «баш-баш»-или вявирули ви-раси. Мазала масли балусири илди кIелра гъайлизибад чидил аллира бергеси лебихIи, шинничи дуцIли дакIес.

ХIера, ца гъачам мазала дурзам бейгIес колхозла хIякимти бакIиб. Илдачил варх леври ца дарганра. ХIенкъ базализи бухIнаэс хIяжатлири. ХIенкълис гъавиубли, «баш-баш» – викIули базала ухIна ацIира, наб гIелабад мазала хIенкъра абацIиб.

Дукарра вяхIили, дарган викIули сай: «ХIердикIенаягу ца, Къаратовли калмыкунала мазализи дарган мез дагъахъурли сай. «Баш-баш» ибси «баши» ибсилечи мешули саб къалли.

Илини ил гъайла мягIна бакIибтази аргъахъиб. Илдира тамашабиубли, дукарбяхIиб.

МЯХIЯММАДРА ИВАНРА

Калмыкуназив хала букIунни узули вахъхIи хIейублири. Ца колхозлизиб барх бузуги букIуни ахIенти камли балулри. Цагъачам алапа касес кассала гъала яргализи кайзурлири. Ца урус гъамиубли набзи викIар:

МяхIяммад, хIу сайрив гIергъиси?

– Сайра, – викIулра ну, иличи шурахъили кIийна-хIяйна хIеръира. Ил нуни хIелуси адам сайри.

– Чинад валусирав хIуни ну? Нуни хIу хIелулригу, – дугъаизурра иличи ну.

– Нуни хIура хIелусири, – викIар ил.

– ГIур набчи, дила у бурили, дугъаизурригу?

– ХIуша лерилра МяхIяммадхъали сархIели дугъаизурсири, – викIар ил.

– ГIе, бархъси саби, хIела урусунала Иванхъали къяйдали, нушала МяхIям-мадхъалира бахъал лебти саби.

Ил сайра Иван сайли увухъун. Илала гIергъи юлдашуни детаурра.

ГЯЧКИБИ

Ца базар бархИи ГЯяла базарличир кършидикибти чумал юлдаш-тяниш, асили беркеси-бержесира, базарла дублабси диркьаличи кадиили къацІладиэс алавдакІира.

Набзибад, пикрихІевхъи бурибси вайси гъай дурабикиб ил мерличиб.

– Гъаригу – викІар ца, – мякълаб хъунул адамтира лебну, вайта мадугъудая.

Наб хІясибхІебиубли хьалли гъарахъли ахІи тІашбизурли хъунул адамтала къукъя лебри.

– Чинаба хъунул адамти? – хъарбиулра нуни.

– ХІера икІди икІаб. – чебиахъули сай цали набзи, нуни итира чебиути илди.

– СейкІусири хІу, икІди хъунул адамтив гъатІи? Мурул адамти сабигу, викІулра ну.

– Ягъари, сейкІусив иш? Хъунрира муйлира декІарбарес хІебалулигу ишини, – викІар баягъи.

– Сайцун дубургала ухІнав хІерирухІели, хІехариубли хІейалли, – викІар цархІил.

Эй, илала илди цІудара гІячкибани ваятІа чебиахъули биэсгу, – викІар цархІил.

ГІячкиби урасили хІеръа гъари, чихъали чебиидал, – викІар итилгъуна.

Ну, гІячкиби урасили, викІулра:

– ВяхІ, гІяжаибдеш хІебиалли? Гъанна хъунри чебиулра.

ГІячкиби гІурра даршили викІулра: – Гъанна мурул адамти чебиулра. Гъалар ишдигъунти хІедиригу дила гІячкиби, гъанна се бетаурсира ишдас?

– Урасагу абдал хабурти, гІячкибачил мурул адамти чебиули, урасибхІели хъунул адамти чебиэс вирусив? МехІур мага виубли хІейалли иш! Нуни бурирагу хІези, хІуцун къадала ухІнав хІерирадди абдалкайруд или, – викІар ца дила шан.

– Насруллагъ, ману хІеръагу ца хІуни, – гъадурцулра мякълавсилизи, хІулира линкІбарили. Ил масхарачи, бурибси масхара иргъуси сайри.

Насруллагъли гІячкиби сасиб, хІулбачи даршили, хъунрачибяхІ хІеръили, викІар:

– Агъ, жан узби, марли викІули улигу ишди гІячкибала вегІ. ГІячкибачил нунира икІди мурул адамтиван чебиулра.

– Эй се гІяжаибдеш сабив? Се гІячкибив хІела ишди, тамашала лер къалли, – чуйнал даршили урисули, викІар ил.

– Гъаригу ца диха хІеръахъес, – мява барили кабибти лебтанилра някъби гъадуциб дила гІячкиби сасес.

Дила масхара гъарбизур.



Очерк



БЕГИТА КАБЕРДИБ ДЯКЪКАД

*Талих I чевси – ил бузерили
разидеш бихуси адам сай.*

Г1. Абу-Бакар

Археологунани нушала манзиллис чумал азир дус гъалаб хIербирули калунти шумерлантани гIянжила гIенбачи дарибти белкIани (дигубли къркъаван чIумадиубхIели сари илди нушачи даибтира) даргиб. ГIялимитани илди делчIун. БелкIаназибад цали ишбархIира пикри битIикIули саби: «Нушачибад акIубти дурхIни халабаалли, дунъя булъан» - белкIи саби илизи. Дунъя биалли ишбархIира хIебуи лебал, гъамли булънилара урехи агара. ИтхIейчибад ишбархIиличи бикайчи алкIули дурхIнира лебал.

Амма бегIталара дурхIналара ургабси жал ишбархIира челукъуси масъалали кавлули саби. «ХIушаб дунъяличи абхъибти хIулба хIердизес дигули ахIенра, илбагъандан заманалис гIелакадулхъулра», - бикIули саби дурхIни. «Халатала хIурмат бирули ахIен, дурхIни нушачи лехIихъули ахIен, бархайчиб сягI халабаибси замана бакIили саби», - хъутурбикIули саби бегIти.

КIибехIелра бархъти бургар. Илдигъуна саби дунъя: гIашагарли барсбикIуси, сунезиб гъачамличиб гъачам гIямрула тимхъ хъярхъбикIуси, цархIилван буралли, дугира хIерирагъуна, ца суайс жаваб баргайчи верхIел сагати алкIуси.

Адамра гIямрулизив селичи-дигара вяхIигули сай: ишбархIи дила гъар секIал ункъли гъунчидикили сари или гъанбиркуси адамлис хабарагарли къисмагли лардирхъули сари. Аги-къяйда илкъяйда даредиэс дирниличи мурталра хIядурли виэс чевкъули саби. Урга даршдусмала бусурмантала машгъурси гIялим ва философ Ал-Гъазалинира бурули уили сай: «Аллагъли жягIял сунечи аркули виасли, ил барес, сагаси хIевара чегъурли, ну ишбархIил хIядурли сайра» или.

Ил викIусигъуна хIядурдеш барес нура валкъаурлиригу, дила районнизив акIубси машгъурси тухтур Арсен Расуловли верцахъира. Ил медицинала гIилмуртала доктор, профессор сай. Сабухъчевли гIилмулизивра узули, илини ракла изайзи бикибтас гIяхIцад операциябира дирули сай. Чис хабарри, хапли багъарбиубси изай савцахъибси ну, чумилра тухтурличи ваили гIергъи, Москвализив иличи кършииркни. Ил дила биубси халаси игъбар сабри. Илини ну ахIентира бахъал адамтала жан дерцахъили уилри.

Арсен ГIусманович медицинала гIилмуртала доктор, профессор сай. Ил Россияла Н.Н. Блохинна уличилси онкологияла шайчибси гIилмула

Центрлизив узули сай, ил Центрлизибси проктологияла отделениелис бекДеш дирули сай. Илини наб барибси кьуллукъличила ва ил сегъуна багъадур адам саял бурайчи, илала бегТачила къантІ-къантІлилра хІебурили батес асухІебирар.

Арсен ГПусмановичла дудеш ГПусман ГПусманович Сергокъалала районна ГІяймамахъилизивадси сай. БекІлил гъамадти ахІенри илала дурхІядеш. Ил баягъи нуша гъанна «дургъбала дурхІни» дикІуси наслула вакил сай. Илала дудешра дудешла кІел узира ЧебяхІси ВагІа дергъла бутІакъянчиби сабри. Дергълизивад илдазивад цалисалра чарухъес къадархІебиуб - хІяблилра ВагІан багъандан жан кьурбандариб.

ДурхІнази дудешла агри хІебагъахъес халаси къиян кабихъиб илала неш Муъминатлира. Ил дергъла жапати дусмазир колхозла кьулала фермализир дояркали рузули калун. ДуцІрум дубуртазиб, яни биалли диркъаличибси хъарахълизиб бирусире мицІрагла ферма. МицІрагла мякълаб бирутири илдас кьуллукъбирути дукикъянабира дояркабира. Итди жапати дусмазиб илди цархІилтыван гушхІебиуб биэсра асубирар, амма къиян-жапа къалли дахъал чедаиб. КъябхІердили школализи вашес бетаруси ахІенри виштІаси ГІумайсра. Ил 1950 ибил дусличивад 1956 ибил дусличи бикайчи Сергокъалализиб абхъибси мицІраг адилкъантала дурхІнас хасбарибси интернатлизив калунсире ва Сергокъалализив школализи вашусире. УрчІемъибил класс таманбарибхІели, ил Советская Армияла къяназиб кьуллукъбарахъес арукибсире. Школализив учІухІелира ил спортличи дигиличил декІарулхъусире, гІяскарлизиб кьуллукъбарес аркъухІелира илала спортла чумал жура хІясибли разрядуні лерри. ИшбархІира Сергокъалализив хІериуси бахъал пергер мушлукъяби хІядурбарибси ва гІяхІцад дусмазив районна Спорткомитетлис бекДеш дирули калунси Рашид Рашидовра илра ца класслизиб барх бучІули калунтири.

Армиялизиб илини артиллеристла санигІят бяркъур. Бажардичевси жагъи адамлі гъалмагъунала ургаб хІурмат сархиб. Ил старший сержант ветаур. Кьуллукъбируси замана ил партияла члендешлизи къабулварибсире.

- Армиялизивад чарухъунхІели нуни школа таманбарес къасбарира. ИтхІели гІяймауб урга даражала школа аги. Гъар бархІи савли ХІурехъи вашули калунра ва илаб школа таманбарира. Гъайгъай, набчил барх бучІути дурхІни гІямрули набчиб гІяхІцадла биштІати сабри. Илбагъанданра наб илдачив ункъли учІес хІяжатлири. ГІяскарлизиб кьуллукъбарибси нуни илданичир урус мез ункъли далулри. Мединститутлизира ну дила уркІила жи хІясибли сайри керхурси, чили-биалра маслигІятбарни хІясибли ахІенрину. УчІес, гъайгъай, буресцад гъамадлі ахІенри. Амма къас лебли гІергъи, адам се-дигара барес ва сархес бажардииркуси сай. Ил секІал дила гІямрулизиб нуни чуйнара хІясиббарира. 1966 ибил дуслизиб мединститут таманбарира ва терапевтли узахъес Избербашлизи вархъира. ИтхІели чина вархъаллира, узес ила укъес гІягІнисире, гъаннаван узес хІянчила мер баргес умцІуси ахІенрину. Ца дус терапевтли калунра, кІибиб дус хирургли узира. 1968 ибил дуслизив чеббикІибси санигІят хІясибли устадеш имцІадиахъес Бакулизив учІули калунра. 1970 ибил дуслизив шагъарла больницала бекІ тухтурла заместитель варира. Хирурглис камси заманалисалра сунела санигІят хІебузахъули калес асубируси ахІен. Илбагъандан нура, дус кабикибхІели,



цазаманализив бекI тухтурла заместительлира кали, хирургли узес даимиубра. 1984 ибил дусличивад 1994 ибил дусличи бикайчи Избербашла больницала бекI тухтурли узира. Лебилра замана ну Избербашлизив сайри узуси ва шагъарлан ветаэс жявлил замана баили саби. Хирургли узуги I2 дула духIнар чумилра операция дарес къадарбиуб. Хирургра сапергъуна сай: илисра хатIа барес асубируси ахIен, сенкIун илала някъбазир някъбазир адамла жан сари. Ил мурт-дигара хIянчила мерличи музавхъес хIядурли виэс гIягIниси сай. Нуни операция барибти зягIипти къулайбирниличи уркIи кабизайчи илдачивад гъарахъхIеркира, сецад вархили виасра. Нушала санигIят илгъуна саби. СанигIятли ну зегъаличи дебали чекайзурси ветаахъурра. Пенсияличи арякъи гIергъира, узес даимиубра. БусягIятла заманара тухтур-методистли узурла. Больницализиб бузуги жагъил тухтуртас кумек гIеббиахъес бажардииркулра,- бурули сай илини.

Арсеннадудешнуни сунела юртла мякълабси биштIаси цIедешла анхълизив халтIикIули, галгубас къуллукъ бирули варгира. Илала юртла къапула мякълаб хивла халаси галга тIашлири. Ишдусра ил берхъилри. Юртлис хъулчи каби хъибхIели убатурси хив буилри ил. Илдала азбарлизибси бурхлиуб зарядка дирес балкъаахъурси гIямзилар гантельти чедаира. ДитIикIес тIайзи дигъунти резинна хIябнира хIясибдарира илар. Хъа мякълабси анхълизиб биалли турникра леб. Хъа вегIли спортличилти гъалмагъдеш къябаибси замана хIебиуб. Гъести гIямруличи айкибхIелира ил гъар бархIи зарядка дирес азгъинирули ахIен. Илбагъандан виэс жагъилван кункли вашули сай. ГIямрула илгъуна бетуц бузахъниличи чекайзурхIели, ил мурталра гIяхIси гъавличилра вирар. Сунечил ихтилатикIусиличи пикриличил лехIихъули сай. БегI гъалав къаршиикибсира ил тухтур виъниличи гъамадли шакиркур, сенкIун санигIятли илала хIял-тIабигIятличира асарбарили саби.

- Лерилра дусмазив хIу уркIи каби хъили узули калниличи чилра вирххIеэс хIейрар. Илис бикъридеш дирули сари Дагъистан Республикала урибси тухтурла хIурматла уличи лайикъикнилира. Хъалибаргличилра илкъяйда гъарбизур хIебиэс?

-Ну гъачамалра къуллукъла ахъси даража сархес гъазализив хIейрира.

Къияндешуназивад урухІекІес биалли ну виштІахІейчивад бурсиввиубсири. ИтхІели касибти дебш наб лерилра гІямрулизир урадигули сари. ХІера иш, дила мякъла кариили, нушала ихтилатличи лехІихъуси дила хабчаб Шагъризат Мутаевна сари. Институтлизив учІули левалли, дила шилизи вякъунхІели, медпунктлизир рузуси жагъил хІянчизар сарри. ХІурехъирадси руилри. Нуша цалис ца гІяхІдизурра ва хъалладиубра. Цали итил гІердурцули хІердирулра. УркІи аргъибси хъалибарг къадарбиъниличиб халаси игъбар гІур селизиб бирусив? Халасигъуна заманаКун хъалибарглизиб саби адамли буркІуси. Дила дурхІнира уркІи аргъибти саби. Цализилра пулан белчІудила заведениелизи керхахъес маслигІятхІебарира. Илдани чула санигІятуни чула уркІбала жи хІясибли чердикІибти сари. Ну илди школализиб бучІухІели, гъайгъай, секъяйда бучІулил багъес дудеш сайлин гъаман гъавикІира. Тухтур виъни багъанданра дила школаличил бархбас биес гІягІнисире, - бурули сай ГІусман ГІусмановичли.- Дахъал секІайчи дурхІни бегІтазибад саби бурсибироти. ДурхІнази гІякълуме дурниван ахІи, илдас гІибрат чебиахънила къадри халаси саби. Ну хІянчиличив имцІали вирира, илбагъандан дурхІначил вирес имканти камли дири. Илди имцІали нешла хІерудилиуб бири. Нушала авал дурхІя леб: ца рурсира хІябал уршира. Халасигъуна рурси акІни нешла игъбар саби, сенкІун ил илала цаибил кумекчили ретарули рирар. Илгъуна сарри нушала Индирара. Нешлис кумекбиресра бажардирирки, школализир ункъли ручІесра. Ил ДГУ-ла биологияла факультетлизи карерхур.

Урши Артурли Политехнический институт чеббикІиб. Стротельный факультет сабри таманбарибси. Избербашлизибси СМУ-Ю-лизив экономистли узули калун. Узра узули, илини аспирантурализиб белчІуди даимбариб. СМУ-Ю-лизив илхІейс бекІ бухгалтер ветаурлири. ГІур ил шагъарла налогунала шайчибси инспекциялизив узес шурухъун. 1995 ибил дуслизив аспирантурализибси бегІла гІергъиси сессияличи вякъунхІели, илис Москвализив калахъес маслигІятбарили буилри. Урши набчи дугъайзур: «Дудеш, наб Москвализиб гІяхІси къуллукъ гес дигули саби. Амма хІела пурбан агарли, ну ита арукъес хІейрус», - викІар ил набзи. Гъар секІал лерси, гІяхІси хІянчила мерра бархъбатурли, Москвализи хъулиубси уршила баркъуди наб гІяхІхІебизур. Нуни илизи гІурра пикриухъахъес маслигІятбарира, уршила уркІи буэсра дигули ахІенригу. Ил чумилра бархІи дикили гІергъи, набчи гІурра гъамиуб ва вархъахъес тиладибариб. ИлхІели ну къабуликира, сенкІун уршила уркІи аргъира. Москвализив ил ца къуллукъличив узахъес валтули ахІенри. Илини камси заманала духІнар чумал санигІят дарсдариб. КІинайс ашкарбиуб ил хІялумцІули биъни. Чули илис хІядурбарибси къуллукъличив узес бажардиркурал ахтардивирули буилри. Се хъарбаралра таманбирули калун, сунезир устадешра бажардира лерни чебаахъес виуб. Камси заманала гІергъи илини сай вегІси юртани лушуси компания акІахъуб. Гъанна илини Химкилизир І8-20 дерхІла адамти хІербирути юртани лушули сай. Хъалибаргра Москвализи арбукиб.

Арсенничила се буриша? Ил хІунира ункъли валули ургуд. Разили сайра илала сархибдешуначира. Москвализиб ординатура таманбарибхІели, Арсеннизи аспирантурализи керхахъес маслигІятбариб. Амма ил, белчІи аспирантурара сайра, Дагъистайзи чарулхъан или урухкІули буилри. Ил Москвализив ватес Дагъиста арадеш балтахънила министрла разидеш

хИятатли буилри. Бархъли бурис, ил яргализив ну уршилис икъалавиубра. МяхИякъалализи вякъунра ва илгъуна разидеш сархира. Дахъал дусмазиб Избербашла больницализиб гИяйиб-хИатГализи хИейкили хИянчи барибси дила гъайличи министр пикриличил лехИахъиб ва нуни ибси барес къабуликиб.

- ХИушала хъалибарглис сегъунтилла вас-васъала агарли тухтуртала хъалибарг викIес вирар. ДурхИназир медициналичи диги хИезирад букъурли даибти диэс гИяГнити сари,- викIулра илизи.

- Асубирар илкъяйда биэсра- къбуликиб ГIусман ГIусманович.- Нуни чумилра хъалибарг далас бегIтиван дурхИнира тухтурти бетаурти. ХИуни хИебалули виэсра асубирар, дила хИябъибил урши ГИяхИмадханнира мединститут таманбариб . Ну гъаннара тамашаирули левалра илини барибсилечи. Арсейни мединститутлизиб белчIуди хъараахъурси дуслизив сайри ил учIес керхурси – 1992 ибил дуслизив. Ил сай 1973 ибил дуслизив акIубси сай. Ункъли учIули, илини 1998 ибил дуслизиб Дагъиста медакадемия таманбариб. МяхИякъалализибси цаибил номерла больницализиб интернатурара хъараахъур. Хирургла санигIят сабри илинира чеббикIибси. Амма тухтурли узес хъулхIевхъун. Москвализи арякъун ва Плехановла уличилси халкъла хозяйствола институтлизи керхур. Нушачи хъархIейкес багъандан, ил, узра узули, бархIехъуназив сайри институтлизив учIуси. Ил таманбариб ва, Москвализив камси замана узули кали гIергъи, Дагъистайзи чарухъун. Нура тамашавиубра илала баркъудиличи – илиникIун кIелра институтлизир касибти багъудлума пайдаладариб. Дагъистайзиб ИНВИТРА-ла лаборатория абхъиб.

ИшбархIи илала филиалти Дербент, Каспийск, МяхИякъала, Кизилюрт, Избербаш, Хасавюрт шагъурлизир ва чумал районнизир дузули сари. ИНВИТРО-ла филиалти лебилра Россияла субъектуназир дузули сари. Къалабали хИила анализ барахъес хИятатдеш акIубти адамти саби ил лабораториялизи дугъабилзути. Илаб бузути специалистунни зягIипси левси мерличи хасси автомашиналичиб къалабали музабулхъули саби ва анализ барес хИи кайсули саби. ГIур хИи самолетличир къалабали Москвализи диахъули сари. Илаб биалли гъарра шайчибад оборудованиеличилра специалистунначилра гIеббуцибси лабораториялизиб хИятатси анализ бирули саби ва жаваб интернетлизибад дугъайзурсиличи биубцад къалабали биахъули саби. Ил лабораториялизир даршличир имцIали журабала анализуни дирули сари. Илдала лугIилизир нушала республикализир дарес имкан агартира лер. Лабораторияли илдигъунти къуллукъуни багъалис сари дирути. Амма адамти иштяхIиличил ила дугъабилзули саби, сенкIун анализуни дурусти сари ва жаваб хъархъли зягIипсилечи биахъули саби. Гъарил адамлакIун анализ барахъес Москвали букъес имканти хИедирар. Илгъуна архIя дураберкIесра дурхъали кабилзули саби. Дагъиста дубурла районтазирти больницабира илдигъунти анализуни дирахъес ил лабораториялизи дугъадилзести имканти акIахъубли сари, челябкъалализир биалли илдигъунти къуллукъуни лерилра мераначибад дугъабилзутасра дирес имканти дирар. Бузери илкъяйда гIашбатнили зягIиптасра тухтуртасра халаси кункдеш алкIахъули саби. ЦархIилван буралли, илкъяйда Амирхай Дагъистайзир гIяхIцад специалистунас хИянчила меранира акIахъуб. Москвализи бархъили, устадешличира бегIубиахъуб. Сай биалли Москвализив



хҠериули сай ва Дагъистайзибси ИНВИТРА-ла службалис бекдеш дирули сай. Гъайла къантIа, нушала хIябалра урши хъалибаргуначил Москвализиб хIербирули саби.

- Гусман Гусманович, хIу акIубси шилизи вашули вируду? Дубурла шимазир кадизурти аги-къяйдаличи хIу къабуллирив?- хъарбиула илизи.

- Вай-гIяхIличи вашули вирус. Дила шилизибра камти адамти саби калунти. Мер-муса къалли илар хIябилра жагати сари. МясшIдилзули дирар иларти лайкадакIибти, къуллукъ хIебирути, амма гъар дус духъути цIедешла унхъри. Илар дигалли картошка дашахъес вирар, дигалли мицIираг адилкъес гIяхIти шуртIри лер. ХIянчила мерани агархIели сари халкъли шими дархъдалтути. БучIес дурхIни агархIели школаби къяпIдирниличи анцIбукъ бетикили саби. Шимазирти культурала ва медицинала учреждениеби къяпIдирули сари. Шимала мераначир адамтас хIербиахъес лайикъти шуртIри акIахъес гIягIнибиркур бикIули саби, амма сепайда гъай баркъудиличи детиркули ахIен. Дагъистайзибад гъанна бахъал халкъ хIербирес дура арбашули саби. Шила хозяйстволизиб бузес дигутас дедахъес пачалихъли декIардардирути кредитуни шимази дихахъули ахIен. Муртрил нура хъуликIусири пенсияличивалра шилизи чарухъес биркур или. МажахIят гъанна илгъунара бетаэс, сенкIун шагъарлизив хIерирес бурсикайублира. Шимазир кадизурти аги-къяйда дарсдихахъес жявлил замана баили саби, сенкIун гIур къанни бирар. Халкъла зигаръала нунира иргъула. Нушала халкъла гIямру ишгъуна даражаличи диркур или чис гъанбиркусири? Шимазиб хIербирути булан дурхIнас мекъ барес шагъарлизи дуцIбикIули саби! Ну къалли гIямруличи абхъибти хIулба хIерикIес бурсивиубси адам сайра. Гъайгъай, набра дигулра пачалихъ шимачи чарбяхъили, илаб хIербирути къайгъили алабуцили...- викIули сай ил. Жявли илгъуна бетхIерни балули виэс, ил сайра бекIли гъакIикIули сай.

БегIтаниван чула дурхIни чиллра ункъли багъес хIебирар, сенкIун адамла хIял-гIабигIят кадилзути хъалибарглизир сари. Арсенна дудешлира

уршиличила урџила дигиличил бурули сай. Арсен Избербашлизибси 3-ибил школализив ункъли учџусири. Дудешлисван илисра спортлизив узес дигахъи. Ил мединститутлизи дудешли ахџенри керхахъурси. 1986 ибил дуслизив ил чилалра шайзибад кумек агарли, сунела сай керхурсири. 1992 ибил дуслизиб институт таманра бариб. Бахълис гъанбиркули бургар улкара илизиб хџербирути халкъра итди дусмазиб сегъунти къиянти ва тџагџамагарти аги-къяйдализи бикибтирил. Гъанна итди дусмас адамти «жапати» бикџули саби. Итхџели студентунасра ахџенри гъамадли. Улкара палакатбирулри, гъар чинаралра хъям-къаџдра демжурлири. Пачалихълис бекџдеш дирути булан гъанна илдас «лихие девяностые» бикџули саби. Гџамру къалли ишбархџира дурхъати детаурли сари. Амма аги-къяйда къулайдирниличи, дуб-дубли гџамру гъунчидиркниличи умут имџџабикџули саби. Бегџгачиб дурхџникџун гъалабахџ арбукъес гџагџнити саби.

Арсен Расулов 1992 ибил дуслизив Москвализи арякъун ва Боткинна уличилси лебилра улкализиб машгъурси больницализив кџел дус ординатурализив калун. Гџилмулизив узес иштяхџ лебси, гъарил бирусилзив бажардиличил декџарулхъуси, Дагъитайзивадси жагъил тухтурли барх бузути тухтурталара больницализи кабиркъути зягџипталара ургаб жявли хџурмат сархиб. Илизиб тџабигџятли бедибси пагъмура лебниличи бирхаурхџели, Арсен Расуловлис аспирантурализи керхахъес маслигџятбариб. Арсенна гџилмула шайчивси руководитель ва насихџятчи Россияла проктологияла Центрлис бекџдеш дируси лебилра дунъяличив валуси академик Воробъев Геннадий Иванович сайри.

Ишаб нуни Арсен Гџусмановичла гџилмула шайчирти хџялумџџабачила ва диахъубти сархибдешуначила тџинтџли бурес къасра бирули ахџенра, ил барес наб имкансира ахџен, сенкџун медицинализивад гъарахъси адам сайра. Гъарил санигџятла хасдешуни дирути сари. Ну «Дагагроснабла» генеральный директорла заместительли узули 35 дус калунра. РФ-ла жила хозяйства урибси хџанчизар ва ДР-ла урибси экономист сайра. А.Г. Расулов биалли бусягџятла замана медицинала гџилмуртала доктор, Россияла Н.Н. Блохинна уличилси онкологияла шайчибси гџилмула Центрлизибси проктологияла отделениела заведующий сай. Илала хџерудилиуб бузули илаб сайгъунти гџилмуртала доктор веџџалџунра ахџи леб. Ил жявлил дурала улкназивра машгъуриубли сай. Гџялимтала халкъни-ургарти конференциябаячи ва симпозиумтачи дурала улкназира жирули сай. Илдигъунти архџябачив Япониялизив Германиялизив, Англиялизив ва цархџилти гџилмулашал гъаладахџ ардякъунти улкназив калун. Гъалавван сайри илгъуна архџяличивад Арсен Гџусманович Лондоннизивад чарухъунси. Архџябала замана ил машгъурти гџялимтачил къаршииркули сай, илдала бузериличил ва сархибдешуначил тяниширули сай. Илди сабира ракличи къаршиси дявилизира Россиялизир диахъубти сархибдешуначила илизи хъарбикџули бирар. Илала бузери сунечил барх бузути гџялимтанира ахъли къиматла бирули саби. Арсен Гџусмановичли онкологияла масъулти руркънилис багъишладарибти гџилмула чумилра хџанчи делкџи сай. Чум адамла жан дерцахъес виублил ил багъадур адамли! Нушала районна шимазибадти чумилра адамлис операцияби дариб илини ва чула жан дерцахъни багъандан урџи-урџилабад баркалла сархиб. Арсен Гџусмановичли операцияби дарибти Дагъистайзибџун ахџенну, Северный

Кавказла республикабазиб, Москвализиб ва Россияла дахъал цархИлти мер-мусаличиб хIербирули саби. Хаслира гIергъити дусмазиб лебилра дунъяличиб ракла изала мусибатли бетаурли саби. Ракла дахъал жураби лерли сари, илдази биркути Дагъистайзибра бахъал къаршибиркули саби. Ил изайзибад адамти берцахъес сецад жявли балбизаллира къулайси буили саби. Жявли багъес къиянбулхъули къадин.

Наб дебали гъарбизур, иличи къаршиикили, сенкIун цархИл хирург наб операция барес къабулхIейкесра асубири. Наб кIел операция дарес гIягIнили дуилри. ГIяхIцад дусми деркIибси нуни мажахIят кIел операция чекасесра виши. Тухтурлисра цацахIели тавакалличи укъес чекъули буили саби. Наб кIелра операция цагъакIли даресли бариб илини. КIел хирург цахIнаб бузули калун, гъарилли сунела хIянчи бирули. Илкъяйда дила илдани ца урцецра канила бухIнабси рудлизирти демдрира урасиб. Набгъуна къуллукъ цархИлтасра бирахъес духъянти гIямрура чIумаси арадешра дедаб чус Къудратла вегIли! Наб операция барибхIейчибад дус бикили саби. Сагали акIахъубра илдала мургъила някъба викIасра хатIа бетхIерар. Илкъяйда верцахъибси хIейасри, Арсен Гусмановичличила нуни хIушази буресра хIейира.

Москвализиб хIербирули саби Арсен Гусмановичла хъалибаргра. Илала гIямрула ралликъяна Жамилатра тухтур сари. Илдани авал урши-рурси абилкъули саби. ГъатIира дурусли буралли, хIябалра узи москваланти бетаурли саби. Амма илдани Дагъистайчилти бархбасуни хIулилипIла манзиллисалра къябудахъули ахIен. СенкIун илаб саби илдала бегIти, узи-урши, шанти ва лебилра дагъистанланти хIербирути.

Ишдусцун Арсен Гусманович хIяйна Дагъистайзи вакIиб. Ца яргализив ил Дагъиста медакадемияли живарни хIясибли сайри музавхъунси. Июль базличиб МяхIячкъалализиб медицинала масъултас хасбарибси халкъани-ургабси гIилмула конференция дурабуркIухIели живарибсири. Дагъиста



медакадемияла ректор Арсен Гусмановичличил варх ца курслизив учули калунси сай. Дагъистайзибси онкологияла шайчибси агира илини ункъли балули сай. Хияжатбикибси анцбукълизив кумекличи музавхъесра мурталра хиядурли сай. Дагъистайзиб ракличи къаршили бузахъуси дяви гъалабяхI башахъес илини виубсигъуна кумекра бирули сай. Илдигъунти бирути саби вегIла биштIаси ватIа патриотуни.

Дагъистан мурталра чула ВатIайчила ва илизиб хIербирути адамтачила пикрибикIути, илди дигахъути ва чула пагъмурти илдас къуллукъличи кайути багъадур адамтачил машгъурси бирусири. Репинна премияла лауреат, хабардерхурси гIярбукIан мургъи-арцла уста Расул ГIялиханов США-лизи вякъунхIели, илала пагъмули хIяйранбиахъубти итабти ахърила бегIти ва гъай бузути адамтани Бостон шагъаркад къунзварили буили саби ва илаб сунес жагабизурсигъуна кIялгIя чеббикIахъес гъалабихъили саби. «ХIед гIялбизурси кIялгIяра лугехIе, мургъи-арцличилра гIевурцури, сегъуналра анцбукълизир ит яра иш бара или хIези хIедикIехIе, хIела уркIили къабулдарибти секIал дирес азадлира вируд, кален нушачив», - бикIули буили саби илди хабарла устази. «Дила пагъму илкъяйда ахъли къиматла барни багъандан хIушаб халаси баркалла,- жаваб бедили сай илини,- амма хIушани иша Кубачи гечбарес хIедирудая, дила биалли илар ахIи хъу хIедухъар». Лерилра гIямру Восток руркънилис харждарибси ХажалмахъилизивакIубси машгъурси гIялим МяхIяммад-Нури ГIусмановли, гъану шура дус бамсриагарли узули, Дурхъаси Къуръан урус мезличи шурбатур. Телевидениелизибад барибси ца ихтилатла замана илизибад аргъира: «Къуръан шурбетес наб гъану шура дус узес хIяжатбикиб, амма бархъли бурулра, ил хIянчилис нуни гIурра гъану шура дус дедес вирира, сенкIун дарести гъатIира калун». Бузерили уркIилизи разидеш бихуси адамлицун вири илкъяйда бурес. Тяп илдигъунти адамтала лугIилизивад ца сай ГIяймаувадси машгъурси хирург-онколог Арсен Расуловра.


Илдигъунти адамти лебхIели сари гIямру духъути, илдигъунти адамти лебхIели сарра нуша гIямруличи умутчерли хIердикIути, илдигъунти адамти лебхIели сарра нуша гъар бархIи берхIилис пишдяхъили гъунидиэс дирути...

МяхIяммад ГIЯБДУЛМУТIАЛИМОВ,
*РФ-ла шила шила хозяйства урибси
хIянчизар ва ДР-ла урибси экономист,
Россияла журналистунала Союзла член.*

Суратуназиб: профессор А. ГI. Расуловли операция бирули; Расуловхъала хъалибарг; хIябалра узи Артур, Арсен (*ургавси*) ва ГIяхIмадхан барх кабиибхIели.



ДАРГАЛА ХАЛКЪЛИ ХЪУМХІЕРТУ



Поэтунала авид вацаличил цугбуцес асубиралли, ил - гергъити дусмазиб багъесли чирхъбиубси вацализиб хамлибакибси, ванзализи мурхъли мякъи датаибси, сунела ахъдешличил ва бабздешличил декларбулхъуси, цархилти галгубачиб гямрули халаси, сунела дерхъибти кларазир гямрула дягли дучути далуйти ахъли зайдиклуси, зурбаси миггъуна адам сайри.

Гъай Дагъиста халкъла поэт Мяхяммад Халимбекович Хиямидовличила сари. Сай аклубхейчирад 86 дус дикнила байрам дураберкес авал бархи лералли, ил нушачивад ахиратла хъули арякъун, ва даргала халкъла культуралис халаси бетяхъри биуб.

Мяхяммад Халимбекович 1930 ибил дуслизив Сергокъалала районна Гяймаумахъилизиваклубсири.

Дагъиста С. Стальскийла уличилси пединститут (гъаннала ДГУ) таманбарили гергъи, илини Москвализиб КПСС-ла ЦК-ла гъалабси Чебяхъси партийная школара белчлун. Гяхъцад дусми журналистикалис дедиб. Хябцали дусличивра имцали «Дагъистан» гостелерадиокомпанияла председателъи узули калун.

Мяхяммад Халимбекович 60 дусличивра имцали СССР-ла писательтала Союзлара журналистунала Союзлара член сайри. Историяла гилмуртала кандидатра сайри ил. Дагъиста халкъла поэтла хурматла уличира лайкъикиб.

Имцаливан поэзиялизив вири узуси. Илала поэмабала ва назмуртала вецани жузи дарган мезли ва урус мезли Дагъистайзирцун ахленну, Москвалезир «Советский писатель», « Современник», «Советская Россия» ва цархилти издательствобазирра дурадухъун. Илкъяйдали илини Дагъиста радиола ва телевидениела историялис багъишлабарибси жузра белклун ва дураиб. Беглара сабухъчебли бузути даргала поэтуназивад ца сайри ил.

Дахъал чедаибси, дахъал дагъурси пергер адам сайри Мяхяммад Халимбекович. Халаси къулукъличив кали хъалли, ил беклил халадеш кадурцуси хейри, илис адамти дигахъи, цархилта бурусиличи мурталра пикриличил лехихъи, хяжатбикибси замана чис-дигара кумекличи музавхъесра хядурси адам сайри. Илала бахъал гъалмагъунибири. Дебали адамтала ургав валкайкибси адам сайри. Иличила буралри адамти урклила дигиличил «Хиямидхъала» биклутири. Ил республикала жамигъатла гямрулизир жигарла бутлакъяндеш дируси политикала жигарчевси хяракатчира сай. Поэтунала ва писательтала юбилейтачив ва цархилти байрумтачивра мажлисуначивра ил тямадали вирклусири. Илини делклунти гяхъцад назмурти жявлил далуйти детаурли сари ва далайчиба иштяхъличил сценаличирад дучлули сари. Лехирхъутасра гяхъдилзули сари.

Даргала халкъла культура гъалабахъи башахънилизидилини кабахъибси пай пачалихълира халкълира ахъли къиматлабирусири. Илис бикъридеш дирули сари илис С. Стальскийла уличилси Дагъистан Республикала пачалихъла премия беднизира. Илкъяйдали ил даргала поэзияла дудеш П. Батирайла премияличира лайкъикибсири.

Мяхяммад Халимбекович Дагъиста халкъла поэтцун ахленрину, Дагъиста культурала урибси хянчизарла хурматла уличира лайкъикибсири. Ватла гъаларти къулукъуни къиматладарили, ил Бузерила Хлунтена Байрахъла ва Хурматла ордентачилра наградитьварибсири.

Мяхяммад Халимбекович Хиямидов «Гъалмагъдеш» журналла редколлегияла членра сайри. Сагали делклунти назмурти илини бегл гъалар нушала журналлизир дурайи.

Даргала луклантала ва илала творчество дигантала шайзибад Мяхяммад Халимбековичла хъалибарглизи ва узи- уршилизи халаси децл балахъула. Даргала халкъли ил пергер адамла ва поэтла у хъумхирту.

**«Гъалмагъдеш» ва «Лачин»
журналтала агълу**

ISSN 0235 - 0149

Индекс годовой 31176
Индекс полугодовой 73892

